


ইউরি দ্রুজকভ

বাসুকী

পেনসিল আর সর্বকর্মার অ্যাডভেঞ্চার







*If you want to download
a lot of ebook,
click the below link*



**Get *More*
Free
eBook**

**VISIT
WEBSITE**

www.banglabooks.in

Click here



ইউনি ড্ৰাজকভ

**পেন্সিল আৰু সৰ্বকৰ্মীৰ
অ্যাডভেণ্চাৰ**

সত্যমূলক ৰূপকথা



প্ৰগতি প্ৰকাশন • মস্কো

অনুবাদ: ননী ভৌমিক

ছবি এঁকেছেন নিকোলাই গ্রিশিন

আদরের ছোটো বন্ধুরা!

আমাদের দুই নায়ক — যাদুকর পটুয়া, ড্রয়িংয়ের মাস্টার পেনসিল আর সব কাজের কাজী, লোহার মানুষ সর্বকর্মী তাদের বৃত্তান্ত, তাদের নানা অ্যাডভেঞ্চার, তাদের যাদু ইশকুলের খবর শোনার জন্যে এবার বিদেশ যাত্রা করল।

বইটি পড়ার পর তোমাদের অনেকেই নিশ্চয় ধরতে পারবে যে যাদুর ইশকুলটা খাস জীবন ছাড়া আর কিছুই নয়। সে জীবন কিছু শিখিয়েছে, সবই শেখাবে। তোমরা কি চিঠি লিখে জানাবে বইটা থেকে তোমরা কী বদলে, কী শিক্ষা পেলে?

নানান জায়গা থেকে ছেলেমেয়েদের চিঠি আমরা পাই অনেক। যাদু ইশকুলের ঠিকানাটা জানতে চায় সবাই। একটি ছেলে লিখেছে: ‘যাদু ইশকুলের ঠিকানাটা আমায় দিন, নিজের জন্যে একটা বাইসাইকেল, টোটা সমেত বন্দুক আর দুটি দম-দেওয়া খেলনা মোটরগাড়ি আঁকতে চাই।’

আরেকজনের ইচ্ছে একটু অন্য রকম: ‘যাদু ইশকুলে ভর্তি হতে চাই, আমাদের গাঁয়ের জন্যে ঠিক অর্মানি একটা ইশকুল এঁকে দেব, ফলে সব ছেলেমেয়েই তাতে পড়তে পারবে। তাছাড়া বাড়ির কাছে একটা নদী আঁকতে চাই, ঠাকুমাকে তাহলে বেশি দূর হাঁটতে হবে না, বড়ো হয়ে গেছেন তো...’

দেখেছ তো, কত রকমের ছেলে আছে, কত রকম তাদের চিঠি। আমাদের ইচ্ছে কী জানো, তোমরা ওই দ্বিতীয় ছেলেটির মতো হও। কেন, সেটা নিজেরাই ভেবে দ্যাখো।

ইউরী দ্রুজকভ

Ю. Дружков

ПРИКЛЮЧЕНИЯ
КАРАНДАША И САМОДЕЛКИНА

На языке бенгали

© বাংলা অনুবাদ · প্রগতি প্রকাশন · ১৯৭৪

অধ্যায় এক

শশায় চেপে ওড়া

মস্তো এক শহরের ভারি সুন্দর এক রাস্তা, নাম তার ঠুন-ঠুন ঘণ্টি। সে রাস্তায় ইয়া বড়ো এক খেলনার দোকান।

একদিন কে যেন হাঁচল দোকানটায়।

ছেলেদের যে খেলনা দেখাচ্ছে সেই দোকানী মেয়েটি যদি হাঁচত তাতে অবাক হবার কিছু থাকত না। কিংবা যদি হাঁচত কোনো বাচ্চা খরিস্দার, তাতেও তাজ্জব কিছু নেই। কিন্তু দোকানী মেয়ে বা বাচ্চা খরিস্দার নয়, হেঁচেছিল একটা খেলনা। আমায় কেউ বিশ্বাস করবে না, তাহলেও ব্যাপারটা বলি।

হাঁচল একটা বাস্ক! আরে হ্যাঁ, রঙীন পেনসিল যে ধরনের বাস্কে থাকে। ছোটো বড়ো নানান বাস্কের মধ্যেই ছিল ওটা। তার ওপর জ্বলজ্বলে হরফে ছাপানো ছিল:

‘স্কুদে যাদুকর’ রঙীন পেনসিল

পাশেই ছিল আরেকটা বাস্ক। নাম তার:

‘ওস্তাদ সর্বকর্মা’ মেকানো

প্রথম বাস্কটা হেঁচে উঠতেই অন্য বাস্কটা বললে:

‘জীব! জীব!’


প্রথম বাস্কটার রঙচঙে ডালাটা তখন একটু উংচু হয়ে উঠল, তারপর একেবারেই খুঁলে গেল, বোরিয়ে এল একমান্ডর একটি পেনসিল। কিন্তু কী সে পেনসিল! সাধারণ নয়, রঙীনও নয়, আশ্চর্য এক অসাধারণ পেনসিল।

তার চেহারা দেখে হাসি পাচ্ছে, তাই না?

পেনসিল মেকানোর কাছে গিয়ে তার কাঠের ডালায় টোকা দিলে। জিজ্ঞেস করলে:

‘কে তুই?’

‘আরে আমি, ওস্তাদ সর্বকর্মা,’ জবাব শোনা গেল ভেতর থেকে, ‘আমায় একটু বের করে আন-না। নিজে নিজে পারছি না কিছুতেই!..’ খট-খট ঝন-ঝন শব্দ হল ভেতরে।



পেনসিল তখন ডালাটা টেনে খুলে উর্কি দিলে ভেতরে। দেখে, নানা ধরনের চকমকে ইস্কুপ, বল্টু, পাত, স্প্রীঙ, চাকতির মধ্যে বসে আছে লোহার এক ক্ষুদ্র মানুষ। স্প্রীঙের মতো সে লাফিয়ে উঠল বাস্কেট থেকে, নড়বড় করতে লাগল স্প্রীঙে বানানো সরু, সরু মজাদার পায়ের ওপর, তাকিয়ে দেখতে লাগল পেনসিলকে।

‘তুই আবার কে?’ জিজ্ঞেস করলে অবাক হয়ে।

‘আমি? আমি হলাম গে যাদুকর পটুয়া। নাম আমার পেনসিল। জীবন্ত ছবি আঁকতে পারি আমি।’

‘জীবন্ত ছবি, সে আবার কী?’

‘মানে ধর, একটা পাখি এঁকে দিলাম। সঙ্গে সঙ্গেই তা জীবন্ত হয়ে উড়ে যাবে। কিংবা চকোলেট এঁকে দেব। খাওয়া চলবে তা।’

‘বাজে কথা!’ বললে সর্বকর্মা, ‘তাই আবার হয়!’ হেসে উঠল, ‘একেবারে গাঁজাখুঁরি।’

‘যাদুকররা কখনো মিথ্যে বলে না,’ রেগে উঠল পেনসিল।

‘বেশ, তাহলে আঁক তো দেখি এরোপেন। দেখা যাবে কেমন তুই সত্যবাদী যাদুকর।’

‘এরোপেন? সেটা কী জিনিস আমি তো জানি না,’ কবুল করলে পেনসিল, ‘তার চেয়ে বরং একটা গাজর এঁকে দিই, কেমন?’

‘গাজরে আমার দরকার নেই। কিন্তু সত্যিই কখনো তুই এরোপেন দেখিস নি নাকি? হাসিয়ে মারলি।’

আবার খানিকটা আহত বোধ করলে পেনসিল।

‘হাসি থামা তো। সবই যদি তোর দেখা, তাহলে বুদ্ধি দিয়ে বল এরোপেন কেমন হয়, কী রকম দেখতে। সেই ভাবে এঁকে দেব। বাস্কে আমার একটা অ্যালবাম আছে। রাঙাবার জন্যে নানা রকম ছবি আঁকা আছে তাতে। পাখি, গাজর, শশা, চকোলেট, ঘোড়া, মোরগছানা, মুরগী, বেড়াল, কুকুর — এই সব। এরোপেন-টেরোপেন কিছ, তাতে নেই।’

স্প্রীঙ ঝনঝনিয়ে লাফিয়ে উঠল সর্বকর্মা:

‘ইস, কী সব বাজে ছবি তোর বইটাতে। যাক গে, এরোপেন কেমন তোকে বুদ্ধি দিয়ে দিচ্ছি। ওটা হল ডানাওয়ালা এক মস্তো লম্বা শশার মতো। দাঁড়া, মেকানো থেকে এরোপেনের একটা মডেল বানিয়ে দিই।’

বলেই বাস্কে লাফিয়ে ঢুকল সর্বকর্মা।

ঝনঝন করলে সে লোহার পাতগুলো নিয়ে, খোঁজাখুঁজি করলে লাগসই ইক্ষুপ বালু, ঢোকালে যেখানে যা দরকার, প্যাঁচ দিলে ক্ষু-জ্বাইভারে, ঠুক-ঠুক করলে হাতুড়ি আর কেবলি গুণগুণ করে গাইলে:

সবই বানাই নিজে নিজে,
বিশ্বাস নেই আজব চীজে!
নিজে নিজে! সবই নিজে!

পেনসিল ওদিকে পকেট থেকে বার করলে ষত রঙীন পেনসিল, ভেবে ভেবে এংকে দিল এক শশা, — তাজা, সবুজ, বড়িদিার গা। তারপর ডানা এংকে দিলে তার সঙ্গে। হাঁক দিলে:

‘কইরে সর্বকর্মা, আয় এখানে, এরোপ্লেন এংকে দিয়েছি।’

‘এক মিনিট,’ সাড়া দিলে ওস্তাদ, ‘আমার শব্দ এই প্রপেলারটা বাকি, তাহলেই এরোপ্লেন তৈরি। ইক্ষুপ নিয়ে প্রপেলারটায় এই ঢুকিয়ে দিলাম, শব্দ গোটা দ্বয়েক বাড়ি। বাস্... এই দ্যাখ, এরোপ্লেন কেমন হয়।’

বাক্স থেকে লাফিয়ে এল সর্বকর্মা, হাতে তার এরোপ্লেন। ঠিক যেন একেবারে আসল এরোপ্লেন! তার বর্ণনা দিয়ে লাভ নেই, কেননা সব ছেলেমেয়েই এরোপ্লেন দেখেছে। দেখে নি শব্দ পেনসিল। সে বললে:

‘বা, কী সুন্দর তুই এংকেছিস।’

‘তুই একটা কীরে!’ হাসল ওস্তাদ, ‘আঁকতে আমি জানিই না। এরোপ্লেন বানালাম মেকানো থেকে।’

এই সময় তাজা সবুজ শশাটা চোখে পড়ল তার। অবাক হয়ে গেল সে:

‘শশাটা পেলি কোথায়?’

‘এটা... এটা হল আমার এরোপ্লেন...’

ওস্তাদ সর্বকর্মা তার সবগুলো স্প্রীঙ নাচিয়ে, ঝনঝনিয়ে হেসে উঠল হো-হো করে। দেখলে তো, সর্বকর্মা কেমন রগড়ে, হাসছে তো হাসছেই, যেন সদৃশদৃশি দিচ্ছে কেউ, হাসি আর তার থামে না।

ভারি রাগ হয়ে গেল পেনসিলের। তক্ষুনি সে মেঘ এংকে দিলে দেয়ালে। অর্মানি সত্যিকারের বৃষ্টি পড়তে লাগল সে মেঘ থেকে। আপাদমস্তক ভিজে যেতে হাসি থামালে সর্বকর্মা। বললে:

‘বর-র-র... বিছাছিরি এই বৃষ্টিটা এল কোথেকে? জং ধরে যাব যে!’



‘কিন্তু হাসিছিল কেন তুই?’ চ্যাঁচালে পেনসিল, ‘নিজেই তো তুই শশার কথা বলেছিলি।’

‘ওই মাগো! আর হাসাস নে বাপু, আমার ইস্কুপগুলো খুলে আসছে। এরোপ্লেন বটে! শশার মধ্যে আবার মদুরগীর পালক গোঁজা! ও এরোপ্লেন কখনো উড়বে না।’

‘আলবৎ উড়বে। ডানাও মেলবে, এরোপ্লেনও উড়বে।’

‘কিন্তু তোর ইঞ্জিন কই এরোপ্লেনে? রাডার কোথায়? ইঞ্জিন, রাডার ছাড়া এরোপ্লেন ওড়ে না।’

‘বেশ, বস আমার এরোপ্লেনের ওপর। দেখাচ্ছি ওড়ে কি না,’ বলে শশায় চেপে বসল পেনসিল।

সর্বকর্মাও হাসিতে লুটুটিয়ে পড়ল ঠিক শশাটার ওপরেই। এই সময় খোলা জানলা দিয়ে হাওয়া বইল এক বলক, হঠাৎ ঝটপট করে উঠল ডানা, শশাটা কেঁপে উঠে উড়ে গেল সত্যিকারের এরোপ্লেনের মতো।

‘আরে!’ একসঙ্গেই চেঁচিয়ে উঠল পেনসিল আর সর্বকর্মা।

‘দম, দরাম!’

তাজা শশা, সত্যিকারের ওই সবুজ শশাটা জানলা দিয়ে উড়ে গিয়ে আছড়ে পড়ল মাটিতে।

কথাটা সত্যি। এরোপ্লেনটায় রাডার ছিল না। আর রাডার ছাড়া কি এরোপ্লেন উড়তে পারে কখনো? পারবেই না তো। তাই ভেঙে পড়ল বিমান। ডানাদুটো খসে গিয়ে হাওয়ার উড়ে গেল বাড়ির চালে।

অধ্যায় দ্বাই

দুটি ঘোড়া

লোহার শূন্য কোটোর মতো বনবন করে উঠল সর্বকর্মা। তবে তার লাগে নি কিছদু। দেহটা যে ওর লোহার। শূন্য একটু ঘাবড়ে গিয়েছিল সে। আগে তো কখনো ওড়ে নি।

‘সত্যিকারের তুই যাদুকর,’ সোল্লাসে বলে উঠল সর্বকর্মা, ‘আমি পর্যন্ত জীবন্ত ছবি বানাতে পারি না।’

‘এবার আমাদের বাস্তবে ফিরি কী করে?’ ফুলে ওঠা কপালটায় হাত বদলিয়ে নিশ্বাস ফেললে পেনসিল।

‘কী হবে ফিরে!’ হাত নেড়ে কথাটা উড়িয়ে দিলে সর্বকর্মা, ‘বড়ো ঘেঁষাঘেঁষি ওখানে, অন্ধকার। আমার ইচ্ছে ছোটোছোটো কীর, লাফাই, গাড়ি হাঁকাই, উড়ে যাই। আরেকটা এরোপ্লেন এঁকে দে। দুনিয়া ঘুরে বেড়াব। সত্যিকারের এরোপ্লেন দেখব। কত কী দেখব দুনিয়ায়।’

কিন্তু কেন জানি, ওড়ার আর ইচ্ছে ছিল না পেনসিলের।

‘তার চেয়ে বরং ঘোড়া আঁকি।’

বাড়িটার শাদা দেয়ালে ভারি সুন্দর দুটি ঘোড়া আঁকলে পেনসিল। পিঠে তাদের নরম জীন, মুখে সোনার জ্বলজ্বলে তারা বসানো চমৎকার বগ্গা।

আঁকা ঘোড়াদুটো প্রথমে লেজ নাড়ালে, তারপর ফুঁতির ডাক ছেড়ে দিবি বোরিয়ে এল দেয়াল থেকে।

মুখ হাঁ করে মাটিতে বসে পড়ল সর্বকর্মা। কোনো কিছুর ভয়ানক অবাক হয়ে গেলে অনেকে তাই করে।

‘তুই-যে রে এক মহা যাদুকর,’ বলে উঠল সে, ‘আমার দ্বারা কখনো অমনটি হবে না।’

‘আমাদের এখন রওনা দিতে হয়,’ প্রশংসায় প্রসন্ন হয়ে পেনসিল বললে সিবিনয়ে, ‘যেটা খুঁশি বেছে নিয়ে চেপে বস।’


শাদা ঘোড়াটাই সর্বকর্মার বেশি পছন্দ হল। পটুয়ার ভাগ্যে জুটল পার্টিকলেটা। যে যার ঘোড়ায় চেপে ওরা বেরুল সফর করতে।

অধ্যায় তিন

শহরে ঘোড়দৌড়

শহরের সবচেয়ে সুন্দর চকটার নাম তকতকে চক। এক ট্র্যাফিক-পলিস সেখানে দাঁড়িয়ে। আশপাশ দিয়ে তড়িৎঘড়ি ছুটছে মোটরগাড়ি, টাউস বাস, লম্বা ট্রলিবাস, স্কুদে কার। ফুরুং-ফুরুং মোটর সাইকেল অধৈর্যে ফটফটিয়ে চেষ্টা করছে সব গাড়িকে ছাড়িয়ে যেতে।

ইঠাং ট্র্যাফিক-পলিস বলে উঠল:



‘আরে, এ যে অসম্ভব কান্ড!’

রাস্তা, ছোটো বড়ো গাড়িতে গিজগিজ করা শহরের চওড়া রাস্তাটা দিয়ে ছুটে আসছে কিনা ভারি মিষ্টি চেহারার দু’টি ঘোড়া। একটির রঙ পার্টিকলে, তাতে শাদা শাদা ছোপ। আরেকটি শাদা, তাতে পার্টিকলে দাগ। পিঠে তাদের ছোটোখাটো অচেনা দুই সওয়ার, ইতি-উতি চাইছে, ফুটি করে গান গাইছে গলা ছেড়ে:

চলিছ ঘোড়ায় চেপে
মন্ডা দেব মেপে,
চলরে ছুটে ঘোড়া,
ঘোড়া দেখে আমি খোঁড়া!

কারা বলো তো? কারা আবার, পেনসিল আর সর্বকর্মী।

চাইছে তারা কখনো ডাইনে, কখনো বাঁয়ে, ঘোড়া ফেরাচ্ছে কখনো এদিকে কখনো ওদিকে, এই ছুটেছে, এই আবার থেমে যাচ্ছে সোজা মোটরগাড়ির নাকের ডগায়।

এই সময় ঠোঁটে হুইসিল তুলে প্রচণ্ড এক হুইসিল দিলে ট্র্যাফিক-পুলিস। আচমকা শব্দটায় কে’পে উঠল সব গাড়ির ড্রাইভার, সব মোটরের শোফার, তাকালে ট্র্যাফিক-পুলিসের দিকে। শব্দ দু’কপাত নেই সর্বকর্মী আর পেনসিলের। ট্র্যাফিক-পুলিস হুইসিল দিলে তার মানেটা কী, সে তো তারা জানত না।

চলরে ছুটে ঘোড়া,
ঘোড়া দেখেই খোঁড়া! —

জীনের ওপর দুলতে দুলতে ঘড়ঘড়িয়ে গাইছে সর্বকর্মী। সরু গলায় ধূয়া ধরছে পেনসিল:

ঘোড়া দেখেই খোঁড়া!

‘কী বেসাদা দ্যাখো দিকি!’ ভাবলে ট্র্যাফিক-পুলিস, ‘নিয়ম ভাঙছে, গোলমাল পাকাচ্ছে, গিয়ে পড়ছে একেবারে চাকার তলে...’

ট্র্যাফিক-পুলিসের পাশেই ছিল মস্তো এক লাল মোটর সাইকেল। ইঞ্জিন চালু করে সে চলে গেল একেবারে কাঠ-বাদাম রাস্তার মাঝখানটিতে। ট্র্যাফিক-সিগন্যালের লাল আলো জ্বলে উঠল রাস্তায়।

ঘচাঙ করে থেমে গেল সব গাড়ি, নিথর হয়ে গেল বাস, ট্রলিবাস, ট্রাক, মোটর, মোটর সাইকেল, সাইকেল।

থেমে গেল সবাই। শূদ্ধ থামার নাম নেই সর্বকর্মা আর পেনসিলের। ট্র্যাফিক-সিগন্যালের কথা তো তারা কারো কাছে কখনো শোনে নি।

‘থামো বলছি!’ কড়া গলায় বললে ট্র্যাফিক-পদ্বলিস।

‘এই রে!’ ফিসফিসয়ে বললে পেনসিল, ‘দফা সেরেছে!’

ট্র্যাফিক-পদ্বলিস আর দুই নিয়ম-ভাঙা আসামীকে ঘিরে সঙ্গে সঙ্গেই জমে উঠল ছোটো একটা ভিড়।

‘নিশ্চয় ওরা সার্কাসের খেলোয়াড়!’ মন্তব্য করলে একটা ছেলে।

‘কী ব্যাপার হে তোমাদের? নিয়ম ভাঙছ কেন? থাকা হয় কোথায়?’

‘আমরা?... আমরা থাকতাম বাস্কের মধ্যে,’ ভয়ে ভয়ে বললে সর্বকর্মা।

‘বাস্ক? কোনো গ্রামের নাম বদ্বি?’

‘না, না, সত্যিকারের বাস্ক...’

‘নাঃ, কিছুই মাথায় ঢুকছে না!’ রুমাল বার করে কপাল মদ্বলে ট্র্যাফিক-পদ্বলিস, ‘শোনো, তোমাদের সঙ্গে মস্করার সময় নেই আমার, শূদ্ধ বলে দিচ্ছি, ট্র্যাফিকের নিয়ম মেনে চলবে।’

‘নিয়মটা কী জিনিস?’ জিজ্ঞাসা করার ইচ্ছে হয়েছিল কৌতূহলী পেনসিলের, কিন্তু ঠিক সময়েই তার আন্তিন চেপে ধরলে সর্বকর্মা। ট্র্যাফিক-পদ্বলিসের কাছে কি আর ওসব প্রশ্ন করা চলে?

ট্র্যাফিক-সিগন্যালের সবুজ আলো জ্বলে উঠল রাস্তায়। গোঁ-গোঁ করে উঠল মোটরগাড়ি, বাস, ট্রলিবাস, ট্রাক, মোটর সাইকেল, সাইকেল। ঘুরল চাকা, ছুটল গাড়ি।

‘সব দোষ এই ঘোড়ার,’ ওস্তাদ সর্বকর্মা বললে ভেবে-চিন্তে, ‘শহরে যাতায়াত করতে হয় মোটরগাড়িতে।’

অধ্যায় চার

নরম বালিশের চাকা

‘বেশ মোটরগাড়ি আঁকা ষাক,’ বললে পেনসিল।

‘ভেবেছিঁস কী, মোটরগাড়ি আঁকা অতই সোজা? কিছুই তোর হবে না। আমি পর্যন্ত মোটরগাড়ি বানাতে পারি কেবল খুব ভালো রকমের মেকানো থেকে। সাধারণ একটা স্কুটার অবিশ্যি বানানো যায়। কিন্তু চাকা পাব কোথেকে?’

‘কেন পারব না?’ বাধা দিলে পেনসিল, ‘মোটরগাড়ি তো আমি দেখেছি।’

‘বেশ, তাহলে আঁক,’ মত দিলে ওস্তাদ সর্বকর্মা, ‘তবে ভুলিস না, চাকার টায়ার আঁকবি কিন্তু। টায়ার নইলে খুব ঝাঁকুনি দেবে গাড়ি। সঙ্গে সঙ্গেই আমার ইস্কুপ, বল্টু খুঁলে আসবে। আর টায়ার — সে হল নরম বালিশের মতো — গাড়ি চলবে মোলায়েম।’

‘ঠিক আছে,’ বললে কর্মবাস্তু পেনসিল, ‘নরমই হবে, ভাবনা নেই।’

বাড়ির শাদা দেয়ালের গায়ে মোটরগাড়ি আঁকতে লাগল আমাদের ছোট পটুয়া, আর আঁকা ষোড়াদুটোকে সর্বকর্মা নিয়ে গেল কাছের পাকটায়, সবুজ লনে, বেঞ্চে রাখলে লোহার রেলিঙের সঙ্গে।

ফিরে এসে ছবি আঁকা দেখতে লাগল। ভেবেছিল পেনসিলকে কিছ্ না কিছ্ উপদেশ দেবে। কিন্তু আঁকা শেষ করে ফেললে পেনসিল।

‘হুঁস!’

বোরিয়ে এল সত্যিকারের এক তৈরি মোটরগাড়ি।

‘এ তুই করেছিস কী?’ চেঁচিয়ে উঠল সর্বকর্মা, ‘চাকার ওপর বালিশ এঁকেছিস কেন?’

সত্যিই নতুন গাড়িটার চাকার বাঁধা ছিল বালিশ। একেবারে আসল বালিশ। গোলাপী ওয়াড়, শাদা-শাদা ফিতে। পেনসিল তা এঁকেছে খুবই সুন্দর করে।

‘নিজেই তো তুই বললি বালিশের কথা!’ জবাব দিলে পেনসিল।

‘বালিশের কথা আমি মোটেই বলি নি।’

‘বলেছিস! আলবৎ বলেছিস!’

‘সব তুই গোলমাল করে বসিস। এ গাড়ি আর হাঁকানো যাবে না।’

‘আলবৎ যাবে!’ রাগ হল পেনসিলের।

‘নড়বেও না, যাবেও না। আমি তোর চেয়ে ভালো জানি।’

‘যাবে।’

‘কিছুতেই না!’


‘বস না তুই ড্রাইভারের সীটে।’

‘নে বসলাম, কিছুতেই চলবে না।’

পেনসিলের পাশে বসল সর্বকর্মা। গোঁ গোঁ করে উঠল, চলতে লাগল গাড়ি।

‘চলছে! চলছে!’ চেঁচিয়ে উঠল পেনসিল।

অবাক হয়ে সর্বকর্মা দুই হাতে শক্ত করে স্টিয়ারিং ধরলে। ভারি তার ভয় হচ্ছিল,



এই বৃষ্টি সে ছিটকে পড়ে যাবে। কোনো দিকে তাকিয়ে দেখার ফুরসদ ত ছিল না তার। তাহলেও চোখে পড়ল পথচারীরা সব তাকাচ্ছে আর আঙুল দেখাচ্ছে তাদের দিকে।

‘এ আবার কী গাড়ি রে বাপ, হেসে মরি, বালিশের ওপর চলছে,’ বলাবলি করছিল তারা।

অধ্যায় পাঁচ

সফর চলল

আমাদের ছোট পর্ষটকেরা অবিশ্যি মোটর ভ্রমণ চালাতে পারে নি বেশিক্ষণ। শোনো বলি কী ঘটল।

রাস্তায় পেনসিলের চোখে পড়ল অদ্ভুত ধরনের এক গাড়ি, জগন্দল দুই ঢাকের মতো দেখতে। রাস্তা দিয়ে চলছে তা খুব ধীরে ধীরে। আর রাস্তাটাও কেমন মিশমিশে কালো, তেলতেলে চিকন, অন্য রাস্তাগুলোর মতো নয়। ঝাঁঝালো গরম ধোঁয়া উঠছে সেখান থেকে।

অসাধারণ এই গাড়ি দেখে খুঁশি হয়ে উঠল সর্বকর্মা:

‘দাঁড়া, ওটার সঙ্গে রেস দিয়ে হারিয়ে দিই। সবাই আমাদের ছাড়িয়ে চলে যাচ্ছে, আমরাই বা কম কিসের...’

বলে কায়দা করে সে গাড়ি চালালে কালো রাস্তাটার।

‘ফড়ফড়-ফড়ফড়-ফড়াৎ!..’

চ্যাটচেটে গরম পীচে লেপটে গিয়ে ছিঁড়ে গেল গোলাপী বালিশ।

চাকা থেকে উড়তে লাগল তুলোর ফেঁসো। বাতাসে তা ছড়িয়ে পড়ল ঘরবাড়ি, গাড়ি, ঘোড়া, গাছপালার মাথায়।

‘আরে, সিমদুল গাছের তুলো উড়ছে নাকি,’ বললে একজন পথচারী বৃদ্ধো, ‘গ্রীষ্মকালটা তাহলে এবার ভালো যাবে।’

পেনসিল আর সর্বকর্মার গাড়ি কিন্তু ছুটেই চলল, নরম গোলাপী ন্যাভাকানি শব্দ লেপটে রইল রাস্তায়।

শেষ হয়ে গেল রাস্তাটা। সামনে তাদের চওড়া একটা চক। বাঁধানো সেটা পীচ দিয়ে নয়, নুড়ি পাথর দিয়ে।



ভয়ানক ঝনঝন করতে লাগল গাড়ির চাকা। লাফাতে লাগল গাড়িটা, ঝাঁপাতে লাগল, এদিকে টলে ওদিকে হেলে, এই পিছয় এই এগোয়।

স্টিয়ারিঙে নাক থেঁতলে গেল সর্বকর্মা। নরম সীটের ওপর বলের মতো লাফাতে লাগল পেনসিল।

‘মম্-মা-শি-স-কু-খু-স,’ বিড়বিড় করলে সর্বকর্মা।

আসলে ও বলতে চেয়েছিল: ‘মনে হচ্ছে শীগগির আমার ইস্কুপ খুঁলে আসবে।’

‘আঁ-এ-ঝাঁ-ছে-ছিন।’ বললে পেনসিল।

আসলে ও বলতে চেয়েছিল: ‘আমায় এমন ঝাঁকাচ্ছে যে কী বলছিঁস বদ্বতেই পারছিঁ না।’

‘আ-নি-মা-নি-টা-নি...’ জবাব দিলে সর্বকর্মা।

আসলে ও বলতে চেয়েছিল: ‘এক্ষুঁনি থামানো দরকার। সত্যিকারের রবারের টায়ার করে নিতে হবে।’

অধ্যায় ছয়

ভেনিয়া কাশাকিন আর ছবির ডাকু

এই সময় সেখানে উদয় হল কতকগুলো অতি ডানপিটে ছেলের। কোথায় কোথায় ছোটোছোটো করছে তারা, ডাক ছাড়ছে, হাঁকাচ্ছে সত্যিকারের কাঠের তরোয়াল, সত্যিকারের খেলনা পিস্তল। মনে হবে যেন দুর্দান্ত একদল ডাকাত পড়েছে শহরে।

‘হুঁররে!’ কলরব করে উঠল ছেলেগুলো, ‘হুঁররে! মার! মার!... গুড়ুম! গুম!’

আমাদের ক্ষুদ্রে পর্ষটকেরা বলতে কি ভয়ই পেয়ে গেল। ভেবেছিল অন্য দিকে গাড়ি ঘুরিয়ে নেবে, গাড়ি কিন্তু সোজা ছুটল ছেলেগুলোর দিকেই।

সামনে তাদের ঝাঁকড়া-মাথা শগচুলো একটা ছেলে। চোখে তার কালো ডাকাতে চশমা। কালো কাগজ দিয়ে বানানো সত্যিকারের চশমা। মাঝে মাঝে সিনেমায় কি হাসিখুঁশি কার্নিভালে যা দেখা যায়।

‘সবাই আমার পেছা পেছা!’ চেঁচাল ছেলেটা, ‘ছোটোও ঘোড়া’ যদিও ঘোড়া-টোড়া কিছু ছিল না। বোঝা যায়, সর্দারি করতে ছেলেটা ভালোবাসে।

জোর ছোটায় চশমাটা ওর চোখ থেকে পাশের দিকে হেলে পড়েছিল। তাতে

চোখ ঢেকে গিয়ে অসুবিধা হচ্ছিল দেখতে। সম্ভবত সেই জন্যেই ছেলেটা সোজা গিয়ে ধাক্কা খেলে সর্বকর্মার গাড়ির সঙ্গে, নিজে উল্টে পড়ল রাস্তায়।

ঝনঝনিয়ে টুকরো টুকরো হয়ে গেল গাড়ি, নানান দিকে গড়িয়ে গেল চাকাগুলো।

‘অ্যাকসিডেন্ট!’ রাস্তার ওপর বসে থেকেই বললে ছেলেটা।

অন্যেরাও থেমে গিয়ে হাঁপাতে লাগল জোরে জোরে।

‘অমন চমৎকার, অমন খাশা গাড়িটাকে একেবারে ভেঙে দিলে!’ রেগে বললে সর্বকর্মা। এখন সে ঠিকভাবেই কথা বলতে পারছিল, ঝাঁকুনি তো আর ছিল না।

‘আমরা ভাঙি নি,’ বললে ছেলেগুলো, ‘আমাদের সর্দার ভেনিয়া কাশকিন দৈবাৎ ধাক্কা দিয়ে ফেলেছে গাড়িটায়।’

‘ভাঙি নি!..’ ভেঙেচাল সর্বকর্মা, ‘তাহলে অমন সাংঘাতিক লাঠি ঘুরিয়ে ছুটে আসছিল কেন আমাদের দিকে, হাঁক দিচ্ছিল? তার মানে গাড়ি ভাঙারই মতলব ছিল।’

‘এটা লাঠি নয়,’ রাগ করলে ছেলেগুলো, ‘এ হল তরোয়াল। সত্যিকারের তরোয়াল। আমরা ডাকাত-ডাকাত খেলছি। ভেনিয়া আমাদের সর্দার...’

অজানা একটা শব্দ শোনা মাত্র উৎকর্ণ হয়ে উঠল পেনসিল। এমন কি ভাঙা গাড়ির কথাটাও সে ভুলে গেল — এতই কৌতূহলী সে।

‘কী বললে, ডাকাত?’ জিজ্ঞেস করলে সে।

‘হ্যাঁ, আমাদের পাড়ায় সব ছেলেই ডাকাত আর গুপ্তচরের খেলা খেলে।’

‘আচ্ছা, ডাকাত আর গুপ্তচর কেমন হয় বলো না?’ জিজ্ঞেস করলে সরলমনা পেনসিল।

‘ছ্যাঃ!’ বিদ্রূপ করে উঠল ভেনিয়া কাশকিন, ‘এই সামান্য কথাটাও জানে না। বই পড়তে হয় রে, বই পড়তে হয়...’

‘আমায় একটা ডাকাত আর একটা গুপ্তচর একে দাও-না, ওদের চেহারাটা একটু দেখে নিই।’ মিনতি করলে ছোট্ট পটুয়া। ওর ধারণা দুনিয়ার সবাই বদ্বি ছবি আঁকতে পারে। ‘নিশ্চয় দারুণ কিছু একটা হবে।’ বললে পেনসিল, ‘অথচ আমি ওদের সম্পর্কে কিছুই জানি না। মোটরগাড়ি দেখলাম, কিন্তু ডাকাত আর গুপ্তচর এখনো দেখি নি। সর্বকর্মা আমায় জানতে হবে। একে দেখাও-না ভাই।’

‘কী আমার সখ, তোমায় এখন একে দেখাই। আমার এদিকে সময়ই নেই।’ গজগজ করলে ভেনিয়া।

ছেলেগুলো বললে:

‘আঁক ভেনিয়া, এঁকে দে একটা জলদস্যু আর একটা গদুপুচর।’

‘এই নাও আমার রঙ-তুলি,’ বললে পেনসিল। পকেট থেকে বার করলে রঙের বাস্ক, খবধবে শাদা একখানা কাগজ, দাগ মোছার নরম রবার।

‘তা, সবাই যখন বলছে, বেশ, এঁকে দিচ্ছি।’ রাজী হয়ে গেল ভেনিয়া।

চশমা খুলে রঙ-তুলি নিয়ে সে আঁকতে বসল।

শাদা কাগজটায় প্রথমে ফুটে উঠল মস্তো একটা কালো ছোপ, খোঁচা খোঁচা লোমের বদরাগী এক কুকুরের মতো দেখতে। আসলে ওটা অসাবধানে পড়ে যাওয়া এক ফোঁটা রঙ। তারপর কিন্তু শগচুলো ছেলেটা যে-ছবি আঁকলে-না, সে এক ভয়াবহ ছবি।

প্রকাণ্ড পার্টিকলে দাড়িওয়ালা এক হিংস্র মূর্তি, গায়ে তার নাবিকদের মতো ডোরাকাটা গেঞ্জি, তার ওপর জাহাজী কোট, হাতে তার ডাকাতদের কালো পতাকা, তাতে আড়াআড়ি দুই শাদা হাড় আর মানুষের খুলি আঁকা। লোকটার কোমর থেকে ঝুলছে প্রকাণ্ড এক বাঁকা ভোজালি, আর সেকেলে দুই ডাকাতে পিস্তল। পাশেই কলার তোলা, ধূসর রেন-কোট মূড়ি দেওয়া আরেকটা লোক, কালো মুখোসে মুখ ঢাকা, নাকটা বিছাছির আর লম্বা।

কালো পতাকা দোলাচ্ছে দেড়েল লোকটা, আর অন্য লোকটি, নিশ্চয় গদুপুচর, কালো মুখোসের ফুটো দিয়ে কুচুটে চোখে নজর করছে সবাইকে।

‘এ হল ডাকাত, মানে জলদস্যু, লেখাপড়া জানা লোকে যাদের বলে বোম্বেটে। আর এ হল গদুপুচর।’ বদ্বিয়ে দিলে ভেনিয়া।

‘খাশা হয়েছে!’ তারিফ করলে ছেলেগুলো, ‘একেবারে সত্যিকারের মতো।’

‘বিদ্বুটে!’ ফিসফিস করলে সর্বকর্মা।

‘বাবারে, কী ভয়ঙ্কর!’ শিউরে উঠে বললে পেনসিল, ‘অমন সাংঘাতিক ছবি আমি জীবনেও আঁকব না।’

‘হা-হা!’ বললে ভেনিয়া, ‘স্নেফ আমার মতো আঁকতে পারিস না, তাই বল।’

‘কী বললি, আমি আঁকতে পারি না?’ অভিমান হল পেনসিলের (শিল্পীরা দারুণ অভিমানী হয় তো)।

‘কী বললি, পেনসিল আঁকতে পারে না?’ স্প্রীঙগুলো দিয়ে থেকিয়ে উঠল সর্বকর্মা।

স্কুদে পটুয়া যে তক্ষুনি আঁকতে লেগে যাবে, সে আর বলতে। সত্যিকারের শিল্পীরা কী ভাবে আঁকে, দেখুক সেটা ভেনিয়া কাশকিন।

‘ফুঃ!’ আঁকা দেখে বললে ভেনিয়া, ‘জানি, জানি, এক গোপ্তায় ম্খ, আরেক গোপ্তায় পেট, ফুটকি দিয়ে চোখ, ও ঢের জানা আছে...’

‘মোটেই গোপ্তা টোপ্তা নয়, খোকন আঁকছি...’ আপত্তি করলে পেনসিল।

‘চল রে সব যাওয়া যাক। এদের সঙ্গে বকবক করার সময় নেই! সবাই আমার পেছনে,’ রেগে হুকুম দিলে ভেনিয়া।

ছেলেরাও তরোয়াল আশ্ফালন করে ছুটে গেল তার পেছ পেছ। তবে ছোট্ট একটা ছেলে থেকে গেল রাস্তাতেই।

ভাবছ, কোন ছেলেটা? আরে, কোনটা আবার, যাদুকর পটুয়া পেনসিল যে ছেলেটাকে এঁকেছিল।

ছি-ছি-ছি, পেনসিল। অমন না ভেবে-চিন্তে কাজ করতে হয় কখনো? এঁকে দিলে সত্যিকারের খোকন। কিন্তু তারপর? কে তাকে মানুস করবে? খাওয়াবে, পরাবে, নজর রাখবে? ছি-ছি...

খোকন বসে বসে চোখ পিটিপিটি করতে লাগল।

অধ্যায় সাত

বাড়ি বানানো

‘নাম কী রে তোর?’ এঁকে তোলা খোকনকে জিজ্ঞেস করলে পেনসিল।

খোকন জবাব দিলে না।

‘উপাধি তোর কী?’

চুপ করেই রইল খোকন। আঙুল দিয়ে সে ঠোঁট নাড়াতে লাগল। মানে, ওপর থেকে নিচে। ফলে ভারি হাস্যকর একটা শব্দ বেরুল — ‘প্-র-র-রুং’। সেটা ভারি ভালো লেগে গেল খোকনের। আবার সে আঙুল চালালে: ‘প্-র-র-রুং! প্-রুং! প্-রুতিয়া!’

‘কে তুই?’ ছেলেটাকে নাড়া দিলে সর্বকর্মা।

‘প্-র-র-রুং! প্-রুং! প্-রুতিয়া!’ খেলা জুড়ুলে খোকন।

‘ওর নাম প্-রুতিয়া,’ লাফিয়ে উঠল পেনসিল, ‘শুনছিছ না, বলছে, “আমি প্-রুতিয়া”।’

‘তাই তো, প্-রুতিয়াই বটে!’ খুশি হয়ে উঠল সর্বকর্মা, ‘প্-রুতিয়া, প্-রুতিক! দিবি্য নামখানা। প্-রুতিক, চল আমাদের সঙ্গে দেশ ভ্রমণে।’

দেশ ভ্রমণ কী জিনিস, ছোট্ট প্রদৃতিক নিশ্চয় তা জানত না। জানলে নিশ্চয় রাজ্যী হয়ে যেত। খোকন কোনো জবাব না দিয়ে হঠাৎ হাত বাড়িয়ে তার পা চেপে ধরলে। আরেকটু হলেই পড়ে যেত সর্বকর্মা।

‘অ্যাঁই, দৃষ্টুঁমি করাঁবি না বলে দিচ্ছি,’ রেগে উঠল সে।

খোকন ফের তার ‘প্রররররুং, প্রুং, প্রুঁতিয়া’ শূরু করলে।

‘ও যে কথা বলতেও পারে না। কী করা যাবে ওকে নিয়ে?’ বলে উঠল লোহার মানুষ।

এমন সময় সর্বকর্মার চাঁদির ওপর ঝন করে পড়ল এক ফোঁটা জল। সাধারণ বৃষ্টির জল।

‘হুঁম!’ ঘোঁৎঘোঁৎ করে উঠল সর্বকর্মা, ‘বৃষ্টি নামছে দেখছি।’

আকাশ ছেয়ে গেল কালো মেঘে। শক্তিতভাবে মেঘের দিকে চাইছিল পথচারীরা, কলার তুলে দিয়ে শশব্যস্তে ছুটছিল যে যার গন্তব্যে — ফটক, দোকান, ট্রলিবাসের দিকে। ছুটছিল না কেবল ট্র্যাফিক-পদলিস। শান্তভাবে সে দাঁড়িয়ে রইল একেবারে চকের মাঝখানটিতে: ট্র্যাফিক-পদলিসেরা কখনো বৃষ্টিতে ভয় পায় না।

‘আয়, বৃষ্টি ঝেঁপে!’ ফুঁর্তিতে চেঁচামেচি লাগালে ছেলেগুলো, ‘আয়, বৃষ্টি ঝেঁপে!’

বাজ ডেকে উঠল, নামল বৃষ্টি। খুব জোরে নয় বটে, একটু গরম-গরম, তাহলেও ভিজিয়ে তো দেবে।

‘অসুখ করে বসবে যে ছেলেটা। ভিজ্ঞে যাবে, ঠান্ডা লাগবে!’ চেঁচিয়ে উঠল সর্বকর্মা।

প্রুঁতিয়ার হাত ধরে ওরা ছুটে গেল বদলভারে, আড়াল নিলে একটা ঝোপের তলে।

‘টুপ-টাপ, টুপ-টাপ! ঝুপ! টুপটাপ! ঝুপ!’

শহরের ওপর যেসব ফেঁসো উড়ছিল, বৃষ্টিতে তা নেমে আসছিল মাটিতে, জলের মধ্যে পড়ে থাকছিল গলন্ত বরফের মতো।

তবে নড়েচড়ে উঠল মেঘের নরম কুন্ডলী, উড়ে গেল তা যেখানে যাবার। কটাক্ষে বৃষ্টির দিকে চাইলে সূর্য, বৃষ্টিরও টিপ-টিপানি বন্ধ হয়ে গেল।

এদিক ওদিক চেয়ে দেখল সর্বকর্মা।

‘হতছাড়া বৃষ্টিটা থামল, নাকি থামে নি?’

‘থেমেছে, থেমেছে! বেরিয়ে আয়!’



‘ফের যদি হঠাৎ শব্দ হয়?’

‘আর হবে না।’

‘ভারি ভয় পাই বৃষ্টিকে। ছোটোখাটো একটা বাড়ি এঁকে দে বাপ, মাথায় যেন সত্যিকারের ছাদ থাকে। ওই মাগো!’ আঁতকে উঠল সর্বকর্মা, আর হেসে উঠল পেনসিল।

মস্তো এক ফোঁটা জল দুলছিল গাছের ডালে। দুলতে দুলতে টুপ করে তা পড়ে যায় সোজা অসতর্ক সর্বকর্মার নাকের ডগাটিতে।

সঙ্গে সঙ্গেই সে আবার ঢুকে পড়ল ঝোপের তলে।

‘ঘর তৈরি না হওয়া পর্যন্ত আর বেরুচ্ছি না!’

হলুদ বালি বিছানো ছিল ঝোপের তলে, তার ওপরেই বাড়ি আঁকল পেনসিল। মানে হ্যাঁ, বানালে না, আঁকলে। তাতে অবাক হবার কিছু নেই। সব বাড়িই তো আগে আঁকে — আঁকিয়ে কাগজের ওপর, গড়ে তার পর।

বাড়ির চালের শেষ তক্তাটা এঁকে পেনসিল বললে, ‘তৈরি!’

আড়াল থেকে বেরিয়ে এল সর্বকর্মা।

একেবারে যেন এক রূপকথা! সামনে তার উঁচু চাল সমেত এক নতুন বাড়ি। ‘চমৎকার!’ তারিফ করলে সর্বকর্মা, ‘কিন্তু কুয়োটা আঁকাল কেন? কলের জলের পাইপ আঁকতে হত...’

সত্যিই, বাড়ির কাছে ছিল সত্যিকারের এক কুয়ো। তার ওপর কপিকলে ঝুলছে বালতি। জলের কল আঁকতে পেনসিল জানত না। তবে কুয়োটি উৎরেছে খাশা।

‘জলের কল কী তাতো জানি না,’ দীর্ঘশ্বাস ফেললে পেনসিল, ‘জীবনের কত অল্প জিনিসই না আমি আঁকতে জানি।’

‘যাক গে,’ সান্ত্বনা দিলে সর্বকর্মা, ‘আমি তোকে পরে বদ্বিয়ে দেব। এখন প্রদীপের একটা ব্যবস্থা করতে হয়। একেবারে ভিজ্জে গেছে ও। কিন্তু যাঃ! কোথায় প্রদীপ? প্রদীপ, শীগগির আয় বলছি!’

ডালপালা সরিয়ে দেখল সর্বকর্মা, খোঁজাখুঁজি করলে ঝোপের তলে, কিন্তু কোথাও প্রদীপ নেই। পালিয়েছে সে।

‘হলো তো, আমি আগেই জানতাম। খোকনকে তোর হাতে ছেড়ে দিয়ে ভরসা নেই।’ অস্থির হয়ে উঠল পেনসিল, ‘প্রদীপকে খুঁজে বার করতে হয়। গাড়ি চাপা পড়বে হয়তো। ভারি যে ছোট...’

অধ্যায় আট

নৌকো ভাসানো

লক্ষ করেছে কখনো, বৃষ্টির পর কেমন অপূর্ব হয়ে ওঠে শহর? রাস্তা দিয়ে কলকলিয়ে ছোটো জলের স্রোত, খালি পায়ে তাতে লাফালাফি করা কী মজা! চারপাশের সর্বাক্ষুদ্রই ঝিলমিল করে জলের ছিটকানিতে। জলের মধ্যে প্রাণভরে চক্কর খায় গাড়ির চাকা। আর সারা শহর জুড়ে নাচানাচি করে রোশ্‌দুরের ছোপ। স্রোতের সঙ্গে পাল্লা দিয়ে ছোটো বাচ্চারা। বৃষ্টি থেমে গেছে! বৃষ্টি!..

প্রদীপকও ছুটছিল বাচ্চাদের সঙ্গে। খিলখিল করে হাসছিল সে, দুমদাম পা ফেলছিল জলে। ছুটছিল তার নতুন স্যান্ডালের পেছন পেছন, দুলতে দুলতে স্রোতে তা ভেসে যাচ্ছিল খেলনা নৌকোর মতো।

আর সারা রাস্তা জুড়ে কেবল নৌকো। কাগজের, কাঠের, পাল তোলা, দম দেওয়া, এমন কি স্ল্যেফ একটা চটা, তাতে কাঠির মানুষল। শত শত জাহাজ ভেসেছে দূর যাত্রায়।

‘জাহাজ! জাহাজ!’ চেঁচাচ্ছিল বাচ্চারা।

‘জাহাজ!’ হঠাৎ বুলি ফুটল খোকন প্রদীপার মূখে।

তোমাদের শহরে কী হয় জানি না, তবে এ শহরে বৃষ্টির পর রাস্তায় সর্বদাই জাহাজ ভাসে। শুধু আজকে তারা সংখ্যায় অল্প।

‘জাহাজ আজ এত বেশি কেন হে?’ বলাবলি করছিল পথচারীরা।

‘আরে জানেন না? কাল আমাদের শহরে যে জাহাজের এক বিরাট প্রতিযোগিতা আছে!’

‘কোথায় বলুন না?’

‘চাঁড়িয়াখানার বড়ো মরাল সরোবরে। আমার ছেলেও কিশোর টেকনিশিয়ান, সেও যোগ দেবে!’

জাহাজগুলো দেখে এই সব কথা বলছিল লোকেরা। জাহাজগুলোর জন্যে পথ ছেড়ে দিচ্ছিল মোটরগাড়ি। মোড়ে মোড়ে ট্র্যাফিক-পুলিস সব গাড়ি থামিয়ে রাস্তা খুলে দিচ্ছিল ভাসন্ত জাহাজগুলোকে।

ভারি আনন্দ হচ্ছিল প্রদীপার। লাফালাফি করছিল সে: ‘ছপ্, ছপ্, ছলাৎ’।

পাশেই ছুটছিল ভেনিয়া কাশকিন। হাসছিল সে। তবে নিজে সে কোনো জাহাজ

বানায় নি। ছুটতে ছুটতে সে ঢিল মারছিল প্রুতিয়ার স্যাডাল লক্ষ্য করে। হুকুম দিচ্ছিল:

‘গোলন্দাজ, চালাও কামান!’

‘দম! দাম!’ ছুটল ঢিল।

গোলা পড়ল স্যাডাল-রুপী জাহাজে। ডেউয়ের সাপটে জাহাজ তলিয়ে গেল নিচে।

‘ঘায়েল!’ বলে ভেনিয়া কাশাকিন এবার নিশানা করতে লাগল আরেকটা কাগজের নৌকোকে।

এই সময় রাস্তায় এসে দাঁড়াল সর্বকর্মা আর পেনসিল। প্রুতিককে দেখে তারা হাত নাড়লে, চেঁচালে, ছুটল তার পেছন পেছন।

‘প্রুতিয়া!’

‘বিটকেলে ছেলে!’

‘এক্ষুনি বাড়ি আয় বলাছি।’

প্রুতিক কিন্তু কিছুই শুনছিল না। ফুর্তিতে সে গাইছিল:

‘ছোট্ট জাহাজ! ছোট্ট জাহাজ!’

‘পা ভেজাচ্ছিস তুই! অসুখে পড়বি!’ শুকনো ফুটপাথের ওপর লাফাতে লাফাতে বললে সর্বকর্মা। ভয় পেয়ে গিয়েছিল সে।

বুঝতেই পারছ, খোকনের পাল্লা ধরতে সর্বকর্মার মোটেই বেগ পেতে হয় নি, কিন্তু জলে নামতে ভয় হচ্ছিল তার, তাই প্রুতিককে ধরতে পারাছিল না।

‘কী, কথা কানে যাচ্ছে না!’

‘ছোট্ট জাহাজ!’ ছোট্ট জাহাজ!’ চিঁচিঁ করলে প্রুতিয়া।

‘আহ্, থাম প্রুতিক, থাম-না! আয়, তোকে একটা গম্প বলি, শুনবি? শুন একবারটি এখানে আয়। ওহ্, কী দারুণ গম্প!.. শোন, “এক যে ছিল... ছোট্ট, অবাধ্য এক... রেল-ইঞ্জিন...” জলে ছুটিস না প্রুতিক!’

প্রুতিকের কিন্তু জাহাজগুলো ছাড়া আর কোনো দিকেই দৃষ্টি নেই।

‘আরে শোন, তোকে আমি এমন একটা জাহাজ বানিয়ে দেব-না! সবচেয়ে খাশা! সত্যিকারের জাহাজ!’

সঙ্গে সঙ্গেই থেমে গেল খোকন, সর্বকর্মাও অমনি তার জামা চেপে ধরল, দৌড়ের চোটে দম প্রায় ফুরিয়ে এসেছিল তার।

‘জাহাজ! জাহাজ দাও!’ বললে প্রুতিয়া।

‘পাবি জাহাজ, পাবি! ওহ্, হাঁপিয়ে গেছি!.. বাড়ি চল! আগে গা-হাত-পা

মুছবি, গরম জুতো পরবি, তারপর জাহাজ বানাতে বসব। পেনসিল, আমাদের তুই এক জোড়া নতুন জুতো এঁকে দে তো। আর আমার জন্যে এঁকে দে দরকারী সব যন্ত্রপাতি: পাইন কাঠের দুটো তক্তা, আর নানা রকম ইস্কুপ। দায়ে ঠেকোঁছ, বানাতেই হবে জাহাজ।’

ছুটে এল ওরা বাড়িতে, প্রদীপের পোষাক ছাড়ানো হল, পেনসিলের আঁকা তুলতুলে একটা তোয়ালে দিয়ে গা মুছিয়ে বিছানায় শোয়ানো হল থোকনকে।

এটাও যাদুকর পটুয়ারই কাজ।

গদি আঁটা খাট, লেপ, সুন্দর সুন্দর চেয়ার, গোল টেবিল, টাটকা সেকা লালচে রুটি, গরম দুধের কাপ, মস্তো একটা চুল্লি (যদি দরকার পড়ে আর কি) — সবই এঁকে দিয়েছিল পেনসিল।

শুধু ঘড়িটা সে আঁকে নি। কেন জানি, দেয়ালে সেটা টাঙানো ছিল আগে থেকেই। সেই সাবেক কালের ঘড়ি, জানো তো, দেয়ালে যা টাঙানো হত, তলে একটা গোল দোলক দুলত: ‘টিক-টিক, ঠিক-ঠিক, কী বেঠিক...’

বাড়ির মধ্যে ঘড়িটা যে কেমন করে দেখা দিল কেউ জানে না। তবে যাদুকরদের ব্যাপারই তো ওই — তাজ্জব কিছুর-না-কিছুর একটা ঘটবেই ঘটবে।

এ সব তাজ্জবে সর্বকর্মীর এখন আর তাক লাগে না। অবিশ্যি এও ঠিক, তখন তার শুধু এক দৃশিস্তা, প্রদীপক আবার অসুখে না পড়ে।

থোকন কিন্তু কিছুরেই ঢুকছিল না লেপের তলে, গরম দুধ খেতে চাইছিল না। কত রকম করে বোঝাতে হচ্ছিল সর্বকর্মীকে। শেষ পর্যন্ত সে বললে:

‘আমার কথা যদি না শুনিস, তাহলে তোকে জাহাজ বানিয়ে দেব না কিন্তু।’

বুঝতেই পারছ, সঙ্গে সঙ্গেই দুধ খেয়ে নিলে প্রদীপক।

এদিকে সন্ধ্যা নেমেছিল।

‘ওহ্, ভারি হয়রানি গেছে আজ!’ লালচে রুটি আর এক কাপ দুধ খেয়ে (যাদুকররাও দুধ খায় বৈকি) নিশ্বাস ছাড়লে পেনসিল, ‘বস্তো ঘুম পাচ্ছে!’ বলে হাই তুললে সে। (যাদুকররাও মাঝেমাঝে হাই তোলে)

‘বটেই তো,’ বললে সর্বকর্মী, ‘থোকনের এখন ঘুমের সময়। সব ছেলেমেয়েই এসময় ঘুময়। প্রদীপক, চোখ মিটমিট করবি না বলছি। এক্ষুনি ঘুমিয়ে পড়। তাহলে তোকে গল্প বলব...’

‘তুই ছেলে মানুষ করতে জানিস না,’ বললে পেনসিল, ‘বাচ্চাদের দৃষ্টান্ত দিয়ে দেখিয়ে দিতে হয়।’

ক্ষুদ্রে পটুয়া প্রকাণ্ড এক হাই তুলে কোট-প্যান্ট ছাড়লে, খাটের কাছে একটা হুক এঁকে নিল দেয়ালে, তাতে জামা-কাপড় ঝুলিয়ে শূন্যে পড়ল পরিষ্কার ধবধবে বিছানায়, লেপ মর্দি দিয়ে অঘোরে ঘুমিয়ে পড়ল।

‘ঘুম-কাতরে!’ বলে গল্প জুড়লে সর্বকর্মা: ‘এক যে ছিল ছোট্ট এক অবাধ্য রেল-ইঞ্জিন...’

খোলা জানলা দিয়ে ভেসে আসছে ঝোপ-ঝাড়ের মর্মর, যেন ঝোপ নয়, বড়ো বড়ো গাছ সেগুলো। কাছেই কোথায় যেন দুমদাম পা ফেলে ছুটছে ছেলোপিলেরা। চলে গেল তারা। শান্ত হয়ে গেল বুলভার — নাম তার নীল-ঠাণ্ডা বুলভার। রাত নামল। আর বুলভারের সবচেয়ে চুপচাপ জায়গাটায় ঘন ডালপালার নিচে যে একটা অসাধারণ বাড়ি লুকিয়ে রইল, সেটা কেউ দেখতে পেল না।

অধ্যায় নয়

ইন্দুর, বেড়াল

নীল, সবুজ, শাদা, লাল, কালো, ডোরাকাটা ইঞ্জিনের স্বপ্ন দেখছিল সর্বকর্মা। লাইনের ওপর দিয়ে ছুটিছিল তারা, সরু সরু নলে হুইসল দিচ্ছিল: ‘ভোঁ-ওঁ-ওঁ, ভোঁ-ওঁ-ওঁ!’

হঠাৎ একটা ইঞ্জিন ক্যাঁচক্যাঁচ করতে লাগল, যেন চাকায় তার তেল পড়ে নি: ‘ক্যাঁচ, ক্যাঁচ, কিঁচ!’

এমন করুণ স্বরে জোরে জোরে তা ক্যাঁচক্যাঁচ করছিল যে সর্বকর্মা তাকে থামালে, এবং বৃকতেই পারছ, তেল দিলে তার বারোটি চাকার সবকটায়। ইঞ্জিনটা স্বপ্নে দেখলেও, আশেপাশে শাদা, কালো, ডোরাকাটা বা লাল কোনো ইঞ্জিন আসলে না থাকলেও, সে ইঞ্জিন ক্যাঁচক্যাঁচ করবে, এ কি সে চলতে দিতে পারে? তাই মস্তো একটা টিন থেকে চাকায় তেল দিতে লাগল সর্বকর্মা। ইঞ্জিনটা কিছু আরো জোরে ক্যাঁচক্যাঁচ করতে লাগল: ‘ক্যাঁচ, কিঁচ, কিঁচ...’

‘ব্যাপারটা কী?’ স্বপ্নের মধ্যে বললে ওস্তাদ সর্বকর্মা, আর বলতেই ঘুম ভেঙে গেল।

চুপচাপ ঘরখানা। জানলা দিয়ে জ্যোৎস্না এসে পড়েছে, চালের ওপর সড়সড় করছে পাতা। কোণের দিকে আহুদে তাল দিচ্ছে ঘড়ি: 'টিক-টিক, কী বেঠিক'। চোখ বদ্বলে সর্বকর্মা, সঙ্গে সঙ্গেই ঘর ফাটিয়ে ডাক শোনা গেল: 'কি'চ, কি'চ, কি'চ!'

আসলে কি'চকি'চ করছিল একটা ই'দর।

ঘুমতে চাইছিল সর্বকর্মা, কিন্তু বেড়েই চলল ই'দরের কি'চকি'চানি।

তখন বেসাক্কেলে ই'দরটাকে ভয় দেখাবার জন্যে দেয়ালে থাম্পড় মারলে সর্বকর্মা, কিন্তু এমন মরীয়ার মতো ডাকতে লাগল ই'দরটা যে পেনসিল আর প্রদীয়াও জেগে উঠল।

'কে রে? কে এটা?' জিজ্ঞেস করলে পেনসিল।

'আচ্ছা, ই'দর তুই আঁকিল কেন, বল তো?' গজগজ করলে সর্বকর্মা।

'ই'দর আমি আঁকি নি তো!' বললে পেনসিল, 'মাইরি বলছি, ই'দর আঁকি নি।'

'আঁহিস বেশ, ই'দর আঁকেন নি উনি, আর ই'দর ওদিকে কি'চকি'চ করছে।

তাহলে আঁকলটা কে? আমি?' বললে সর্বকর্মা।

ই'দর ওদিকে কি'চকি'চ করে চলেছে ক্রমেই জোরে জোরে। পেনসিল আর পারলে না, এক পাটি জুতো নিয়ে ছুড়ে মারলে অন্ধকার কোণটায়। এক মদহুতের জন্যে চুপ করে গেল ই'দরটা, কিন্তু তারপর...

'কি'চ! কি'চ! কি'চ!' ফুটিতে বলে উঠল প্রদীয়া।

'কি'চ, কি'চ, কি'চ!' সাড়া দিলে ই'দর।

'ছেলেটা ঘুমছে না দেখছি,' ব্যস্ত হয়ে উঠল সর্বকর্মা।

'নাহ্, আর পারা যায় না!' চেঁচিয়ে উঠল পেনসিল।

উঠে পড়ল সে। তারপর কী করল, বলো তো? স্নেফ একটি বেড়াল এঁকে দিলে। আহুদা, লোম-ঝুমঝুম, ছেয়ে রঙের বেড়াল।

সঙ্গে সঙ্গেই শান্তি ফিরে এল ঘরটায়। কেন জানি, আর কি'চকি'চ করলে না ই'দরটা। বাঁ পাশ ফিরে শূয়ে ঘুমিয়ে পড়ল সর্বকর্মা। লেপের মধ্যে সেন্ধল পেনসিল, আর তারপর...

আঁকা বেড়ালটা প্রথমে ঘরময় ঘুরে বেড়াল, তারপর কানে গেল ঘড়ির আওয়াজ:

‘টিক-টিক! ঠিক-ঠিক!’ তারপর চোখে পড়ল দোলকটা। সবুজ চোখে চেয়ে দেখে সে মিউ-মিউ করলে। ওর মনে হল ওটা লম্বা সরু লেজওয়ালা একটা গোলগাল ইঁদুর।

গর্দীড় মেরে এসে ঝাঁপ দিলে সে। অর্মানি ঘড়ি, দোলক আর আঁকা বেড়ালটা ভয়ঙ্কর আওয়াজ আর মিউ-মিউ শব্দে ধপাস করে পড়ল মেঝের ওপর।

‘না, আর পারা যায় না!’ চোঁচিয়ে উঠল সর্বকর্মা।

‘ছেই! ছেই!’ বলে বেড়ালের দিকে দ্বিতীয় পাটি জুতোটা ছুঁড়লে পেনসিল।

প্রতিয়া কিস্তি হাততালি দিয়ে হেসে উঠল। মজা লাগছিল ওর।

তিনজনেই ওরা ছোটোছোটো লাগালে বেড়ালটার পেছনে। ওরা চ্যাঁচাচ্ছিল, মিউ-মিউ করছিল বেড়ালটা, ছুঁটে বেড়াচ্ছিল ঘরময়। উল্টে পড়ল চেয়ার, ভেঙে পড়ল পেয়ালা। শেষ পর্যন্ত নিজেই বেড়ালটা বৃদ্ধি করে পালিয়ে গেল জানলা দিয়ে।

‘বেড়ালটা তুই আঁকতে গেলি কেন বল তো?’ জিজ্ঞেস করলে সর্বকর্মা।

‘খোকন এখনো পর্যন্ত ঘুমচ্ছে না,’ বললে পেনসিল, ‘এমন হলে তো চলবে না।’

‘ঘুমতে হবে!’ কড়া করে বললে সর্বকর্মা।

খোকনকে লেপ ঢাকা দিয়ে সে নিজের খাটে শুয়ে পড়ল। শীগগিরই ফের শাদা, কালো, ডোরাকাটা ইঞ্জিনের স্বপ্ন দেখতে লাগল সে।

অধ্যায় দশ

প্রদীপের চাঁদে যাত্রা

ভোর বেলায় সর্বকর্মা স্প্রীঙের মতো লাফিয়ে উঠল বিছানায়, সন্ধ্যায় যে খাটে প্রদীপকে শুইয়েছিল, তাকাল সে দিকে, এবং চোঁচিয়ে উঠল:

‘প্রদীপ হারিয়ে গেছে! এই পেনসিল, উঠে পড়! প্রদীপ নেই!’

সত্যিই বিছানাটা শূন্য।

দরজা খুলে ওরা ছুঁটে বেরুল বাইরে, জানে না যাবে কোথায়। হঠাৎ... দেখা গেল প্রদীপকে।

বলো তো কী করছিল প্রদীপক। স্বপ্নেও ভাবতে পারবে না। গাছের ডালে প্যান্ট নাকি জামা আটকে ঝুলছিল খোকন। স্বচ্ছ একটা প্যাকেটে মাথা আর মুখ ঢাকা। সাধারণ প্যাকেট, যাতে সাধারণত পাউরুটি রাখা হয়, যাতে শর্দিকিয়ে না যায়।

ডালের নিচে একই রকম প্যাকেট মাথায় এক দল ছেলে। একটি ছেলেকে মনে হল দলপতি। হুকুম দিলে সে:

‘ওড়ার জন্যে তৈরি হয়ে যাও! রেডি?’

‘রেডি!’ সমস্বরে বলে উঠল ছেলেগুলো।

‘রেডি!’ চিঁচিঁ করলে প্রদীপক।

‘রকেট লাগাও!’

যে ডালটায় ভারি খুশি হয়ে জ্বলজ্বলে মুখে ঝুলছিল প্রদীপক, সেটাকে ছেলেগুলো প্রাণপণে চেপে ধরে নুইয়ে আনলে...

কিন্তু পেনসিল আর সর্বকর্মা এই সময় পাগলের মতো হাত নাড়তে নাড়তে ছুটে গেল ছেলেগুলোর দিকে, ‘রকেট-বিশারদরাও’ অমনি চটপট চম্পট দিলে দিগিদিকে।

নোয়ানো ডাল ছাড়া পেতেই ছিটকে সিঁধে হয়ে গেল, প্রদীপকও অমনি ডালের সঙ্গে উঠে গেল উঁচুতে।

‘হুঁররে!’ দূর থেকে সোল্লাসে চিঁচিয়ে উঠল ছেলেগুলো, ‘কক্ষপথে পৌঁছে গেছে! কক্ষপথে!’

ডাল থেকে প্রদীপককে নামিয়ে আনার জন্যে আঁকতে হল মই। ভারি অস্থির হয়ে পড়েছিল পেনসিল, তাই মইটা দাঁড়াল একটু বাঁকাচোরা। ডাল থেকে খোকনকে নামিয়ে এনে সর্বকর্মা রাগী-রাগী মুখে তার দিকে চেয়ে মাথা নাড়লে:

‘ছেলেটাকে নিয়ে দেখছি ভুগতে হবে অনেক। আরেকটু বাড়াবাড়ি হলেই বোধ হয় দূর্ভাবনায় আমার ইস্কুপ খুলে আসবে।’

‘ছি-ছি-ছি!’ কড়া করে ধমক দিলে পেনসিল।

‘তুই ওকে এমন অবাধ্য করে আঁকিল কেন, বল তো?’ ছেলেটাকে বাড়ি আনতে আনতে বললে সর্বকর্মা, ‘আর তুই প্রদীপক, বাড়ি থেকে পালাতে হয় কখনো?’



‘ওকে কিছু শূদ্রিয়ে লাভ নেই,’ বললে পেনসিল, ‘এখনো ও কথা বলতে পারে না, বোঝেও না কিছু!’

‘পারি!’ হঠাৎ বলে উঠল প্রদীপ্ত, ‘কথা বলতে পারি... চাঁদ... রকেট... ক-ক-পথ... হেলমেট... ফুট-বল, ফ্র-স...’

‘ইস, কী সব কটরমটর কথা!’ অবাক হল পেনসিল, ‘ও বোধ হয় এদেশের লোক নয়।’

কিন্তু কেন জানি, ভারি খুশি হয়ে উঠল সর্বকর্মা, নিজের স্প্রীঙদলোকে পর্যন্ত ঝনঝনিয়ে তুললে সে:

‘না-না, সব ঠিক-ঠাক বলছে। সাবাস ছেলে! বেশ বদ্বতে পারছি, প্রদীপ্ত আমাদের ভারি বুদ্ধিমান। তাড়াতাড়ি ওকে কথা বলা শেখানো দরকার। নিজেই আমি শেখাব! আমার সঙ্গে সঙ্গে কথা বলতো প্রদীপ্ত, নে বল — বা-বা।’

‘বা-বা।’ বললে প্রদীপ্ত।

‘আরে, কী আশ্চর্য বুদ্ধিমান ছেলে!’ উল্লসিত হয়ে উঠল সর্বকর্মা।

‘বুদ্ধিমান ছেলে।’ পুনরুদ্ভূত করলে প্রদীপ্ত।

‘আগে ওকে চান করানো দরকার, খাওয়ানো দরকার,’ অসন্তুষ্টের মতো বললে পেনসিল, ‘কথা বলা শেখানো পরেও চলবে। নে, আয় প্রদীপ্ত, দ্যাখ আমি কেমন গা ধুই।’

তুলতুলে তোয়ালে আনলে ছোট্ট পটুয়া, কুয়ো থেকে জল তুলে আনলে বালতি ভরে, ঠান্ডা ঝকঝক জল ছিটিয়ে মজা করে গা ধুতে লাগল (যাদুকররাও গা ধোয় বৈকি)।

‘ছোঃ!’ গা কঁকড়ে ঘোঁৎঘোঁৎ করে উঠল সর্বকর্মা, ‘কী বিদিকিচিচিচি অভোস!’

তোমরা নিশ্চয় বদ্বতে পারছ ওস্তাদ সর্বকর্মার বড়ো ভয় জলে।

‘বিদিকিচিচিচিচি অভোস!’ পুনরুদ্ভূত করলে প্রদীপ্ত। পেনসিল চটে উঠল।

‘ছেলেটাকে তুই নষ্ট করছি! কী শিক্ষা দিচ্ছ ওকে?’

‘যত ঢং!’ গজগজ করলে সর্বকর্মা। ‘কথা বলাও চলবে না বুদ্ধি!’

অধ্যায় এগারো

আইসক্রীম, গরম দিন, আর সত্যিকারের বরফ

প্রথমে প্রদীপক বায়না ধরলে গা ধোবে না, পরে বললে দুধ খাবে না।

‘রোজ সকালে যদি গা-মুখ না ধোস, দুধ না খাস,’ শাসালে সর্বকর্মা, ‘তাহলে তোকে জাহাজ বানিয়ে দেব না।’

সঙ্গে সঙ্গেই দুধ খেয়ে নিলে প্রদীপক, খেলে লালচে রুটি।

যা যা দরকার সমস্ত যন্ত্রপাতি সর্বকর্মার জন্যে তৈরি করতে লাগল পেনসিল।
আর যতক্ষণ সে আঁকছিল, একগুঁয়ে সর্বকর্মা ততক্ষণ কথা বলা শেখাচ্ছিল প্রদীপককে।

‘বল, মোটর।’

‘মো-টর,’ বললে খোকন।

‘বল, বাতি।’

‘বা-তি।’

‘ভারি বুদ্ধিমান ছেলে তুই,’ বাহবা দিলে সর্বকর্মা।

‘আমি খুব বুদ্ধিমান ছেলে।’

‘তাহলে বল, হেলিকপ্টার।’

‘হেলি-ক-প্টার।’

‘চমৎকার!’ খুশি হয়ে উঠল মাস্টার, ‘সবচেয়ে ভালো ভালো সব কথা তোকে আজ শিখিয়ে দেব।’

কিন্তু মিনিট কয়েক যেতেই প্রদীপকের বেজার লাগতে লাগল। ‘ভের্টিক্যালের’
বদলে বললে ‘ভের্টিক্যালের’, ‘বেলচার’ জায়গায় ‘কালচে’।

‘তুই ওকে বড়ো যন্ত্রণা দিচ্ছ।’ বাধা দিলে পেনসিল, ‘সবকিছুই অমন একদিনের মধ্যে শেখানো যায় না। সব ও গুলিয়ে ফেলছে।’

‘বাঃ!’ রাগ করলে মাস্টার, ‘আমায় ভার দিয়ে নিজে তুই কী করছিস। ছেলে মানুষ করায় বাধা দিচ্ছিস। ভালো চাস তো শোন...’

‘আগে তুই অমনি একটা ছেলে আঁক, তারপর আমায় শোনাতে আসিস,’ বাধা দিলে পেনসিল, ‘ওর এতক্ষণে মাথা ধরে গেছে।’

‘মাথা ধরে গেছে,’ সানন্দেই পুনরুদ্ভূত করলে খোকন।

তখন পেনসিল আর সর্বকর্মা ছেলেটার কাছে এসে তার মাথা টেপার্টেপ করে হায় হায় জুড়লে।

‘স্ট্রেফ ওর গরম লাগছে,’ বললে সর্বকর্মা।

‘গরম লাগছে,’ বললে খোকন।

‘কিছু একটা ব্যবস্থা করতে হয় তাহলে,’ ব্যস্ত হয়ে উঠল সর্বকর্মা।

‘আমি বরফ এঁকে দিচ্ছি। গা জুড়বে ছেলেটার।’ প্রস্তাব দিলে পটুয়া।

তবে গরম সতিাই খুব পড়েছিল। নির্গন্ধ হয়ে উঠল বদলভারের ফুলগদুলো। গ্রীষ্মের সূর্যে রাস্তাঘাট ঘরবাড়ি এমন তেতে উঠেছিল যে শহরের সমস্ত জানলা ঝিকমিক করছিল ঝিকিঝিকি ছটায়। জল, ছিটানোর গাড়িগদুলো শহরময় ছোটাছুটি করে ভিজিয়ে দিচ্ছিল রাস্তা, ফুটপাথ, ঘাস, গাছপালা, এমন কি বাচ্চা ছেলেগুলোকেও। বড়োরা কেন জানি, দীর্ঘশ্বাস ফেলছিল তা দেখে।

গরম হয়ে উঠেছিল সর্বকর্মাও, লোহায় তৈরি তো।

‘তুই একেবারে ইন্দির মতো গরম হয়ে উঠেছিস,’ সবুজ ঘাসের ওপর শাদা বরফ এঁকে বললে পেনসিল।

‘অবাক কান্ড! অবাক কান্ড! আরে দ্যাখ! দ্যাখ! বরফ!’ হঠাৎ চোঁচিয়ে উঠল বদলভারের ছেলিপিলেরা, ‘সত্যিকারের বরফ!’

‘অবিশ্বাস্য ব্যাপার!’ বললে পথচারীরা, ‘সতিাই যে বরফ! একেবারে অলৌকিক!’

পড়ে আছে ধবধবে পরিষ্কার স্বচ্ছ শাদা আর ভারি ঠান্ডা বরফ। অথচ পাশেই মর্মর তুলছে গাছের সবুজ পাতা, ফুল-ভেঁইয়ে জ্বলজ্বল করছে ফুলের আগুন। গরমে হাঁসফাঁস করছে লোকে, হাওয়া খাচ্ছে রুমাল বা খবরের কাগজ নেড়ে।

এঁগিয়ে এল এক মাসি, মাথায় শাদা রুমাল, গায়ে শাদা আলখাল্লা, কাঁধ থেকে ঝুলছে বেলেটে বাঁধা শাদা বাস্ক। বরফটা চেয়ে দেখলে সে, তারপর আহ্লাদে আটখানা হয়ে চাইলে পেনসিলের দিকে।



‘কোথা থেকে তুই জোগাড় করলি? এমন সৌভাগ্য। আমার আইসক্রীম ওদিকে গলতে শব্দ করেছে। বরফ ফুরিয়ে গেছে দোকানে। ভাবলাম, সেরেছে। আইসক্রীমগুলোর দফা শেষ। হঠাৎ শব্দ সবাই চ্যাঁচাচ্ছে — বরফ! বরফ!’

টান্টকা মড়মড় তুষার-কণার ওপর বাতাসটা নামলে সে, তারপর ঘেম-ওঠা রূপোলী কাগজে মোড়া ‘এস্কিমো’ আইসক্রীম দিলে পেনসিল, সর্বকর্মা আর প্রদীপককে।

‘নে বাছা নে, লজ্জা কীসের...’

বদ্বতেই পারছ, মেয়েটি আইসক্রীম বেচে।

কেউ যদি সে সময় ওকে থামিয়ে বলত কাঠিতে লাগানো ওই আইসক্রীম কী দুরভোগ ঘটাবে পেনসিল আর সর্বকর্মার, তাহলে হাসিখুশি ওই মাসি কখনো প্রাণ গেলেও আইসক্রীম দিত না ওদের।

কিন্তু দুর্যথের বিষয় সে কথা কেউ ওকে বলে নি, পেনসিলও এক নিমেষেই আইসক্রীম খেয়ে কাঠিটা চাটতে লাগল।

অধ্যায় বারো

জানলা ভাঙা (ভেনিয়া কাশকিনের দৃষ্টি)

ভেনিয়া কাশকিনও এসেছিল বদ্বলভারে। তার পেছ পেছ হাতে খেলনা রিভলবার আর কোমরে কাঠের তরোয়াল নিয়ে একদল ছেলে। সঙ্গে সঙ্গেই সত্যিকারের তুষারের গোলা ঝলকাল বাতাসে।

ভেনিয়া কাশকিনের দলের ছেলেরা বরফের টিল ছুড়তে লাগল: ধূপ! ধাপ!

‘কী দাঁসি ছেলে সব!’ চেঁচিয়ে উঠল পথ-চলতি এক বড়ি। কার একটা বরফের ঢেলা পড়েছিল তার পিঠে। ‘কী হচ্ছে এ সব?’

পেনসিল ভেবেছিল জিজ্ঞেস করবে ওরা সবাই দাঁসি নাকি? কিন্তু খোঁচা খোঁচা বরফে তার মূখ বন্ধ হয়ে গেল।

‘যাচ্ছে তাই ব্যাপার!’ রেগে উঠল পথচারীরা, ‘এ লড়াই একদুনি থামানো দরকার।’

‘চল, চলে যাই এখান থেকে,’ রুমালে গলা মূছে বললে পেনসিল, কেননা বরফ পড়েছিল ওর কলারের কাছে।

প্রদীপকের কিন্তু যাবার মোটেই ইচ্ছে ছিল না। তুষারের গোলা পাকিয়ে সে ছুটে যাচ্ছিল ছেলেগুলোর কাছে, তবে ঠিক সময়েই সর্বকর্মা চেপে ধরলে ওর জামা।

‘বাড়ি যাব না, যাব না!’ চ্যাঁচালে প্রদীপক।

হাত ছাড়াবার চেষ্টা করলে সে, অধৈর্যে ছটফট করলে, লড়াবু চোখ মেলে চেয়ে দেখলে ছেলেগুলোর দিকে, কিন্তু সর্বকর্মা ওকে ছাড়লে না।

‘যাস নে ওদের কাছে। সুশিক্ষা ওখানে কিছ, হবে না।’ বললে সর্বকর্মা, ‘এখন বরং জাহাজ বানানো যাক।’

বদ্বতেই পারছ, ‘জাহাজ’ কথাটি শোনা মান্তর প্রদীপকের ছটফটানি থেমে গেল, যদিও তুষার-যুদ্ধ তখন তুঙ্গে উঠেছে।

তুষারের নতুন একটা দলা পার্কিয়ে ছুড়লে ভেনিয়া কাশকিন।

‘বুপ! দম!.. বনাৎ!’

ঢেলা গিয়ে পড়ল কাছের একটা বাড়ির জানলায়।

‘বন! বন! বন!’

শার্সি ভেঙে পড়ল ফুটপাথে।

‘হল তো! বখাটে ছেলে!’ জানলায় শোনা গেল ফুদ্ধ কার কণ্ঠস্বর, ‘জানতাম এই হবে। তোকে যে আগেই বলে রেখেছিলাম। অন্যদের ছেলেরা কেমন সভ্যভব্য, আর এটা কেবল যুদ্ধের বই পড়েছে, ডাকাতের মতো ছুটছে পিস্তল নিয়ে, রাতদিন কেবল যুদ্ধ করে ষেড়াচ্ছে। আর কোনো কাজ নেই, পড়াশুনা নেই। অকস্মার ঢেঁকি।’

দড়াম করে বন্ধ হয়ে গেল ফুদ্ধ জানলাটা। শৃদ্ধ অক্ষত শার্সিটা বিরক্তিতে শব্দ করলে: ‘বনবন!’

অধ্যায় তের

প্রদীপকের হারিয়ে যাওয়া

প্রদীপককে বাড়ি নিয়ে এল সর্বকর্মা, পেনসিলের আঁকা যন্ত্রপাতি নিয়ে বসল জাহাজ বানাতে।

সত্যিকারের রেংদা দিয়ে সে কাঠ ঘসলে, সত্যিকারের করাত দিয়ে তা কাটলে, কুদলে, ঠুকলে, আর গুণগুণ করলে তার পেয়ারের গানটা:

সবই বানাই নিজে নিজে,

বিশ্বাস নেই আজব চিজে!

নিজে নিজে! সবই নিজে!



‘নিজে নিজে! সবই নিজে!’ ধূয়া ধরলে প্রতীক।

টেবিলের ওপর ইস্ফুপ, বল্টু, চাকা আর দরকারী সব স্প্রীঙ ছড়িয়ে কাজ চালালে সর্বকর্মা। ছোট্ট একটা ইঞ্জিন বেছে নিলে জাহাজের জন্যে।

‘বাহবা!’ মাথা নাড়লে পেনসিল। আন্তে আন্তে জাহাজটা কেমন বেড়ে উঠছে দেখে অবাক লাগছিল তার।

জাহাজের খোলে ইঞ্জিন ঢোকালে সর্বকর্মা, ডেক বানাতে, মাছুল খাড়া করলে, তারপর প্রপেলার লাগিয়ে বললে:

‘হয়ে গেছে!’

ভারি সুন্দর হল জাহাজটি। সটান দুটি মাছুল, তাতে দাঁড়র মই, গলুইয়ে হাল, ডেকে লাইফ-বোট, খোলা গবাস্কের কেবিন, ক্যাপটেনের মণ্ড, সবই আছে তাতে। সরু শেকলে লটকানো মাছ-ধরার বড়শির আকারে ঝকঝকে নোঙর।

‘সত্যিকারের তুই যাদুকর!’ তারিফ করলে পেনসিল, ‘কিছুতেই আমার এ রকমটি হত না।’

‘যাদুকর! যাদুকর!’ সর্বকর্মাকে ঘিরে লাফাতে লাফাতে বললে থোকন, ‘দাও আমায় জাহাজ! জলে ছাড়ব!’

‘ফের গিয়ে জল ঘাঁটিব?’ ভুরু কৌঁচকালে সর্বকর্মা, ‘না, জলে নামিস নে!’

‘আমি যাব ওর সঙ্গে,’ বললে পেনসিল, ‘জলে আমার ভয় নেই।’

‘যাও-না, যাও!’ মনে মনে ভাবলে সেয়ানা সর্বকর্মা, ‘জল কোথাও নেই। সব শুকিয়ে গেছে অনেক আগেই।’

জাহাজ নিয়ে বেরুল পেনসিল আর প্রতীক, গান ধরলে:

বিশ্বাস নেই আজব চিজে!

নিজে নিজে! সবই নিজে!

‘আইসক্রীম! কুলাঁপ বরফ!’ শাদা পোষাক পরা মেয়েরা হাঁকছিল রাস্তায়। ‘দশ কোপেক, পনের কোপেক! আমাদের আইসক্রীম কেকের চেয়েও খাশা!’

আইসক্রীম কথাটা শুনেই ছোট্ট পটুয়ার গা শিউরে উঠল, গতি কমে এল। নিশ্বাস ফেলে সে আপন মনে বললে, ‘যাদুকরী উনি! আইসক্রীম দিয়েছিলেন আমায়। আইসক্রীমের চেয়ে মিষ্টি দুনিয়ায় আর কিছুই নেই...’

পেনসিলের কানেই গেল না যে কাছেই রোডিওতে গমগমে বাজনা বাজছে, সজোরে ঘোষণা হচ্ছে:

‘শোনো! শোনো! চিড়িয়াখানার বড়ো মরাল সরোবরে জাহাজের মডেলের পরীক্ষা শুরুর হচ্ছে আধ-ঘণ্টার মধ্যে। প্রতিযোগীরা সবাই পদকুরে চলে এসো।’

‘আহ, কী যাদুই জানে মেয়েটি।’ আপন মনে বলিছিল পেনসিল, খেয়ালই ছিল না প্রতীক কখন পেছিয়ে পড়েছে।

হাতে জাহাজ নিয়ে ছেলের পাল হাটীছিল রাস্তা দিয়ে। প্রতীককে দেখে তারা বললে:

‘আরে দ্যাখ, দ্যাখ। কেমন সুন্দর ওর জাহাজ! এই, চলে আয় আমাদের সঙ্গে।’

ছেলেদের সঙ্গে প্রতীক ছুটে গেল রাস্তার অন্য ধারে, পাথরের দুটি সিংহমূর্তির পাহারায় মস্তো একটা লোহার ফটক সেখানে। ফটকের ওপর রোদে ঝলমল করছে বড়ো বড়ো হরফ:

চিড়িয়াখানা

জীবন্ত হাতি!

দাঁতালো কুমির!

হিংস্র বাঘ!

বুনো সিংহ!

বিষাক্ত সাপ!

ছেলেপিলেরা এসে দেখে যাও!

টিকিট — দশ কোপেক।

জাহাজ নিয়ে এলে ছেলেপিলেদের

আজ টিকিট লাগবে না!

ফুতি-ফুতি ফটকটা দিয়ে প্রতীক ঢুকে গেল লাফাতে লাফাতে। কেন জানি সমস্ত বাচ্চাই চিড়িয়াখানায় যাবার সময় একটু লাফিয়ে নেয়।

অধ্যায় চোন্দ

প্রদীপক নিখোঁজ

‘ষাঃ!’ সন্নিবৎ ফিরল পেনসিলের, ‘প্রদীপক, কোথায় তুই? ফের আবার হারিয়ে গেলি নাকি?’

রাস্তা দিয়ে ছোটোছোটো করলে সে, পথচারীদের থামালে: ‘প্রদীপককে দেখেন নি?’ সবাই তারা কাঁধ ঝাঁকালে। কেউ দেখে নি।

একেবারে দিশেহারা হয়ে বাড়ি ফিরল ক্ষুদ্রে পটুয়া।

‘প্রদীপক আসে নি?’ জিজ্ঞেস করলে সে চৌকাট থেকে।

‘এ কী কান্ড বাধিয়েছিস?’ কে’পে উঠল সর্বকর্মা, ‘প্রদীপক কোথায়? না, তোর হাতে ছেলে দিয়ে ভরসা নেই।’

দুজনেই ছুটে এল রাস্তায়, কিন্তু কোথায় প্রদীপক, সে কি আর ওরা ঠাওর করতে পারে?

জাহাজ হাতে ছেলোপলেরা আসছিল উল্টো দিক থেকে। যাচ্ছিল তারা পাথরে সিংহের ফুর্তি-ফুর্তি ফটকটায়।

‘জাহাজ হাতে একটা ছেলেকে দ্যাখো নি তোমরা?’

‘জাহাজ নিয়ে সব ছেলেই আজ যাচ্ছে প্রতিযোগিতায়,’ বললে তারা। ‘শীগগিরই শব্দ হচ্ছে।’

‘সত্যিই হয়তো ও প্রতিযোগিতায় গিয়ে জুটেছে,’ ভাবলে সর্বকর্মা আর পেনসিল।

কিন্তু ফুর্তি-ফুর্তি ফটকটা দিয়ে ঢোকা তেমন সহজ হল না।

‘তোমাদের জাহাজ নেই? টিকিটও নেই?’ ঢোকার মূখে জিজ্ঞেস করলে গুপো টিকিট চেকার, ‘গিয়ে কিনে আনো গে।’

‘টিকিট কেনার পরস্যা আমাদের নেই,’ বলতে গিয়েছিল সর্বকর্মা, কিন্তু কিছুই বললে না। টিকিট ঘরের জানলাটার দিকে চাইল সে। অচেনা এক মাসি সেখানে বসে আছে, নীল নীল টিকিট কাটছে কাঁচ দিয়ে। গুমোট লাগছিল তার।

‘উহ্, কী গরম!’ নিশ্বাস ফেললে মাসি।

মাথা চুলকালে সর্বকর্মা। কিছু একটা ভাবনা খেললে অনেকে ওটা করে।

‘হয়েছে,’ বললে ও তার মইয়ে পড়া বন্ধকে, ‘দুটো আইসক্রীম এংকে দে!’

চটপট আইসক্রীম আঁকলে পেনসিল। তবে কেন জার্নি ভুল করে সে দুটোর বদলে আঁকলে তিনটে। সর্বকর্মা অবিশ্যি ভুলটা ধরতে পারে নি। পেনসিলের কাছ থেকে

দুটো আইসক্রীম নিয়ে সে গেল জানলাটার কাছে, তৃতীয়টি গলাধঃকরণ করলে পেনসিল।

‘মাসি, আপনার গরম লাগছে? দুটি আইসক্রীম এনেছি আপনার জন্যে, এই নিন!’

‘আহা, লক্ষ্মী ছেলে!’ চম্বল হয়ে উঠল মাসি, ‘কী বাহাদুর! এই নে দুটো টিকিট। আহ কী মিষ্টি!’

বন্ধ হয়ে গেল জানলা। তার ওপর দেখা দিল একটা ফলক, তাতে লেখা আছে:

বন্ধ: পাঁচমিনিট ইন্টারভ্যাল

প্রদত্তিয়াকে খোঁজার জন্যে ছুটিছিল পেনসিল আর সর্বকর্ম। চিড়িয়াখানার ফটকের কাছে এল ভেনিয়া কাশকিন, রাগী-রাগী মৃদু, মেজাজ খারাপ।

টিকিট কেনার পয়সা তার ছিল না। নিশ্চয় তোমাদের মনে আছে যে জানলার শার্সি ভেঙে দিয়েছিল সে। কেন জানি বরাবরই তাই হয়। জানলার কাঁচ ভেঙে ফেললে আইসক্রীম কি সিনেমা, কি চিড়িয়াখানার জন্যে একাটি পয়সাও কেউ দেয় না। ভারি ওর ইচ্ছে হাঁছিল যে করে হোক ফুতি-ফুতি ফটকটা পেরয়, জাহাজের প্রতিযোগিতা দেখে। কিন্তু নিজের জাহাজ ভেনিয়ার ছিল না। ঘোরতর অবস্থা। টিকিটও নেই, জাহাজও নেই।

ভুরু কঁচকে ছেলেগুলোর দিকে চেয়েছিল ভেনিয়া, হঠাৎ এক চেনা ছেলে চোখে পড়ল তার — ছোট তিমা। তিমার এক হাতে তার নিজের বানানো জাহাজ।

‘এই তিমা!’ কড়া গলায় হাঁকল কাশকিন, ‘তোর জাহাজটা আমায় দে তো! চটপট! তুই পুঁচকে, বিনা টিকিটেই তোকে ঢুকতে দেবে?’

‘দেব না!’ নিভয়ে জানিয়ে দিলে তিমা।

‘কী বললি?’ খেঁকিয়ে উঠল ভেনিয়া কাশকিন, ‘এমন গাট্টা লাগাব, দেখাব?’

‘বাবাকে বলে দেব!’ বললে তিমা, ‘ঐ দ্যাখ, টিকিট কিনছে।’

ওদের কাছে এল তিমার বাবা।

‘কী চাই এই ডানপিটেটার?’

হঠাৎ ভারি ভালোমানুষের মতো মৃদু করলে ভেনিয়া, ঘিনঘিনে গলায় বললে: ‘আমি ঠাট্টা করছিলাম — হি-হি!.. আর ও ভাবলে বদ্বি সত্যি। হে-হে! ঠাট্টা করছিলাম।’

হাঁ হয়ে ভেনিয়াকে দেখছিল তিমার বাবা, কেমন হতবুদ্ধির মতো নিজের মনেই বললে:

‘জানতামই না ছোঁড়াটা দূরকম গলায় কথা কইতে পারে। নাহ্, সত্যিই হয়তো ও কোনো ছেলের ওপর হামলা করে জাহাজ ছিনিয়ে নেবে। বরং আমাদের সঙ্গেই চলুক। যেতে দিন ওকে,’ টিকিট কালেক্টরকে বললে বাবা, ‘এই নিন টিকিট!’

অধ্যায় পনের

হাতি, বাঘ, সিংহশিশু আর পাল-তোলা জাহাজ

‘গেল কোথায় প্রুতিয়া?’ চিড়িয়াখানায় ছোটোছদ্টি করে অস্থির হয়ে উঠল আমাদের দুই বন্ধু, ‘অবাধ্য ছেলে, কোনো বুনো জন্তুর খাঁচায় গিয়ে সে’খয় নি তো?’

প্রতিটি বেড়ার কাছে দাঁড়াল সর্বকর্মা আর পেনসিল, উর্পক দিলে প্রতিটি খাঁচায়।

দেখলে সবুজ জমির ওপর দাঁড়িয়ে আছে প্রকাণ্ড এক হাতি, ছাই রঙের শৃড়ু দোলাচ্ছে। যেন বলতে চাইছে, ‘নমস্কার! আমি খুব বড়ো। সবচেয়ে বড়োরা কখনো কারদুই ক্ষতি করে না।’ কিন্তু হাতির কাছে পাওয়া গেল না প্রুতিয়াকে।

ডোরাকাটা বাঘ তো তাদের লক্ষ্যই করলে না। খাঁচার মধ্যে ক্রমাগত সে পাক খাচ্ছিল আর ভাবাচ্ছিল, ‘লোকে বলে আমি নাকি বেড়ালের মতো দেখতে। মিথ্যে কথা। আমি হলদুম — হালদুম! ই’দরে আমার রুচি নেই!’

শূন্য মাঠে ধরা পড়া প্রকাণ্ড সিংহ তার শূন্য খাঁচাটায় একলাটি মনমরার মতো শূয়ে ছিল থাবায় মাথা নামিয়ে।

‘বেচারি!’ বললে সর্বকর্মা, ‘ভারি কষ্টে আছে ও। ইচ্ছে হচ্ছে গায়ে ওর একটু হাত বুলিয়ে দিই।’

পেনসিলেরও ভারি মায়া হল নিঃসঙ্গ সিংহটার জন্যে। অনেক ভেবেচিন্তে সে একে দিলে ছোট এক সিংহ-ছানা। এমন ছোট, যেন সত্যিকারের এক বেড়াল।

খাঁচার শিক গলে ভেতরে ঢুকে গেল ছানাটা। সিংহও খুশি হয়ে উঠল খুব: বাচ্চাদের পেয়ে সর্বদাই তো একলা মানুষদের মন ভরে ওঠে আনন্দে।

‘এইবার! এইবার!’ শোনা গেল মাইকে, ‘বড়ো মরাল সরোবরে শূরু হচ্ছে জাহাজের মস্তো প্রতিযোগিতা। কিশোর মিস্ত্রীরা, জলদি!’

চিড়িয়াখানার হাটা-পথে দেখা দিল ভেনিয়া কাশকিন, ছোট তিমা আর তিমার বাবা।



‘দেঁরি হয়ে যাবে আমাদের,’ বললে বাবা।

তিমার হাতে কাঠের এক জাহাজ, — জাহাজ-বিদ্যার সমস্ত গুস্তাদি দিয়ে তা বানানো। আর সর্বকর্মাও একজন গুস্তাদ, তাই পাইনকাঠের চমৎকার জাহাজটিকে সে লক্ষ না করে পারল না। হ্যাঁ, পাইনকাঠেরই বটে। জাহাজের গা-খানা গোটাটাই এক সাধারণ পাইনকাঠের তক্তা। তাতে একটা কাঠি গোঁজা — সেটা মাথুল। মাথুলে চোকো একটা কাগজের পাল।

জাহাজের গায়ে নীল পেনসিলে লেখা: ‘তিমা’।

‘এই থোকা,’ সমাদর করে জিজ্ঞেস করলে সর্বকর্মা, ‘চমৎকার এই জাহাজটা কে বানিয়েছে রে?’

‘কেউ না, নিজেই আমি ছুঁরি দিয়ে কুঁদে নিয়েছি।’

‘জাহাজের নাম তাহলে কেন “তিমা”?’

‘আমি তিমা,’ গুরুত্ব ফলিয়ে বললে সে।

সর্বকর্মার ইচ্ছে হয়েছিল জাহাজটার তারিফ করবে, কিন্তু ততক্ষণে প্রকাণ্ড এক গোল দাঁঘির কাছে এসে পড়েছিল তারা।

পাড়ে তার লোক জমেছে। চারিদিক থেকে আসছে ছেলোপিলেরা, ছোটোছোটো করছে। মাথার ওপর উড়ছে সত্যিকারের এক জাহাজী পতাকা। কুচকাওয়াজের বাজনা বাজছে। ঠিক একেবারে জলের কাছেই গড়া এক মণ্ডে দাঁড়িয়ে আছে শাদা টুঁপি পরা সত্যিকারের এক জাহাজী ক্যাপটেন। সত্যিকারের জাহাজী দূরবীন দিয়ে সে তাকিয়ে আছে দাঁঘির জলে, যেন সত্যিকারের জাহাজ ভাসছে সেখানে, সত্যিকারের ঢেউ উঠেছে, আর সে ঢেউকে ক্যাপটেন এতটুকু ডরায় না।

কিন্তু ছেলোপিলেদের যা ভিড়, তার পেছন থেকে জাহাজ বা ঢেউ কিছুই চোখে পড়ছিল না তিমা বা সর্বকর্মার।

‘আরে, এ ছেলেটারও যে জাহাজ রয়েছে। নিজের বানানো জাহাজ।’ কাছেই দাঁড়ানো এক ভদ্রলোক দেখালে তিমার দিকে, ‘ওকে পথ করে দিন, ভাই সব। প্রতিযোগিতায় এসেছে ছেলেটা।’

‘পথ করে দিন! পথ করে দিন!’ সম্ভবের চেঁচাল সব, ‘পথ দিন ছেলেটাকে!’

পথ পেতেই জাহাজ হাতে তিমা আর তার পেছা পেছা বাবা, সর্বকর্মা আর ভেনিয়া কাশকিন গিয়ে পৌঁছল একেবারে জলের ধারটিতে।

নীল জলের ওপর ইয়া-ইয়া জাহাজ। চিমনিওয়ালা জাহাজ, বরফভাঙা জাহাজ, ডুবো-জাহাজ; পাল-তোলা জাহাজ তো পুরো এক নৌবহর। পাল পতপত করছে



বাতাসে, কিন্তু সত্যিকারের রিবণ-রূপী কাছিতে শক্ত করে বাঁধা থাকায় জাহাজ নড়ছিল না।

ছেলেপিলেরা সবাই মৃদু মতো তাকিয়ে ছিল পাল-তোলা জাহাজগুলোর দিকে। এই বৃষ্টি সেখানে দেথা দেবে দৃঃসাহসী ক্যাপটেন, জলদ-গন্তীর গলায় হুকুম দেবে:

‘নোঙর তোলা!’

বাতাসে ফুলে উঠবে পাল, একেবারে কোন দূরের দেশে ভেসে যাবে জাহাজ। সমুদ্রের ওপর সেখানে উড়ে বেড়ায় শাদা শাদা সিন্ধুচিল, ঢেউ আছড়ে পড়ে জনহীন দ্বীপের ওপর।

স্টীম ইঞ্জিনের জাহাজগুলোও অবিশ্যি সমুদ্র পাড়ি দেয়, ঢেউ ভাঙে, লোকজনকে নিয়ে যায় নানান স্ব শহরে। কিন্তু কেন জানি, জনহীন দ্বীপে তা কখনো পৌঁছয় না। পাল-তোলা জাহাজ কিন্তু ভেসে যাবে কোথাকার কোন দূরের সমুদ্রে। প্রতিটি শিশুই সেখানে পেয়ে যাবে জনহীন এক-একটা দ্বীপ। কোনো বাষ্পীয় পোতেরই সেখানে যাবার সাধ্য নেই।

সেই জন্যেই দুনিয়ার দৃঃসাহসী ছেলেরা সবাই শাদা পালের অমন ভক্ত।

‘নোঙর তোলা!’ সজোরে হুকুম দিলে মগে দাঁড়ানো ক্যাপটেন। একেবারে সত্যিকারের, বয়স্ক, জাহাজী ক্যাপটেন।

বয়স্করাও পাল-তোলা জাহাজ ভালোবাসে বৈকি।

অধ্যায় ষোলো

সর্বকর্মীর জয়জয়কার

ক্যাপটেন হুকুম দিতেই কাছি খুলে দিলে ছেলেরা।

গুঞ্জন করে উঠল ইঞ্জিন, কে’পে উঠল জাহাজ, দীঘির শান্ত জলের ওপর দিয়ে তারা যাত্রা করল অপর পাড়ের দিকে। আশ্বিনে লাল ফিতে বাঁধা সব বয়স্ক লোক সেখানে দাঁড়িয়ে আছে। ঘড়ি দেখছিল তারা, কোন জাহাজ সবচেয়ে আগে আসে।

‘ধূর! ধূর!’ নিশ্বাস ফেললে ভেনিয়া কাশকিন, ‘কখনো যদি যাদুকর হতে পারি,

তাহলে পাল-তোলা একটা জাহাজকে ফুসমন্তে বড়ো করে নেব, চলে যাব মহাসাগরে...
হুকুম দেব: বাঁয়ে হাল! ডাইনে হাল!

‘মহাসাগরে পাড়ি দেওয়া খুবই ভালো কথা,’ বললে তিমার বাবা, ‘তবে তার জন্যে চাই সাহস, নিভীকতা, উদারতা।’

‘সাহস আমার আছে,’ বললে ভেনিয়া।

‘নে, থাম,’ ভালো মনেই বললে বাবা, ‘তুই দেখছি এক বাক্যবীর। আগে ওই অমনি একটা জাহাজ বানাবার চেষ্টা করে দ্যাখ না।’

‘ফুঃ!’ বললে ভেনিয়া কাশকিন, ‘ও জাহাজ তো দোকানেও কিনতে পারা যায়। আমি চাই সত্যিকারের জাহাজ!’

‘বটে?! কিছুই করার তো ইচ্ছে নেই।’ বললে বাবা, ‘নিশ্চয়, তুই ভারি আলসে?’

‘আলসে? কে সে?’ জিজ্ঞেস করলে পাশেই দাঁড়ানো একজন লোক।

‘কোথায় সে?’ ভেনিয়া কাশকিনের দিকে তাকিয়ে জিজ্ঞাসা শব্দ করল সবাই, ‘আলসে কেমন একটু দেখি তো। আমাদের শহরে আলসে তো কেউ আর নেই। অনেক দিন থেকেই তাদের আর দেখা যায় না।’

‘আরে কী বলছেন আপনারা!’ তাড়াতাড়ি সবাইকে শান্ত করতে চাইল তিমার বাবা, ‘ভুল শুনছেন। এ ছেলেটা মোটেই আলসে নয়। বই-টাই নিশ্চয় পড়ে। কী বই তুই পড়িস বল তো?’ জিজ্ঞেস করলে সে ভেনিয়াকে।

‘যুদ্ধ, গুপ্তচর, জলদস্যুর বই!’ বড়াই করলে ভেনিয়া।

‘তবু ভালো,’ কেন জানি নিশ্বাস ফেললে বাবা।

‘আরে দ্যাখো, দ্যাখো,’ বললে তিমা, ‘কার একটা জাহাজ সবাইকে ছাড়িয়ে যাচ্ছে।’

‘এটা আমার জাহাজ!’ খুশি হয়ে উঠল সর্বকর্মা, ‘তার মানে প্রতীক এখানেই আছে।’

‘আপনার জাহাজ?’ জিজ্ঞেস করলে পাশে দাঁড়ানো লোকটা।

‘আমার! আমার!’ বললে লোহার মানদুর্ঘটি, চারপাশের সবাই তার দিকে তাকাতে লাগল সম্ভ্রম করে।

‘আপনি সত্যিকারের ওস্তাদ!’ বললে তিমার বাবা, ‘আসুন, আপনার সঙ্গে করমর্দন করি!’

সর্বকর্মার জাহাজখানা তীরবেগে ছুটছিল ওপারের দিকে। ঝকমকে দশাসই বাষ্পীয় পোত, বরফভাঙা জাহাজ, ডুবো-জাহাজগুলোকে ছাড়িয়ে গেল তা। সবচেয়ে দ্রুত-গামী জেট জাহাজগুলোর পাল্লাও সে প্রায় ধরতে যাচ্ছিল, কিন্তু পাল-তোলা ফ্রিগেট, পানসী, বাইচ নৌকোগুলোর ভিড়ে সে পথ পাচ্ছিল না। হঠাৎ তখন জাহাজটা তার গতিমুখ বদলালে। মনে হবে যেন তার ভেতরে বদ্বি বসে আছে ক্ষুদ্রে ক্ষুদ্রে মাঝি-মাল্লা, সারেং, ক্যাপটেন। পাল-তোলা নৌবহরকে ঘুরে গিয়ে জাহাজটা ঢেউয়ের ওপর খানিক দূরে সোজা ছুটল রকেট জাহাজগুলোকে লক্ষ্য করে।

কেবল, কেবল কাঁছিয়ে আসতে লাগল তা।

কিছুক্ষণ যেতে না যেতেই পেছনে পড়ল সমস্ত জাহাজ। জেটিতে ভিড়ল সর্বকর্মার জাহাজই সবার আগে। গতি মন্থর হয়ে এল তার, নিজে নিজেই তা নোঙর ফেলে স্থির হয়ে গেল। জাহাজের প্রথম মানুষলে উঠল ছোট্ট একটা পতাকা।

অধ্যায় সতের

প্রতিকের খ্যাতি লাভ

‘কার জাহাজ প্রথম হল?’ বাজখাঁই গলায় জিজ্ঞেস করলে সত্যিকারের জাহাজী ক্যাপটেন।

‘কার জাহাজ? কার? জাহাজটা কে বানিয়েছে বলুন তো?’ সর্বকর্মার কাছ থেকে যারা দূরে দাঁড়িয়েছিল, তারা বলাবলি করছিল এই সব কথা।

মাইকে ঘোষণা হল:

‘পয়লা নম্বর জাহাজটি যে বানিয়েছে, ক্যাপটেনের মঞ্চে উঠে এসো। বিজয়ীকে খেতাব দেওয়া হবে। দামী পুরস্কারও সে পাবে।’

‘লোকের কেমন সব জুটেও যায়!’ গজগজ করলে ভেনিয়া কাশকিন।

‘অভিনন্দন জানাই। আপনার সঙ্গে পরিচিত হয়ে আমি আর আমার ছেলে দুজনেরই খুব আনন্দ হল,’ আরেক বার সর্বকর্মার করমর্দন করলে তিমার বাবা, ‘চলে যান ক্যাপটেনের কাছে, তাড়াতাড়ি করুন, ডাকছে আপনাকে।’

‘ওস্তাদকে যেতে দিন,’ বললে পাশে দাঁড়ানো লোকটা, ‘পথ ছেড়ে দিন ওস্তাদকে।’

এমন আনন্দ সর্বকর্মার আর কখনো হয় নি। ঝকমক করে উঠল লোহার ছোট্ট মানুষটি, জ্বলজ্বল করে উঠল খুশিতে। সবাই পথ ছেড়ে দিচ্ছিল তাকে।

হঠাৎ শোনা গেল কার যেন সরু গলা:

‘ওটা আমার জাহাজ! আমার!’

ক্যাপটেনের মণ্ডে ছুটে গেল পেনসিলের আঁকা খোকন প্রদীপ্তিয়া।

‘খাক, তাহলে পাওয়া গেল প্রদীপ্তিককে!’ ঝনঝনিয়ে উঠল ভাগ্যবান সর্বকর্মা।

‘আমার জাহাজ,’ মণ্ডে দাঁড়িয়ে বললে খোকন, ‘দাও আমায় প্রাইজ।’

প্রাইজ ছিল সামনেই। খেলনা, লজেন্স, বিস্কুট আর চকোলেটের মস্তো এক বাহারে বাস্ক।

‘নাম কী তোর?’ জিজ্ঞেস করলে সত্যিকারের জাহাজী ক্যাপটেন, ‘উপাধি?’

‘প্রদীপ্তিয়া পেনসিলপুত্র।’

‘ইশকুলে পড়িস, নাকি এখনো কিংডারগার্টেনে? কে তুই?’

‘আমি খুব বুদ্ধিমান ছেলে,’ বললে প্রদীপ্তিক।

‘নিজেই তুই জাহাজটা বানিয়েছিস? বিজয়ী বলে তাকেই মানা হবে যে নিজে বানিয়েছে। বুদ্ধিমান তোর? নিজে!’

জ্বলজ্বলে প্রাইজটার দিকে তাকাল খোকন, তারপর ক্যাপটেনের দিকে। বললে:

‘আমি নিজেই। নিজেই আমি জাহাজ বানিয়েছি।’

‘এই জাহাজটার জন্যে,’ সমারোহে ঘোষণা করলে সত্যিকারের জাহাজী ক্যাপটেন, ‘তাকে খেতাব দেওয়া হচ্ছে। তুই হালি — কিশোর টেকনিশিয়ান। অভিনন্দন জানাচ্ছি তোকে।’

খোকনের করমর্দন করে সে সেলাম ঠুকলে।

সমারোহে বেজে উঠল কুচকাওয়াজের বাজনা, ‘হুদুরে’ বলে চেঁচিয়ে উঠল সব ছেলোপিলে, হাততালি দিতে লাগল। তিমার বাবা সর্বকর্মার দিকে ভৎসনার দৃষ্টিতে তাকিয়ে মাথা নাড়লে।

‘লজ্জা হওয়া উচিত হে ছোকরা,’ ধিক্কার দিয়ে বললে সেই পাশে দাঁড়ানো লোকটা, ‘পরের যশ মেরে নেবার ফন্দি!’

‘অতি অন্যায়!’ বলাবালি করলে চারপাশের সবাই।

নিজের স্প্রীঙগুলো দিয়ে করুণভাবে খনখন করলে সর্বকর্মা।

‘জোচ্চোর!’ দাঁত চেপে বললে ভেনিয়া কাশকিন, ‘কষে গালে থাম্পড় দেওয়া দরকার!’

ক্যাপটেনের মণ্ড ছেঁকে ধরল যত ফোটোগ্রাফার, সাংবাদিক, সংঘ-সমিতির লোকজন। সবাই চায় বিজয়ীর সঙ্গে কথা বলতে। শহরের সেরা সিনেমার টিকিট, শিশু রঙমহলের

প্রবেশপত্র সে পেলে বিনামূল্যে। কিশোর টেকনিশিয়ানদের প্রাসাদ থেকে এল তাদের জরুরী ও পূর্ণক্ষমতাস্বর ভারপ্রাপ্ত প্রতিনিধি, বিজয়ীকে প্রাসাদে দিনযাপনের আমন্ত্রণ জানাল সে। দৃ'সম্প্রাহের জন্যে!

মণ্ডের ওপর উড়ে এল মন্তো এক হেলিকপ্টার, গায়ে তার জ্বলজ্বলে হরফে লেখা:

বিজয়ীকে অভিনন্দন!

‘হেলিকপ্টারে শহর ঘুরে দেখার জন্যে সাদর আমন্ত্রণ জানানো হচ্ছে প্রতিনিধি পেনসিলপদকে,’ বললে হেলিকপ্টারের মাইকে।

দাড়ির মই নেমে এল হেলিকপ্টার থেকে। ভাগ্যবান খোকন কিশোর টেকনিশিয়ানকে কোলে নিয়ে সত্যিকারের জাহাজী ক্যাপটেন তাকে তুলে দিলে বৈমানিকদের হাতে।

‘প্রতিনিধি, প্রতিনিধি!’ করুণ স্বরে ডাকাডাকি করলে সর্বকর্মা, ‘আমরা যে তোকে খুঁজে বেড়াচ্ছি।’

কিন্তু লোহার মানদ্রুটিকে খোকন দেখতেই পেলে না। প্রদ্রুতিককে নিয়ে হেলিকপ্টার উঠে গেল রোদ ঢালা আকাশের উঁচুতে।

‘আহ, পেনসিল, কেন যে তুই খোকা আঁকতে গেলি?’ বলে নিশ্বাস ফেলল সর্বকর্মা, আর অর্মানি ঠিক তোমার আমার মতোই তার টনক নড়ে উঠল, ‘আরে, পেনসিল গেল কোথায়?’

কোথায় পেনসিল?! একেবারেই ওর কথা মনে ছিল না।

‘এই নাও পেনসিল,’ বলে ভালো মানদ্রু তিমা তার পকেট থেকে বার করে দিলে রঙীন নীল পেনসিল।

‘এ পেনসিল নয়! সত্যিই হারাল এবার!..’

দ্রুভাবনায় অস্থির সর্বকর্মা ভিড় থেকে লাফিয়ে বেরিয়ে এসে ছুটল বাঁয়ে, তারপর ডাইনে।

‘পেনসিল! পেন-সিল!’ ডাকতে লাগল, ‘পেনসিল ভাইটি!’

‘ঘড়-ঘড়-ঘড়...’ শোনা গেল কার যেন করুণ ঘড়ঘড়ানি।

দেখা গেল বাগানের এক চওড়া বোঁগুতে বসে আছে পেনসিল।

‘ঘড়-ঘড়-ঘড়!’ অপরাধীর মতো সাড়া দিলে পেনসিল।

আসলে ও বলতে চেয়েছিল: ‘আমি এখানে।’

সামনে তার এক রাশ আইসক্রীমের কাটি।

‘লক্ষ্মীছাড়া পেনসিল!’ হতাশে চোঁচয়ে উঠল সর্বকর্মা, ‘ঠাণ্ডা লাগিয়ে বসেছি। গুচ্ছের আইসক্রীম গিলেছি। হাঁদারাম কোথাকার! কিন্তু এত আইসক্রীম তোকে দিলে কে?’

‘ম্মা-ম্মি-ম্মি-ম্মি,’ বললে পেনসিল।

আসলে সে বলতে চেয়েছিল: ‘আমি এঁকে নিয়েছিলাম। লোভ সামলাতে পারি নি। আর করব না।’ কিন্তু ঠাণ্ডা লেগে গলা ওর বসে গিয়েছিল।

‘গরম দুধ খাওয়ানো দরকার ওকে। ঠাণ্ডা লাগলে তাতে কাজ দেয়।’ বললে কে একজন পথচারী বড়ো।

‘বাড়ি চল একদুনি অবাধ্য, বেয়াদব, বিটকেলে পেনসিল!’ রেগে মাটিতে পা ঠুকে চ্যাঁচাল সর্বকর্মা।

দীর্ঘশ্বাস ফেলে বাড়ি চলল পেনসিল।

মক’টগলো হাসল ওকে দেখে। হাত মাথা দোলালে: ‘ছি-ছি-ছি!’

সিংহটা কিছু খেয়াল করলে না। ছোট সিংহছানার সঙ্গে সে ‘বকবকুমকুম পায়রা খাব’ খেলা খেলছিল।

পরের দিন এই সিংহশাবক নিয়ে খবরের কাগজে বেরিয়েছিল:

চিড়িয়াখানায় আজব কাণ্ড

সিংহের খাঁচায় কাল একটি সিংহছানা পাওয়া গেছে।

ছানাটি এখনো দৃষ্টিপোষ্য, ওজন এক কিলোগ্রাম।

নবজাতকের ওপর বিজ্ঞানীরা দৃষ্টি রেখে যাচ্ছেন।

অধ্যায় আঠারো

লোহার মান্দুটি কান্দো-কান্দো

পেনসিলকে সর্বকর্মা বাড়ি নিয়ে এসে বিছানায় শুইয়ে দিলে।

অ্যাম্বুলেন্স ডাকা দরকার, কিন্তু বাড়িতে টেলিফোন ছিল না।

বেচারি পেনসিলের অবস্থা খারাপ দাঁড়াল। অসুখে পড়েছে ক্ষুদ্রে পটুয়া। জ্বরে গা আগুন অথচ ওর মনে হচ্ছিল ঘরটা বেজায় ঠাণ্ডা। শীতে কাঁপুনি ধরল তার, দাঁত ঠকঠক করতে লাগল।



জানলায় পর্দা টেনে দিলে সর্বকর্মা, সবকিছু কন্বল, এমন কি বালিশ দিয়েও তাকে চাপা দিলে, কিন্তু কোনো লাভ হল না।

ওদিকে সন্ধ্যা নামল, তারপর রাত। ঘরটা হয়ে গেল একেবারে অন্ধকার আর চুপচাপ। শোনা যাচ্ছিল শব্দ পেনসিলের দাঁত ঠকঠকানি।

চুল্লি জ্বালাবার জন্যে শব্দকনো পাতা কুড়তে বেরুল সর্বকর্মা।

বুলভারে কেউ নেই। সবাই ঘুমতে চলে গেছে অনেকক্ষণ।

‘পেনসিলটা একটা গাধা,’ ছুটাছুটি করে গজগজ করলে সর্বকর্মা, ‘একটা ইলেকট্রিক স্টোভও এঁকে দিতে পারে নি। হাঁদাটা!’

গজগজ করছিল অবশ্য এমনি। খুবই, খুবই কষ্ট হচ্ছিল তার, পাছে কেঁদে ফেলে তাই অমন রাগ-রাগ ভান করছিল।

আর অন্ধকার ঘরে শব্দে শব্দে ভুল বকছিল পেনসিল। রোগী যখন ভুল বকে তখন তার সব কথাই হয় বোঁঠক।

‘দুই দুগুণে সাত,’ বিড়বিড় করছিল পেনসিল, ‘তিন তিরিঙ্গে পাঁচ, সাত সাত নয়...’

ঠেতন্য ছিল না তার। আর রোগী যখন ঠেতন্য হারায়, তখন সে উঠে হেঁটে কিছু একটা করতে পারে বটে, তবে সবই বোঁঠক।

লেপ বালিশের তল থেকে বেরিয়ে এল পেনসিল, হোঁচট খেতে খেতে দেয়ালের কাছে গিয়ে আঁকতে শব্দ করলে ছবি, তবে কী যে আঁকছিল তার কোনো খেয়াল ছিল না...

‘সাত সাত পাঁচ...’ ছবি আঁকতে আঁকতেই বিড়বিড় করছিল সে।

হায়রে সর্বকর্মা, কোথায় তুই শীগগির বাড়ি ছুটে আয়! আঁকতে দিস না অসদৃশ পেনসিলকে।

সর্বকর্মা কিন্তু পাতা জোঁগাড় করোঁছিল এক গাদা। বহু কষ্টে তা বয়ে আনাঁছিল বাড়িতে। অমন বোঝা নিয়ে কিছুতেই তো আর দৌড়নো যায় না।

দেয়ালে পেনসিল এঁকে দিলে এক ভয়ঙ্কর জলদস্যুর ছবি, কোমরে মস্তো এক বাঁকা ভোজালি, দুটো পিস্তল, হাতে দস্যুদের কালো পতাকা। এ দস্যুকে একবার সে দেখেছিল ডানপিটে ছোঁড়া ভেনিয়া কাশিকিনের আঁকা ছবিতে।

ছবির দস্যু চোখ মটকালে পেনসিলকে, কালো ডাকাতে পতাকাটা গুঁটয়ে পুঁরে নিলে প্যাণ্টের পকেটে।

অসদৃশ পটুয়া কিন্তু কিছুই খেয়াল করলে না। এঁকে দিলে সে কালো মদখোস পরা, কলার তোলা খুঁসর রেন-কোট গায়ে সেই গুপ্তচরকে।

তারপর আঁকলে কুকুরের মতো দেখতে কালির ছোপটাকে। ভেনিয়া কাশিকিনের ছবিতে যেমন ছিল, সব তেমনি।

দরজায় পাতা খসখস করে ঘরে ঢুকল সর্বকর্মা। বোঝাটা মেঝেয় ফেলে সে শূন্যে দিলে পেনসিলকে।

রুগী হাত-পা ছুড়ে চেঁচালে:

‘দুই দৃগুণে পাঁচ! আইসক্রীম দে ভেনিয়া কাশিকিনকে! আইসক্রীম দে!..’

আহা, বেচারি, বেচারি পেনসিল!..

সর্বকর্মার নজরেই পড়ল না যে দেয়াল থেকে উঠে আসছে দুটো কালো ছায়া, নিঃশব্দে তারা আধ-খোলা দরজাটা গলে মিলিয়ে গেল বুলভারের অন্ধকার রাতে। আর তাদের পেছদ পেছদ ছুটল তৃতীয় একাট ছোট ছায়া, দেখতে কুকুরের মতো।

চাপা শব্দ তুললে বুলভারের গাছ। দরজা বন্ধ করে সর্বকর্মা চুল্লি জ্বালালে। তপ্ত আগুনে আলো হয়ে উঠল ঘর। চুল্লির মধ্যে মৃদুমৃদিয়ে পড়ছিল পাতা, ল্যাফিয়ে উঠছিল শিখা, আলো দপদপ করছিল দেয়ালে।

ঘুমিয়ে পড়ল পেনসিল।

আর চুল্লির সামনে বসে সর্বকর্মা বৃকভাঙা নিঃশ্বাস ফেললে:

‘বেচারি পেনসিল!’

অধ্যায় উনিশ

রাতের ডাকাত

কেন জানি সে রাতে শহরের আলো জ্বলে নি। একেবারে ঘুরঘুরি রাত। সর্বদাই এমন ঘুরঘুরি রাতে কিছদ না কিছদ ঘটে।

অনেক আগেই শূন্যে পড়েছে লোকেরা, একাট জানলাতেও আলো দেখা যায় না। ঘুমোবার সময় আলোর কী দরকার?

আর এই ঘুরঘুরি রাতটিতে রাস্তা দিয়ে ছুটিছিল কোথাকার কোন উটকো দুটো ক্ষুদে মানুষ আর কোথাকার কোন উটকো একটা কুকুর। কেবল ইতি-উতি চাইছিল তারা, বেছে নিচ্ছিল রাস্তার সবচেয়ে অন্ধকার দিকটা, সেখানিছল কালো অলিগলিতে।

‘ডঙ-ডঙ-ডঙ!’ ঘড়ি বাজল শহরের মিনারে।

‘ঘেউ-ঘেউ!..’ বললে কোথাকার কোন কুকুরটা।



‘হুস!’ কুকুরটাকে শাসালে কোমরে মস্তো বাঁকা ভোজ্জালি আর দুই পিস্তল ঝোলানো, চ্যাটালো পার্টিকলে দাড়িওয়ালা কোথাকার কোন লোকটা।

‘কো-কোথায় আ-আমরা ছু-ছুটিছি দাদা?’ জিজ্ঞেস করলে খুসর রেন-কোট পরা লোকটা। ছুটেতে আর সে পারছিল না, দম ফুরিয়ে গিয়েছিল।

‘নিশ্চয় পদলিস আমাদের পিছদ নিয়েছে,’ ভয়ঙ্কর ফিসফিসিয়ে বললে দেড়েল।

‘আমার মনে হচ্ছে কেউ পিছদ নেয় নি।’

রেন-কোট পরা লোকটা থেমে গেল। থামল দেড়েলও। চারিদিকে চেয়ে দেখলে তারা, কান পেতে শুনলে। কেউ কোথাও নেই।

‘আশ্চর্য!’ বিস্ময়ের অস্ফুট শব্দ করলে দেড়েল, ‘সত্যিই তো কেউ তাড়া করছে না। আমরা দস্যু আর কেউ আমাদের পিছদ নেয় নি! বইয়ে তো এমনটা হয় না!’

‘আমি দস্যু নই,’ আপত্তি করলে রেন-কোট পরা লোকটা, ‘সচ্চারিত গদুপ্তচর আমি। আমার নাম সিংধেল।’

‘ফুঃ!’ দুয়ো দিয়ে উঠল দেড়েল, ‘দস্যু আর গদুপ্তচর একই জিনিস। তুই শব্দ সাধারণ ডাকাত, আর আমি সাধারণ নই। আমি হলাম জলদস্যু! বোস্বেটে! ডাকসাইটে ক্যাপটেন টগবগ! সমুদ্রের বিভীষিকা!’

‘আপনার সঙ্গে চেনা হয়ে ভারি খুশি হলাম বোস্বেটে মশাই,’ বদরাগী সহচরের দিকে আড়চোখে চেয়ে বললে গদুপ্তচর সিংধেল।

ওদের আলাপটা কারো কানে গেলে সে ভাবত দু’টি একজন লোকই কথা কইছে। জলদস্যু আর গদুপ্তচরের গলার স্বর একই রকম। দু’জনেই ওরা কথা কইছিল ভেনিয়া কাশিকিনের মতো গলায়।

অবিশ্যি দু’জনের গলার স্বর অবিকল এক তা বলা যায় না। পাড়ার ছেলেগুলোর সঙ্গে কথা কইবার সময় ভেনিয়ার গলার স্বরটা যেমন শোনায়, জলদস্যুর গলা সেই রকম। আর সেই একই ভেনিয়া যখন কারো তোয়াজ করত অথবা মাকে বোঝাত যে মিষ্টিগুলো সে নয়, ইন্দুরে খেয়ে গেছে, তখন তার গলা যে রকম হয়ে উঠত, সেই রকম হল গদুপ্তচরের স্বর।

একই লোকের দু’রকম গলা তো হয়।

‘গর-র-র!’ গজরে উঠল ঝাঁকড়া কুকুরটা। আসলে ও বলতে চেয়েছিল: ‘আমার কথা তোমরা ভুলে যাচ্ছ।’

‘আরে, এই তো আমাদের বিশ্বস্ত খেঁকুরে কুকুর কেলে-ছোপ। চু-চু, আয় তো দেখি!’ ডাকলে জলদস্যু, ‘বাস, তৈরি হয়ে গেল আমার গোটা দঙ্গল, খুঁদরি, গোটা দল।

আমি নিজেকে ক্যাপটেন — সর্দার বলে ঘোষণা করছি। হুকুম দেব আমি। কারো আপত্তি আছে?’

বদ্বতেই পারছ, কে আর আপত্তি করবে।

‘তোফা!’ বললে জলদস্যু, ‘তোফা! যা আমি আগেই ভেবেছিলাম। এবার যাওয়া যাক কোথাও ডাকাতি করি। বড়ো একঘেষে লাগছে।’

‘ডাকাতি করে কী লাভ?’ ভয়ে ভয়ে জিজ্ঞেস করলে গদুপুচর সিঁধেল।

‘মাথায় তোর গোবর! ডাকাত ডাকাতি করছে না এ তুই কোথায় দেখেছিস? এঁয়া? বইয়ে সেসব ঘটে না!’

‘আর যদি আমরা মারা পড়ি?’

‘আমার ভয়-ডর নেই। আমি হলাম নির্ভীক। চলে আয় দোস্ত পেছ-পেছ। কদম ফ্যাল — এক-দুই, এক-দুই!’

ডাকাতিতে বেরদুল দস্যুরা।

অধ্যায় বিশ

গরম দুধের খোঁজে সর্বকর্মা

চুল্লির মধ্যে যতটা পারা যায় শুকনো পাতা গুঁজে চুপি চুপি রুগীর কাছে এল সর্বকর্মা।

ঘুমের মধ্যে ছটফট করছিল পেনসিল।

লোহার মান্দুর্ষটি ভাবলে, ‘ওর গরম দুধ খাওয়া দরকার, তাহলে সেরে যাবে। দুধ আঁকতে আমি পারি না। তাহলেও কিছু একটা উপায় করতে হয়।’

লেপটা ঠিক করে দিয়ে সে বাইরে বেরদুল খুবই দঃখী-দঃখী মদখে।

সকাল হয়ে আসছিল। রাত্রে গাছগুদুলোকে মনে হয় কালো, এখন তাদের দেখাচ্ছে কেমন ছেয়ে-ছেয়ে, নীলচে। প্রতি মদহতেই তা সবুজ হয়ে উঠছে। ঘরবাড়ির শার্সিগুদুলো হয়ে উঠছে ফিকে, ঝিকিঝিকি।

শহরের চকে গিয়ে দাঁড়াল সর্বকর্মা, জানে না কোন দিকে যাবে। এখনো কোনো উপায় ঠাওরাতে পারে নি সে।

চকে আর আশেপাশের রাস্তাগুলোয় টাটকা-সেংকা পাউরুটির গন্ধ উঠছে সকালের ঠাণ্ডা বাতাসে। আর তপ্ত রুটির সুবাস যে কী অপূরণ, তা কে না জানে!

চকের দূর কোণটায় দেখা গেল দুই নিশাচর দস্যুকে। সর্বকর্মা অবিশ্য তাদের দেখতে পায় নি, তারাও দেখে নি তাকে।

নিশ্চল হয়ে থেমে গেল ডাকাতেরা। জলদস্যু বাতাস গিললে নাক ভরে। গুপ্তচর বাতাস শুকলে।

‘উহ, কী ক্ষিদে পেয়েছে,’ ককিয়ে উঠল সে।

‘ক্ষিদে-চনমনে গন্ধ ছাড়া,’ বিড়বিড় করলে জলদস্যু আর পেট তার চিড়বিড় করে উঠল ক্ষিদেয়, ‘মনে হচ্ছে হাড়-কাটা সমেত ভাজা একটা হাঙর গোটা চিবিয়ে খাই। পেটে আগুন জ্বলছে!’

‘চঙ-চঙ-চঙ-চঙ!’ বেজে উঠল শহরের মিনার ঘড়ি। গাছগুলো হয়ে উঠল পুরো সবুজ। চালের ওপরে, নিচে, ঝুলবারান্দায় জেগে উঠল পায়রারা, ঝটপট করলে ডানা। ময়ূর-রঙা মেঘের মতো তারা নেমে এল চকে, ফলে চকটাও হয়ে উঠল ফিরোজা।

চকে এল মালগাড়ির মতো লম্বা একটা মোটর ভ্যান। এসে থেমে গেল। সে দিকে দৃষ্টিপথ করলে না পায়রাগুলো। সারা জায়গাটা জুড়ে রইল তারা, উড়ে যাবার লক্ষণও দেখালে না।

ভ্যানটা রেগে ফোঁসফোঁস করলে, গর্জন তুললে ইঞ্জিনে। পায়রারা কিছু গরবীর মতো রাস্তা জুড়ে পায়চারি করতে লাগল চাকার সামনেই, কোথাও যাবার চাড়া নেই তাদের। তখন বিরক্ত হয়ে কোবিন থেকে লাফিয়ে নামল শাদা স্মক পরা একটি লোক, হাত নেড়ে তাড়া দিতে লাগল:

‘হুস! হুস!’

অনিচ্ছায় উড়ে যেতে লাগল পায়রাগুলো। হাত নেড়ে তাড়া দিতে দিতে লোকটা চলল আগে। তার পেছ পেছ ধীরে ধীরে গোটা চকটা পাড়ি দিতে হল ভ্যানকে।

ভ্যান থামল মস্তো এক কনফেকশনারির সামনে। দিনে রাতে দরজা তার বন্ধ হয় না। রাতে দোকান ভরে ওঠে কেক, পিঠে, বিস্কুট, লজেন্স, চকোলেটে, আর দিনের বেলা সকাল থেকে সন্দের মধ্যে কেক, বিস্কুট, লজেন্স, চকোলেট উজাড় করে দিতে থাকে হাসিখুশি খন্দেররা।

মনমরা লোক, গোমড়া-মুখো খন্দের কেন জানি এ দোকানে কখনো ঢোকে না।



ভ্যানটা থেকে ভ্যানিলার পিঠে-পিঠে গন্ধ ছাড়ছিল। দোকানের লোকেরা বেরিয়ে এসে ভানের দরজা খুলে নানা রকম বাস্তু বয়ে নিয়ে যেতে লাগল ভেতরে।

দস্যু দৃজন সম্ভরণে গুঁড়ি মেরে আসতে লাগল মজুরদের দিকে। একজন আগে আগে, আরেকজন পেছিয়ে, যেন গুঁড়ি মেরে আসাটা তার পক্ষে কঠিন হচ্ছে। সঙ্গে বেড়াল-গমনে কেলে-ছোপ।

‘তুই ওকে বল: “হ্যান্ডস্ আপ!”’ ফিসফিস করে বললে প্রথম দস্যু, ‘আমি এখানে দাঁড়িয়ে থাকব। যেই ওরা তোকে দেখে ভয়ে থ’ মেরে যাবে, অর্মান আমি লাফিয়ে এসে লুটপাট শূন্য করব। নে, এগো।’

‘আমি প্-পারব না। আমি যে রোগা-পটকা,’ মিনতি করলে দ্বিতীয় দস্যু, ‘আমার হৃদয়কিতে কানই দেবে না। তুই বরং গিয়ে বল: “হ্যান্ডস্ আপ!” আমি থাকব এখানে।’

‘আগে তুই!’ হিসিয়ে উঠল প্রথম জন।

‘আমি প্-পরে!’ কাঁদো কাঁদো গলায় বললে দ্বিতীয়।

‘কাজে ব্যাঘাত করো না ছেলেরা,’ দস্যুদের দেখে বললে মজুর। দস্যুদের নিশ্চয় চিনতে পারে নি সে, ‘ব্যাঘাত করো না। এ সময় তোমাদের ঘূমানোর কথা। যাও তো, চটপট বাড়ি!’

‘হ্যান্ডস্ আপ!’ মজুরের দিকে লাফিয়ে এসে ঘোর গলায় গর্জন করে উঠল প্রথম দস্যু।

‘তোমায় যে হাত তুলতে বলা হচ্ছে, কানে যাচ্ছে না!’ পাশের বাড়ির কোণের আড়াল থেকে চিঁচিঁ করে উঠল দ্বিতীয় ডাকু।

‘তোমাদের সঙ্গে খেলবার সময় নেই গো ছেলেরা,’ হেসে উঠল মজুর, ওদের দিকে তাকালেও না।

ভ্যান থেকে সে বার করলে সুগন্ধি লজেন্সের বাস্তু।

‘হ্যান্ডস্ আপ!!’ গর্জে উঠল প্রথম দস্যু।

‘গর্-র-র-র!’ থেঁকিয়ে উঠল কেলে-ছোপ।

মজুর যেই ঘাড় ফিঁরিয়ে দেখতে গেল, অর্মান তার বাস্তুর সঙ্গে আচমকা ধাক্কা লেগে গেল দস্যুর।

ছিটকে সে পড়ল গিয়ে একেবারে দূরে, ঝাঁটার মতো দাড়ি তার ঝাঁট দিয়ে গেল রাস্তা।

অবাক হয়ে চারিদিকে তাকিয়ে দেখলে মজুর, কেউ কোথাও নেই।

বেচারী ডাকাত কাছের বাড়িটাও পেরিয়ে গিয়ে বসেছিল রাস্তার ওপর। দ্বিতীয় ডাকু আর ঝাঁকড়া কুকুরটা কেমন করে যেন গিয়ে সের্পিয়েছিল ডাস্টবিনে, দাঁত কোলিয়ে ঠকঠকিয়ে কেঁপে উঠকি দিচ্ছিল তার ভেতর থেকে।

মজদুর বাস্কাটা দোকানে জমা দিয়ে পরের বাস্কা নেবার জন্যে ফিরে আসতেই গাড়ির সামনে দেখতে পেল সর্বকর্মাকে।

‘তুই চিৎকার করছিলি বন্ধি?’ জিজ্ঞেস করলে মজদুর।

‘না, আমি তো চ্যাঁচাই নি। দিন, আপনার বাস্কা বইতে সাহায্য করি,’ একেবারে সাবালকদের মতোই বললে সর্বকর্মা।

হাসল মজদুর:

‘ধন্যবাদ রে থোকা। এই নে তার জন্যে একটা পদ্রস্কার — লজেন্স। তোকে ছাড়াই আমি পারব। এ বাস্কা তোর পক্ষে ভারিই হবে।’

অধ্যায় একুশ

স্ট্যাফিক-আইন না মানা পায়রা

অত ভোরে কেন ছোট্ট মনমরা সর্বকর্মা রাস্তায় ঘুরে বেড়াচ্ছে সেটা মজদুর জানত না। জানত না যে অসদৃশ্চ পেনসিলের জন্যে একটা লজেন্সে চলবে না। দরকার গরম দুধ আর টাটকা রুটি। মজদুরকে সে কথা বলতে চেয়েছিল সে, কিন্তু সেই সময়েই চকে নানা দিক থেকে এসে পেঁপঁছিল মালগাড়ির মতো দেখতে নানা রঙের যত ভ্যান। কোবিন থেকে স্মক পরা লোকেরা বিরক্ত হয়ে নেমে হাত নেড়ে পায়রা তাড়াতে লাগল।

‘হুস-হুস-হুস!’ তাড়া দিতে লাগল তারা।

পায়রার ঝাঁকটা উড়ছিল চকের ওপর, ফিরে আসছিল, কেউ হাত নাড়া থামালেই এসে নামছিল রাস্তার ওপর, বন্ধ করে দিচ্ছিল পথ।

‘আমি রুটিওয়ালা,’ বললে একজন লোক, ‘রুটি পেঁপঁছে দিই দোকানে-দোকানে। শীগগিরই দোকান খুলবে। লোকে আসবে রুটি কিনতে, অথচ টাটকা রুটি তখনো গিয়ে পেঁপঁ হবে না।’

‘আমি দুধ বয়ে দিই,’ বললে আরেকজন, ‘শীগিরই খোকা-খুকিরা জেগে উঠবে, কিন্তু দুধ পাবে না, মিষ্টি পরিজ্ঞ রেখে দিতে পারবে না মায়েরা। দোকানে-দোকানে দুধ যে আমি পেঁপেছে দিতে পারব না সময়মতো।’

‘আমার কাজ মাছ পেঁপেছনো,’ নালিশ করলে আরেকজন, ‘পায়রা তাড়বার জন্যে রাস্তায় আমার রোজ বিস্তর সময় যায়। সেইজন্যেই দোকানে সব সময় জ্যান্ত রুই-কাতলা মেলে না।’

‘আমি সসেজওয়ালা, সসেজ পেঁপেছই,’ ফ্যাসফেসে ভাঙা গলায় বললে চার নম্বর, ‘অনবরত “হুস-হুস” করে চ্যাঁচানোর ফলে আমার গলা ব্যথা করছে। হাত নেড়ে পায়রা তাড়াতে তাড়াতে হয়রান হয়ে পড়েছি। কোনো ভয়-ডর নেই পায়রাগুলোর, কারো কথা শোনে না। এমন কি ট্র্যাফিক-পুলিসকেও পরোয়া করে না। কেয়ার করে না ট্র্যাফিক-সিগন্যাল।’

‘এভাবে আর কাজ করা যায় না,’ কলরব করে উঠল বাকি সবাই, ‘কিছু একটা উপায় করতে হয়। এ নিয়ে লেখালেখি হচ্ছে কাগজে! মাথা ঘামাচ্ছে বিজ্ঞানীরা, কিন্তু কোনো হিল্পে হচ্ছে না। কী হবে তাহলে?’

‘বাজে কথা!’ বলে উঠল সর্বকর্মা, ‘আমি উপায় ঠাওরেছি।’

‘কে লোকটা? কে হে?’ সঙ্গে সঙ্গেই কলরব করে উঠল সবাই।

‘বোধ হয় কোনো উদ্ভাবক বৈজ্ঞানিক,’ বললে রুটিওয়ালা, ‘অনেক আগেই আমার চোখে পড়েছিল। ঠায় দাঁড়িয়ে দাঁড়িয়ে কেবল কী যেন ভাবছে।’

‘উপায় আমি বার করেছি,’ বললে সর্বকর্মা, ‘তোমাদের “হুস-হুস” করে চেঁচাতেও হবে না, হাতও নাড়তে হবে না। আমরা কেবল দাও তার, কাঠের ডাঙা, করাত, হাতুড়ি, স্কু-ড্রাইভার, ইস্ক্রুপ, সাঁড়াশি আর যত ন্যাতাকানি। কী করতে হবে তোমাদের দেখিয়ে দিচ্ছি।’

‘কাঠ-কুট আমি দিচ্ছি,’ বললে ছুতোর, ‘নাও-না কত চাই। নিজেই আমি তোমার সাহায্য করব।’

‘যন্ত্রপাতি আমি দিচ্ছি,’ বললে তালা-মিস্ত্রি, ‘আমাকেও তোমার ষোগাড়ে করে নাও।’

‘আমি দিচ্ছি তার-টার যা লাগবে,’ বললে ফিটার।

‘ন্যাতাকানি নাও আমার কাছ থেকে,’ বললে তাঁতী।

‘আমরাও কাঁধ লাগাব,’ বাকি সবাইরা বললে স্মক খুলে।



পরের দিন খবরের কাগজে বেরিয়েছিল:

অসাধারণ উদ্ভাবন!

বহুদিন ধরে ড্রাইভার আর ট্র্যাফিক-পুলিসেরা যার প্রতীক্ষায় ছিল, অজানা এক প্রতিভাবান ডিজাইনার সেটি কাল বানিয়ে দিয়েছেন। পায়রা চাপা দেবার আশঙ্কা ছাড়াই এখন যে কোনো লোক শহরে গাড়ি চালাতে পারবেন। সমস্ত গাড়িতেই লাগানো হবে তাড়না-পাখসাট, এটা হল উদ্ভাবনটার নাম, সারা শহরে যাতে সাড়া পড়ে গেছে। জিনিসটা আর কিছই নয়, গাড়ির সম্মুখে লাগানো একটা লাঠি। তার ডগায় ন্যাভাকার্নি বাঁধা। গাড়ির সামনের স্ক্রীনে জল মোছার জন্যে যে দুটো ব্রাশ কাজ করে, তাদের সঙ্গে লাঠিটা তার দিয়ে সংযুক্ত। ইঞ্জিন চালালে তারে টান পড়বে কখনো বাঁয়ে কখনো ডাইনে, ফলে ন্যাভাকার্নিগুলোও এদিক ওদিক লটপট করে পায়রা তাড়িয়ে দেবে। উদ্ভাবনটা আশ্চর্য রকমের সহজ!..

দুঃখের বিষয় হৈচৈর মধ্যে উদ্ভাবকের নামটা কেউ জেনে রাখে নি। এ ভ্রান্তি অমার্জনীয়!

কিন্তু এ হল পরের দিন যা লেখা হয়েছিল খবরের কাগজে। আর এদিন কিন্তু এ গাড়ি থেকে ও গাড়িতে ছুটিছিল সর্বকর্মী, এটা দেখিয়ে দিচ্ছিল, ওটায় প্যাঁচ কষাছিল, বেঁধে দিচ্ছিল কিছ, পরামর্শ দিচ্ছিল নানা রকমের। ঠিক আধ-ঘণ্টার মধ্যে শেষ হয়ে গেল কাজ। সবাই ধন্যবাদ দিলে তাকে, করমর্দন করলে, নিমন্ত্রণে ডাকলে বাসায়।

গরম রুটি এনে দিলে রুটিওয়ালা।

‘এটা আপনার জন্যে,’ হাসিমুখে বললে সে।

দুধওয়ালা দিলে বড়ো দুই ক্যানিস্ট্রা দুধ, হলদে রঙের মাখন, এক বয়াম টক ক্রীম। মাছওয়ালা দিলে মাছ, সসেজওয়ালা সসেজ।

‘এটা আমার উপহার,’ ভাঙা গলায় বললে সে, ‘অসাধারণ এক ওস্তাদ আপনি।’

ফলওয়ালা ফল দিলে। কনফেকশানার দিলে লজেন্স কেক। মিস্ত্রি দিলে সব মাল বইবার ঠেলাগাড়ি। প্রত্যেককেই ধন্যবাদ দিলে সর্বকর্মী। শুধু আইসক্রীম সে কিছতেই নিতে চাইলে না। একটু আহতই হয়েছিল আইসক্রীমওয়ালা।

‘দেখলি তো,’ বললে জলদস্যু, জিভে জল এসে গিয়েছিল তার, ‘অমন একটা মরকুটের জন্যে কী খানা-দানা! ভাগ্য বটে! আর আমাদের কপালে লবডঙ্কা!’

‘রুটির একটু চটাও যদি দিত!’ করুণ কাঁদুনি গাইলে সিঁথেল।

সবার অলক্ষ্যে এমন কি জলদস্যুরও অগোচরে কয়েকটা বনরুটি সে আগেই মেরে দিয়ে লুকিয়ে ফেলেছিল রেন-কোটের নিচে। এখন কাঁদুনি গাইলে শুধু এমনি, লোক দেখানোর জন্যে, কাউকে যাতে রুটির ভাগ দিতে না হয়। গরম-গরম রুটি, গায়ে ছুঁকা লাগাছিল, তাহলেও গদুপুচর সিঁথেল সহ্য করে গেল।

তাড়না-পাখসাট বসিয়ে গাড়িগুলো অবাধে চলে গেল দিগ্বিদিকে। সবচেয়ে শেষে গেল রুটিওয়ালা। অনেকক্ষণ ধরে সে তার শাদা স্মকটা খোঁজাখুঁজি করলে, পেল না। সেটাও মেরে দিয়েছিল সিঁথেল। তালা-মিস্ত্রির স্কু-ড্রাইভারটাও হাতালে সে। বলা যায় না দরকারে লেগে যেতে পারে।

হয়তো ওই ওর স্বভাব। ঢিল, পুরনো পেরেক, ইস্কুপ, কিড়ি, বোতাম, তার, পেতলের টুকরো — অনেক ছেলেই তো এই ধরনের যতরাজ্যের আজো আজো জিনিসে পকেট বোঝাই করে।

অধ্যায় বাইশ

ভয়াবহ ঘটনার শুরুর

ঠেলাগাড়িতে সমস্ত উপহার চাপিয়ে ধীরে ধীরে বাড়ি ফিরছিল সর্বকর্মা।

গাড়িটা ভারি কম ছিল না। ঠেলাছিল সে, টানছিল, পায়ে ভর দিয়ে চাপ দিচ্ছিল, ফোঁসফোঁস করছিল, পোঁটা ঝরাচ্ছিল, তবেই খানিকটা করে এগুচ্ছিল গাড়িটা।

‘হতছাড়া!’ গর্জন করলে ক্যাপটেন টগবগ, ‘চলে যাচ্ছে ও, অথচ লুট করা যাচ্ছে না। ইমানদার নিভীক দস্যুরা দিনের বেলায় লুটপাট করে না কখনো। কেতাবে তেমন দেখা যায় নি।’

সর্বকর্মার দিকে তাকিয়ে ছিল সিঁথেল, অবিশ্বাস্য এক মতলব কিলবিল করে উঠল তার ছোট মাথায়। ফ্যাকাসে হয়ে উঠল সে।

‘মাথায় আমার একটা মতলব খেলেছে। একটা মতলব!..’ ফিসফিসিয়ে কথাটা বলে সে তাকাতে লাগল চারিদিকে।

‘কী সেটা?’ জলদস্যুরও জিজ্ঞেস করলে ফিসফিসিয়ে, ‘জলাদি বলে ফ্যাল।’

‘পেনসিলকে আমাদের পাকড়াও করা দরকার, তারপর...’ আশেপাশে চাইলে গদুপুচর, ‘তারপর জোর করে ওকে দিয়ে আমাদের যা ইচ্ছে আঁকিয়ে নিতে হবে।

তাড়না-পাথসাত আবিষ্কার করারও দরকার হবে না, গাড়িও ঠেলতে হবে না। কিছই করব না আমরা। অথচ সব আমাদের থাকবে। সবই একে দেবে পেনসিল। সবকিছই।

‘হুঁররে!’ চেঁচিয়ে উঠেই ক্যাপটেন টগবগ সঙ্গে সঙ্গেই দহাতে মধু চাপা দিলে নিজের।

‘হুঁররে!’ এবার ফিসফিসেয়ে বললে জলদস্যু, ‘ওকে দিয়ে আমি জাহাজ আঁকিয়ে নেব। জাহাজ নইলে আবার জলদস্যু কী! আমার জাহাজে থাকবে বাঘা বাঘা কামান। মহাসাগরে পাড়ি জমাব। জাহাজের খোলে থাকবে নোনা মাংস, মানে, নামটা তার এখন স্মোকড-সসেজ, আর থাকবে দুধের পিপে, থুঁরি — মদের পিপে। তারপর! তারপর!..’ উল্লাসে ক্যাপটেনের দম আটকে এল, ‘তারপর সে আঁকবে অন্যসব জাহাজ, আমি সেগুলো লুট করব। চমৎকার! লাগাও আগুন! ডুবিয়ে দাও! ও আঁকবে একের পর এক জাহাজ। একের পর এক লুট করে যাব আমি!’

‘গর্-র-র-র!’ খেঁকিয়ে উঠল খেঁকুরে কুকুর। ও বলতে চেয়েছিল: ‘আর আমি ওকে দিয়ে মাংসের টুকরো আঁকিয়ে নেব। একের পর এক, একের পর এক।’

‘আমার পরে তুই-ই সবচেয়ে ডাকসাইটে ডাকাত!’ বলে গদুপ্তচরকে দোস্তির কোলাকুলিতে ঠেসে ধরল ক্যাপটেন টগবগ।

গরম পাঁউরুটি লেপটে গেল সিঁধেলের গায়ের সঙ্গে।

‘উহ্!’ ককিয়ে উঠল সে।

পাঁউরুটি খসে পড়ল রাস্তায়। সঙ্গে সঙ্গেই তার একটাকে গিলে ফেললে কেল-ছোপ।

‘বটে!’ দোস্তের সক্রদুণ মধুর দিকে চেয়ে তর্জন করলে জলদস্যু, ‘লুটকিয়ে রাখা হয়েছে! আমার কাছ থেকে!’ পিস্তল বার করে সে দোস্তের লম্বা নাকের ওপর ধরল, ‘ফের যদি তুই কখনো আমার সঙ্গে চালাকি মারিস, খুন করব। এবার মাপ করে দিচ্ছি। কিন্তু তোকে যেতে হবে ওই ক্ষুদ্রে নিষ্কর্মগদুলোর বাড়িতে, কী করে পেনসিলকে লোপটি করা যায় তার সলুদক-সন্ধান জেনে আসবি।’

‘ভয় লাগছে। আমি যে রোগা-পটকা!’ ঘ্যানঘ্যান করলে গদুপ্তচর।

‘কোনো ওজর চলবে না।’ হুঁকার দিলে সর্দার, ‘লোহার ওই সঙ সর্বকর্মটা তার গাড়ি ঠেলে ঘরে পেঁছবার আগেই ছুটে যা!’

শিক্ষিত ডাক্তার

ডাক্তার য্যাঁচ্ছিল নীল ঠাণ্ডা বদলভারের ঝোপের আড়ালে ঢাকা ছোট্ট বাড়িটার দিকে। কে তাকে ডেকেছে, পেনসিলের রোগের কথা কে তাকে বলেছে, সেটা আমরা জানি না।

ডাক্তারের গায়ে শাদা স্মক। সে স্মক থেকে ওষুধের নয়, কেন জানি রুটির গন্ধ বের হচ্ছে। রুটি দিয়েই সে রোগীর চিকিৎসা করে হয়তো?

ডাঙারের নাকটা খুবই লম্বা আর ফ্যাকাসে, মৃদুখানা মনমরা। কেবলি চারিপাশে তাকাচ্ছিল সে, কান পেতে শুনছিল। ঝোপের মধ্যে সের্ধিয়ে সে এদিক ওদিক চেয়ে দেখলে। পা টিপে টিপে দরজার কাছে এসে আবার চেয়ে দেখলে আশেপাশে। চক্কর দিলে বাড়িটা, উঁকি দিলে জানলায়, তারপর ঢুকল ভেতরে।

অঘোরে ঘুমচ্ছিল পেনসিল।

‘হি-হি!’ আনন্দে হাত ঘসলে ডাক্তার, ‘বাছাখন তাহলে এইখানেই। তোর লক্ষ্যবাজ্জি আসার আগেই — হি-হি, সারিয়ে তুলব তোকে। নিয়ে যাব, হা-হা-হা, খোলা হাওয়ায়, হি-হি, গদুম করে দেব...’

ডাক্তারের খুঁশি আর ধরে না। তুলতুলে তোয়ালেটা দিয়ে সে কষে মদ্য বাঁধলে ঘৃমস্ত পেনসিলের। তারপর চটপট বাঁধন দিলে হাতে পায়ে।

খাট থেকে ডাক্তার টেনে তুলছিল রোগীকে। কিন্তু এই সময় দরজা খুলে ভেতরে ঢুকল সর্বকর্মা। একজন পথচারী তার ঠেলাগাড়িটা পেপেছে দিয়েছিল বুলভার পর্যন্ত। তাই এত তাড়াতাড়ি আসতে পেরেছে সে।

আচমকা তাকে দেখে আড়ষ্ট হয়ে গেল ডাক্তার।

‘কে আপনি?’ অবাক হয়ে জিজ্ঞেস করলে সর্বকর্মা।

‘আমি সি-সি-সি শ্রী ডাক্তার,’ তোতলাতে লাগল ডাক্তার, চেয়ে দেখতে লাগল কেমন করে সরে পড়া যায়, ‘আমি সত্যিকারের শিক্ষিত ডাক্তার।’

‘কিন্তু পেনসিলের খবর আপনি পেলেন কী করে?’

‘আ-আ-আ-মরা সব খবর পাই।’

‘কিন্তু কী করছেন ওকে নিয়ে?’

‘বোকা ছেলে!’ সাহস হল ডাক্তারের, ‘আমি ওর চিকিৎসা করছি।’

‘আমি তা একটু দেখতে পারি?’

‘কোনো ক্রমেই নয়!’ একেবারেই ভয় কেটে গেছে ডাক্তারের, ‘যা ছেলে, বরং একটু থেল গে বাইরে! আমি তোকে হি-হি-হি... পরে ডাকব...’

‘আমি কোনো ব্যাঘাত করব না, শুধু চুপাটি করে বসে থাকব।’

‘বেআক্কেলে নীরেট লোহার মগজ!’ হিসিয়ে উঠল ডাক্তার।

‘কিস্তু ওকে বেখেছেন কেন?’ জিজ্ঞেস করল সর্বকর্মা।

‘একেবারে হাঁদা,’ চটে উঠল ডাক্তার, ‘রোগীর পক্ষে কথা বলা, নড়া-চড়া করা যে বারণ। তা জানিস না? অমন বোকার মতো বকবক করে আমায় বাধা দিবি না বলছি। বরং ছুটে যা ডাক্তারখানায়, ওষুধ নিয়ে আয়। নইলে আমাদের বেচারি, আমাদের আদরের ষাদুর্মণি পেনসিল-ভাইটি মারা যাবে, যে-কেক তুই এনেছিস, তা আর কখনোই ওর মৃত্যু উঠবে না।’

সর্বকর্মার সমস্ত স্প্রীঙগুলো শিউরে উঠলে।

‘কী ওষুধ লাগবে চট করে বলুন, আমি গিয়ে দোকান থেকে নিয়ে আসি।’

‘হুম্...’ বললে ডাক্তার, ‘নিয়ে আসবি... ইয়ে... নিয়ে আসবি “বদ্রামদ্রাদ্রাপির” ওষুধ। বুরোছিস!’

সর্বকর্মা ভাবলে, ‘এমন খটমট নাম যখন, তখন নিশ্চয় খুব মোক্ষম ওষুধ। কেবল শিক্ষিত ডাক্তারেরই এ সব ওষুধের খবর রাখে।’

‘বদ্রামদ্রাদ্রাপির,’ রাস্তায় লাফিয়ে লাফিয়ে যেতে যেতে নামটা আওড়াচ্ছিল সে।

মোড় ঘুরতেই তার ধাক্কা লাগল পাটল-দাড়ি এক অচেনা লোকের সঙ্গে, কুর্তীর সবকটা বোতাম তার বন্ধ।

টাটকা রুটি গিলিছিল দেড়েল। বললে:

‘হতচ্ছাড়া! কী আস্পর্শ তোর, হুমড়ি খেয়ে পারিস সাধু সজ্জনের ঘাড়ে?’

‘মাপ করবেন, হঠাৎ হয়ে গেছে...’

সর্বকর্মার মনে হল দেড়েল যেন চোখ মটকালে তার দিকে। ভাবলে, কোথায় যেন ওকে দেখেছি, আর ভাবতে গিয়েই ওষুধের নামটা তার মন থেকে একেবারেই উড়ে গেল।

‘যাঃ,’ বললে সে, ‘মনে পড়ছে না! ওষুধের নামটা ভুলে গেলাম যে!.. কুরা... নদ্রা...’ মনে করার চেষ্টা করল সর্বকর্মা, ‘আপনি জানেন না ওষুধের নামটা?’ জিজ্ঞেস করলে সে দেড়েলকে।

‘ওষুধ আবার কীসের?’ মৃদু টিপে হাসল দেড়েল, ‘বড়ো আমার দায় পড়েছে তোর বেজন্মা ওষুধের নাম জানতে।’

ফিরে বাড়ি মদুখো ছুটল সর্বকর্মা। ভাবছ বদ্বি ফন্দিটা ও টের পেয়ে গেছে? মোটেই না। ও শব্দ ভাবলে গিয়ে ডাক্তারের কাছ থেকে ওষুধের নামটা আবার জেনে নেবে।

‘আরে দাঁড়া, দাঁড়া!’ সচকিত হয়ে উঠল দেড়েল, ‘কিসের ওষুধ বললি?’

সর্বকর্মা কিন্তু ছুটতেই থাকল, ফিরেও চাইলে না।

‘বলছি দাঁড়া! বাড়ি যাস নে! দাঁড়া বলছি। আমি তোকে ধাঁধার উত্তর বলে দেব। দাঁড়া! গল্প বলব! গা-ছমছম করা গল্প!..’ সর্বকর্মা কে থামাবার জন্যে আকুলি-বিকুলি করে উঠল দেড়েল।

আচমকা হুইসল বেজে উঠল জোরে। দেড়েলের পথ আটকে কড়া গলায় ট্র্যাফিক-পুলিস বললে:

‘রাস্তা চলার নিয়ম ভাঙছেন মশায়। এখান দিয়ে রাস্তা পার হওয়া বারণ।’

‘আমি নতুন লোক!’ সর্বকর্মার কানে এল, দেড়েল বলছে, ‘আর করব না, মাইরি বলছি, আর এমন হবে না!’

দরজার অলিন্দ পর্যন্ত ছুটে গিয়ে সর্বকর্মা দরজা খুললে প্রায় নিঃশব্দে। কেননা ওষুধের নামটা ভুলে গেছে বলে তার ভারি সঙ্কোচ হচ্ছিল। ইতস্তত করছিল ডাক্তারকে শব্দধাতে।

ডাক্তার কিন্তু ওকে লক্ষ করে নি। হাত-পা বাঁধা পেনসিলকে ঘাড়ে চাপাবার চেষ্টায় রেগে ফোঁস ফোঁস করছিল সে।

ব্যাপারটা সবই এবার বদ্বলে সর্বকর্মা। প্রচণ্ড চিৎকার করে সে চুল্লির শিকটা নিয়ে বসিয়ে দিলে শিক্ষিত ডাক্তারের মাথায়।

আতর্নাদ করে উঠল ডাক্তার। পেনসিলকে ফেলে রেখে সে কী তার ভোঁ-দোঁড়!.. চারটে ট্রলিবাস, দুটো মোটর সাইকেল, ছটা সাইকেল, একটা মোটরগাড়ি আর চারটে ট্রাক — সব কটাকে ছাড়িয়ে এগিয়ে গেল সে।

‘দেখালে একথান! দেখালে!’ বলাবলি করলে ছেলোপিলেরা, ‘ওহ্, দেখিয়ে দিলে!..’

ডাক্তারকে দৌড়তে দেখে দেড়েল লোকটা কেন বললে, ‘গেছি এবার!’ বোঝা গেল না। এবং সেও দৌড়তে লাগল ডাক্তারের পেছদ পেছদ। তার পাল্লা সে ধরতে পারল কেবল শহর শেষ হবার পর।

এই সময় সর্বকর্মার মনে পড়ে গেল দেড়েল লোকটা আর ডাক্তারের চেহারাটা সে কোথায় দেখেছিল।

দেখেছিল ভেনিয়া কাশকিনের আঁকা ছবিতে।

অধ্যায় চব্বিশ

প্রত্যেকের খোঁজে

বন্ধুকে বাঁচানোর পর সর্বকর্মা তার বাঁধন খুলতে যাবে, এমন সময় চোখে পড়ল পেনসিল প্রথমে এক চোখ মেলছে, তারপর দ্বিতীয় চোখ, তারপর চোখ পিট পিট করে যেন বলতে চাইছে: ‘আমায় বেঁধে রেখেছিস কেন?’

‘চুপ করে থাকবি,’ হাত তুলে শাসাল সর্বকর্মা, ‘কথা বলা তোর বারণ। যদি কথা দিস যে কথা বলবি না, তাহলে বাঁধন খুলে দেব।’

‘ম-ম-ম...’ বললে পেনসিল।

মানে বলতে চেয়েছিল: ‘কথা দিচ্ছি, কথা বলব না।’

সর্বকর্মা তার বাঁধন খুলে দিলে, চুল্লি ধরিয়ে দূধ ফোটাতে কেটলিতে, কাপে তা ঢেলে জোর করে পেনসিলকে খাওয়ালে প্রথমে এক কাপ, তারপর আরেক কাপ — মোট তিন কাপ দূধ!

‘নে, এবার বল তো, “আ-আ-আ”।’

‘আ-আ-আ!’

‘বল, “উ-উ-উ”।’

‘উ-উ-উ।’

‘বল, “ও-ও-ও”।’

‘বল, “এ-এ-এ”।’

‘এ-এ-এ!’ বলে সর্বকর্মাকে জিভ দেখালে পেনসিল, ‘অ্যা-অ্যা-অ্যা! ধুত্তোরি ছাই! আমার আর অসদৃশ-টসদৃশ নেই। একেবারে সদৃশ। স্বপ্ন পর্যন্ত দেখেছি, যেন তুই আমি এরোপ্লেনে উড়ছি, তারপর ভেঙে চুরমার। ওহ, কী মজা...’

‘তোর অসদৃশ লাগছে না আর?’

‘একেবারে না!’

বিছানা থেকে বন্ধুকে টেনে নামাল সর্বকর্মা। ঘরের মধ্যে লাফাতে লাগল তারা, নাচ জুড়লে আনন্দে।

বহাল তবিলতেই থাকি,

ডাক্তারে দরকারটা কী!

তারপর দীয়াতাং ভুজ্যাতাং ভোজ, টুকরো-টাকরাগুলো ছুড়ে দিলে পাখীদের দিকে।



‘খোকন কোথায়?’ জিজ্ঞেস করলে পেনসিল, ‘তুই বদ্বি ওকে ছেলেপিলেদের সঙ্গে খেলতে যেতে দিয়েছিস? ডেকে ওকে খাওয়ানো যাক!’

মন ভার হয়ে গেল সর্বকর্মা। হাসি থেমে গেল। সক্রুণে রিন-রিন করে উঠল তার স্প্রীঙ।

ভারি অবাক হয়ে গেল পেনসিল।

‘অসুখ করেছে তোর?’

‘না, না, শরীর ভালো আছে। শুধু মনটা খারাপ।’

বলে লোহার মানদুটি পেনসিলকে শোনাল সেই দঃখের কাহিনী: প্রদিতক এখন কিশোর টেকনিশিয়ান।

উঠে দাঁড়াল যাদুকের পটুয়া।

‘প্রদিতককে ঝুঁজে পেতেই হবে। ঠগ হয়ে ওঠা ওর কিছুতেই চলবে না। চল সর্বকর্মা, যাই!’

অধ্যায় পঁচিশ

দস্যদের অস্থ লাভ

জলদস্যু ক্যাপটেন টগবগ ডাক্তারের স্মকের ঝুঁটটা চেপে ধরতে পারল একেবারে শহরের শেষ সীমানায়, আর তখনি কেবল ডাক্তারের উদ্দাম ছুটুটা থামল। কপালে ডাক্তারের দিব্যি একখান ফুলো কালসিটে। স্মকটা ঝুলে সে শিক্ষিত ডাক্তার হওয়া ছাড়লে। ফালি ফালি করে সেটাকে ছিঁড়ে সে মাথায় বাঁধলে ব্যাণ্ডেজের মতো। তাতে অন্তত কপালের ওই লজ্জাকর ফোলাটা কারো চোখে পড়বে না।

‘বীরপদ্রুধ,’ টিটকারি দিলে জলদস্যু, ‘কোথাকার কোন হরিদাস পাল, তার সঙ্গেও পেরে উঠল না!’

‘লোহার ওই সঙটার সঙ্গে লেগে দ্যাখ না। মারতে আসবে!’

‘বড়ো বললি! মারপিটে আমিও দড়ি। দেব এমন এক ঘা চালিয়ে!’

‘জানি, জানি কেমন তোর সাহস,’ গজ গজ করলে গদুপুচর।

‘কী? কী বললি?’ ভুরু কৌঁচকালে জলদস্যু।

‘বলছি যে আপনার সাহস সবার বাড়ি... উহু, এমন লাগছে! হতচ্ছাড়া লোহার চ্যাঙড়া!’ ককিয়ে উঠল গদুপুচর সিঁধেল।

‘নে, মন খারাপ করিস নে,’ দোস্তের পিঠ চাপড়ালে জলদস্যু, ‘ওদের আমরা ধরবই। পচা হাঙরের দিব্যি! আমাদের হাত ছাড়িয়ে পেনসিল মেনসিলকে পালাতে হচ্ছে না।’

‘ছোঁড়াটার ইস্ফুপ খুলে নেব আমি! স্প্রীঙ ছিঁড়ে নেব! পা দিয়ে খ্যাঁতলাব! কেটে টুকরো টুকরো করব। আমি! আমি... উহ্, বড্ডো টাটাচ্ছে!’

‘এগো!’ হুকুম দিলে ক্যাপটেন টগবগ, ‘আটকাতে হবে! ধরতে হবে! ইস্ফুপ খুলে নিতে হবে! কেলে-ছোপ, কুস্তা-জান, পথ দেখা আমাদের! হাত নিশাপিশ করছে — এই গুলোকে...’

কাদের মারবার জন্যে হাত নিশাপিশ করছে সেটা আর জলদস্যুর বলা হল না। চোখে পড়ল ছোট্ট একটা পার্কের রেলিঙে বাঁধা ভারি মিষ্টি দুটি ছোটো ছোটো ঘোড়া। নিশিচেষ্টে তাজা সবুজ ঘাস খাচ্ছিল ঘোড়াদুটো। একটার রঙ পার্টিকলে, তাতে শাদা শাদা ছোপ, অন্যটা শাদা, তাতে পার্টিকলে দাগ।

‘ওঠো ঘোড়ায়!’ ক্যাপটেন টগবগ হুকুম দিলে ভেনিয়া কাশিকিনের গলায়, ‘ঘোড়ায়!’

লাফিয়ে ঘোড়ায় চেপে রওনা দিলে দস্যুরা।

অধ্যায় ছাব্বিশ

নিরুপায় পেনসিল আর সর্বকর্মা

যদি তোমরা জানতে চাও চাঁদে যাবার টিকিট বিক্রি হয় কোথায়, ছেলোপিলেদের জন্যে রকেটে জায়গা বুক করা যায় কোন খানে, অথবা যদি জানতে চাও কার জোর বেশি, হাতির না তিমি মাছের? — তাহলে চলে যাও জিজ্ঞাসা-বদ্যরোতে। শহরের প্রতি রাস্তায় একটি করে কাঁচের ঘেরাটোপ বৃথ আছে, প্রকাণ্ড লণ্ঠনের মতো তা দেখতে। একেই বলে জিজ্ঞাসা-বদ্যরো।



তকতকে চকের এমনি এক লণ্ঠনে বসে বই পড়ছিল একাটি তরুণী। কেন জানি কেউ তাকে আজ জিজ্ঞাসা করে নি কোথায় চাঁদে যাবার টিকিট মিলবে, তাই তরুণীটি অষ্ট-আশি পাতা এর মধ্যেই পড়ে ফেলে পরের পাতাটা ওলটালে। ঠিক উননষট্টি পাতাটির সময়েই লণ্ঠনের জানলায় দেখা গেল পেনসিলের নাক আর সর্বকর্মীর চাঁদি।

‘আচ্ছা, খোকন প্রত্নত্মাকে কোথায় পাওয়া যাবে, বলুন-না। ও হয়েছে কিশোর টেকনিশিয়ান।’

‘মুশকিল,’ নিশ্বাস ফেললে মেয়েটি, ‘আমাদের শহরে কিশোর টেকনিশিয়ান আছে সাত চল্লিশ হাজার দশ পঁচাত্তর জন। এ ছেলেরটির বয়স কত?’

‘ওর?... দাঁড়ান...’

‘ঠাট্টা জুড়েছ!’ হেসে উঠল মেয়েটি, ‘ঠাট্টার জবাব আমি দিই না।’

মেয়েটি ভাবলে: ভারি মজার ছেলে তো! আচ্ছা কে ওরা? মেয়েটির ইচ্ছে হয়েছিল জিজ্ঞেস করে ওরা কে, কিন্তু করলে না।

কেননা চক দিয়ে যাচ্ছিল শাদা-পাটকিলে ঘোড়ায় দুজন অসুস্থ সওয়ার। একজন বেশ মানানসই দেড়েল জোয়ান, অন্যজন কাঠির মতো টিঙ-টিঙে, লম্বা তার নাক, ঘাড় কলার তুলে দেওয়া। ঘোড়ার দিকে চাইলে মেয়েটি। এদের সে দেখেছে কেবল সিনেমায়।

চারিদিক দেখতে দেখতে সওয়াররা গিয়ে পেঁপঁছিল চিড়িয়াখানার ফটকের কাছে, ঘোড়া থেকে লাফিয়ে নেমে তারা ঝাঁকড়া কালো কুকুরের পেছা পেছা ছুটল ফুটপাথ দিয়ে। কুকুর তাদের নিয়ে গেল যেখানে দাঁড়িয়ে ছিল পেনসিল আর সর্বকর্মী।

কাঠ-বাদাম রাস্তা থেকে চকে ছুটে এল ট্র্যাফিক-পুলিসের ফুঙ্ক লাল মোটর সাইকেলটা। ঘোড়াদুটোর কাছে এসে তা থেমে গেল।

‘ফের সেই ঘোড়াদুটো!’ কড়া গলায় বললে ট্র্যাফিক-পুলিস, ‘কোথায় ঘোড়ার মালিক?’

কিন্তু ক্যাপটেন টগবগ আর গদুপ্তর সিঁথেল এ সময়ে লুকিয়ে লুকিয়ে পেনসিল আর সর্বকর্মীর পেছা নিয়েছিল। ওরা কিন্তু তাদের অনুসরক বা ঘোড়া বা ট্র্যাফিক-পুলিস কাউকেই লক্ষ করে নি। দাঁড়িয়ে ছিল ওরা খেলনা দোকানের মতো এক শো-কেসের সামনে। আর অমন অপরূপ জানলার সামনে দাঁড়িয়ে থাকলে অন্য দিকে কোনো মন থাকে কখনো!

অধ্যায় সাতাশ

কাঁচের শো-কেস, মস্ত-পড়া লোহা, ছেয়ে নেকড়ে আর লাল হুড়

শো-কেসের আয়নার মতো ঝকঝকে প্রকাণ্ড কাঁচটার ওপাশে মুখ হাঁ করে বসেছিল পদ্মতুল ছেয়ে নেকড়ে। কুটিল চোখে সে চেয়েছিল পদ্মতুল লাল হুড় খুঁকিটির দিকে। লাল হুড়ের এক হাতে ছোট্ট একটি ঝুড়ি, অন্য হাতে ডেইজি ফুলের তোড়া। নেকড়ে আর লাল হুড়ের গল্পে যা ঘটে, সেভাবে সে নেকড়েকে জিজ্ঞেস করতে চাইছিল: ‘কেন রে নেকড়ে তোর অমন বড়ো বড়ো দাঁত?’ চাইছিল কিন্তু পারলে না। কেননা ও যে পদ্মতুল লাল হুড়!

নেকড়েরও ইচ্ছে ছিল জবাব দেবে: ‘দাঁত আমার, লাল হুড়, অত বড়ো বড়ো তোকে খাব বলে!’ কিন্তু কিছুই বলতে পারল না নেকড়ে। পদ্মতুল তো।

মন-মাতানো বাজনা বাজছিল। খুলে গেল দোকানের দরজা, গোটা চক ফাটিয়ে মাইকে ঘোষণা হল:

—কিশোর টেকনিশিয়ানরা, চলে এসো আমাদের দোকানে। আগে আমরা শুদ্ধ খেলনা বেচতাম, এখন এ দোকানে নানা রকম কাজের জিনিসও কেনা যাবে। হাতুড়ি, করাত, পেরেক, ইস্কুপ, চাকা, কাঠ, তক্তা। হাজার খানেক নানা রকমের গাড়ি, কলের জাহাজ, পাল-তোলা নৌকো, এরোপ্লেন, হেলিকপ্টার বানাবার জন্যে দু’হাজার নানা রকমের জিনিসপত্র।

‘শুনলি?’ বললে সর্বকর্মা, ‘কিশোর টেকনিশিয়ানদের ডাকছে। তার মানে আমাদের প্রতীকও আসবে।’

‘ঠিক বলেছিস,’ বললে পেনসিল।

ছুটে ঢুকল ওরা দোকানের প্রকাণ্ড দুর্যোর দিয়ে, খেয়ালও করলে না যে তাদের পেছদ পেছদ ছুটে আসছে দুই গোমড়া মুখ হিংস্র ডাকাত।

হাত ধরাধরি করে পেনসিল আর সর্বকর্মা দোকানের নানান তলা ঢুঁড়ে বেড়াল প্রতীকের খোঁজে।

‘কখন যে ও আসবে?’ দীর্ঘশ্বাস ফেললে লোহার মানুষটি।

ডাকাতরাও ঢুকে পড়ল খন্দেরদের মধ্যে, আড়াল নিলে কখনো থামের পেছনে লুকিয়ে, কখনো স্ল্যাটকেস হাতে খুঁড়োর চওড়া পিঠের আড়ালে, কখনো ব্যাগ হাতে গিমির স্কাটের আবডালে।

‘আমাদের হাত ছেড়ে পালাতে হচ্ছে না,’ সাপের মতো হিসিয়ে বললে সিঁধেল।

‘ফাঁদে পড়েছে বাছাধন!’ জলদস্যুর খুঁশি আর ধরে না।

সর্বকর্মা আর পেনসিলের ওপর ভালো করে নজর রাখার জন্যে জলদস্যু ঢুকতে গেল সেই বড়ো টেবিলটার তলে, যেখানে কিশোর টেকনিশিয়ানদের হরেক রকম জিনিস ছিল। তার মধ্যে ঘোড়ার নালের মতো দেখতে কী একটা লোহা হঠাৎ টেবিল থেকে লাফিয়ে উঠে প্রচণ্ড ঘা মেরে সেপ্টে গেল জলদস্যুর গায়ে।

‘মারছে রে!’

‘কে মারছে?’ জিজ্ঞেস করলে সিংধেল।

‘এই হতভাগা লোহাটা!’ ক্ষেপে উঠে জলদস্যু গা থেকে লোহাটা খসিয়ে ছুড়ে ফেললে মেঝেয়।

লোহা কিন্তু পড়ে রইল না। ফের লাফিয়ে উঠে ঘা মারলে জলদস্যুর পেটে।

‘লক্ষ্মীছাড়া!’ খেঁকিয়ে উঠল জলদস্যু, ‘মন্ত্র-পড়া লোহা!’

‘ইস্, কী ভয় পাইয়ে দিয়েছিলেন,’ বললে সিংধেল, ‘ভাবনা নেই, ওটা সাধারণ লোহা নয় — চুম্বক। আপনার ভোজালিতে গিয়ে আটকে যাচ্ছে।’

চুম্বকটা নিয়ে গদুপুচর অলক্ষ্যে পকেটে পদুরলে।

‘কাজে লেগে যেতে পারে!..’

দস্যুরা যখন চুম্বকের সঙ্গে যুদ্ধ করছিল, সর্বকর্মা আর পেনসিল তখন দোকানী মেয়েটিকে জিজ্ঞেস করলে:

‘মাপ করবেন, আমরা প্রদ্রিতককে খুঁজছি। দেখেন নি ওকে? ও হল কিশোর টেকনিশিয়ান।’

‘কী বানায় সে?’

‘ও জাহাজ ভালোবাসে।’

‘জাহাজ? তাহলে প্রশান্ত উপকূলে চলে যান। ছেলেরা সেখানে খেলনা জাহাজ চালিয়ে দেখে। আমার মনে হচ্ছে আপনার প্রদ্রিতক নিশ্চয় সেইখানে। প্রথমে বাঁয়ে ঘুরবেন, তারপর ডাইনে...’

পেনসিল আর সর্বকর্মা দরজা দিয়ে বেরুতে যাবে, এমন সময় ফের চোখে পড়ে গেল দস্যুদের।

‘আরে, ওই যে ওরা! ছোট!’ হাঁক দিলে জলদস্যু।

অবিশ্যি সে হাঁক কারো কানে গেল না, দোকানটায় এমনিতেই যে খুব গোলমাল।

অধ্যায় আটশ

হৃদয় মজা

খন্দেরদের ধাক্কাধাক্কি করে ডাকুরা পেনসিল আর সর্বকর্মার পাল্লা ধরবার জন্যে ছুটল। কিন্তু দোকানের ভেতর কারো পাল্লা ধরার চেষ্টা করে দ্যাখো না। চতুর্দিকে ভিড়। সবারই তাড়া, সবাই যাচ্ছে এদিক ওদিক।

কোন একটা দরজা দিয়ে রাস্তায় বেরিয়ে এল ডাকুরা। কিন্তু দেখা গেল জায়গাটা মোটেই রাস্তা নয়। সামনে তাদের লাল হুড পড়তুল। ছেয়ে নেকড়ে কুটিল চোখে তাদের দিকে চেয়ে দাঁত বার করলে।

‘আরে এটা শো-কেস। শো-কেসে ঢুকে পড়েছি। শীগগির বেরোও!’

কিন্তু ওরা ভেতরে ঢোকামাত্রই জলদস্যুর কাঁধে লেগে ছোট্ট দরজাটা ঝপাং করে বন্ধ হয়ে গিয়েছিল।

‘আমরা বন্দী হয়ে পড়েছি,’ চেঁচিয়ে উঠল জলদস্যু, ‘হতচ্ছাড়া এ কাঁচ আমি গুঁড়িয়ে দেব।’

‘দাঁড়ান ক্যাপটেন,’ রাস্তার দিকে দেখিয়ে ফিসফিসিয়ে বললে সিংধেল, ‘ওরা আসছে। আমাদের দেখে ফেলতে পারে! আন্তে! গোলমাল করবেন না!’

পেনসিল আর সর্বকর্মা এগিয়ে আসাছিল শো-উইনডোর দিকেই। প্রশান্ত উপকূলে যাবার পথটা ঠিক এর সামনে দিয়েই।

আতঙ্কে ডাকাতেরা ছোট্টাছুটি লাগালে ভেতরে, খোঁজাখুঁজি করলে কোথায় লুকোয়। কিন্তু লুকোবার জায়গা নেই। কাঁচের ভেতর দিয়ে সবই দেখা যায়।

‘হাজতে যাবার সাধ নেই আমার! যাব না হাজতে!’ চ্যাঁচালে জলদস্যু, ‘আর কখনো করব না!’

জানলার ভেতরে ছোট্টাছুটি করার সময় গুপ্তচর হঠাৎ ধাক্কা খেল লাল হুডের সঙ্গে, টাল সামলাতে না পেরে লাথি মেরে বসল তাকে। বেচারি লাল হুড পড়ে গেল মেঝেয়, ছিটিয়ে পড়ল তার ডেইজি ফুলগুলো।

‘পোড়ারমুখী, কোথাকার!’ চটে উঠল সিংধেল, তারপর হঠাৎ লাফিয়ে উঠল আনন্দে, ‘মনে হচ্ছে একটা উপায় পেয়ে গেছি!’

পড়তুলটার বিশ্ববিখ্যাত সেই লাল হুড, অ্যাপ্রন, ফ্রক, বুড়ি, মাফলার সব খুলে নিয়ে সে মদহর্তের মধ্যে পরে নিলে নিজেকে। শব্দ বলমলে মেয়েলী মাফলারটা ছুড়ে দিলে জলদস্যুর দিকে।



‘এই দিয়ে আপনার দাঁড়টা ঢেকে ফেলুন ক্যাপটেন। আপনি হবেন গম্পটার সেই শিকারী। আর আমি, হি-হি, আমি হব লাল হুড...’

ক্যাপটেন টগবগ তার পার্টিকলে দাঁড় ঢেকে ফেললে মাফলার দিয়ে, কেউ তাকে এখন সনাক্ত করতে পারবে না। তারপর তার প্রকাণ্ড পিস্তলটা তুলে নেকড়ে দিকে তাক করে নিশ্চল হয়ে রইল, যেন সে একটা পুতুল।

‘আরে দেখুন, দেখুন,’ শো-উইনডোর সামনে থেমে গিয়ে বলাবলি করলে পথচারীরা, ‘শিকারী পুতুল। আগে ওটা ছিল না। নতুন এনেছে। আচ্ছা, কত দাম হবে ওটার? কী তেজী শিকারী! একেবারে সত্যিকারের মতো। ছেয়ে নেকড়ে, সাবধান!’

পেনসিল আর সর্বকর্মাও জানলার কাঁচে নাক ঠেকিয়ে দাঁড়িয়ে না পড়ে পারল না।

‘কী বিকট চেহারার লাল হুড!’ অবাক হল পেনসিল, ‘ছোট খুঁকি লাল হুডের নাক এমন লম্বা কেন?’

‘খুঁকি মাত্রই ভারি কৌতূহলী হয় তো,’ বললে সর্বকর্মা, ‘তাই নাক ওর লম্বা হয়ে উঠেছে।’

‘আরে দ্যাখ, দ্যাখ! লাল হুডের মাথায় দেখছি একটা ব্যান্ডজ।’

‘ছেয়ে নেকড়ে বোধ হয় কামড়ে দিয়েছিল।’

‘দেখোছিস, শিকারীর কেমন রাগী-রাগী চেহারা, পিস্তলটাও কী প্রকাণ্ড।’

‘নেকড়ে শিকারের জন্যে যে দরকার মস্তো বড়ো পিস্তল।’

এই সব কথা বলাবলি করলে পেনসিল আর সর্বকর্মা। লাল হুড ওঁদিকে চোখের পলকও না ফেলে চেয়ে রইল কৌতূহলী বন্ধুদুটির দিকে, লাল হয়ে উঠেছিল সে মনের আক্রোশে।

‘বিদেয় হও ভো ব্যাটারা!’ মনে মনে ভাবাছিল লাল হুড, ‘ক্ষুদে বিচ্ছু সব, সরে পড়ো না চটপট! হাত আমার অবশ হয়ে এসেছে, খিল ধরেছে পায়ে।’

এই সময় একটা মাছি, সাধারণ একটা মাছি উড়ছিল লাল হুডের নাকের কাছে।

‘ভন-ভন-ভন-ভন...’ গান ধরেছিল মাছিটা।

রাগের জ্বালায় প্রায় কান্না এসে গেল লাল হুডের।

‘ভন্-ন্-ন্-প্’ গান গেয়ে মাছিটি বসলে লাল হুডের লম্বা ঘর্মাক্ত নাকে।

লাল হুড এবার আর পারলে না, নাক কঁচকে এমন এক হাঁচি হাঁচলে যে মাছিটা বো করে ছিটকে গিয়ে পড়ল একেবারে শিকারীর চোখে। বেচারি শিকারী পা দাঁপিয়ে চেঁচিয়ে উঠল গাঁক গাঁক করে।

‘এ কী কাণ্ড!’ অবাক হয়ে বললে পেনসিল।
‘বটে!’ বলে খিলখিলিয়ে হেসে উঠল সর্বকর্মা।
‘নমস্কার, ডাক্তার মহাশয়। আপনার মহাশয় ফোলাটি কেমন আছে?’
লাল হুড়ু এবার দাঁত কড়মড় করলে সত্যিকারের ছেয়ে নেকড়ের মতো, হুর্মাক
দিলে ঘুঁসি তুলে, লাফালাফি করতে লাগল ভেতরে। ভারি হাসির ব্যাপার!
‘হা-হা-হা!’ হেসে উঠল পেনসিল আর সর্বকর্মা।
‘হতচ্ছাড়া সব!’ খেঁকিয়ে উঠল শিকারী।
‘হো-হো-হো!’ হাসতে লাগল সর্বকর্মা। ভেঙিচি কেটে কাঁচকলা দেখিয়ে সে
আরো ক্ষাপাতে লাগল তাকে।
ডাকাতরা তখন রাগে অন্ধ হয়ে কাঁচের কথা ভুলে গিয়েই তেড়ে গেল তার দিকে।
‘দম!’
অ-শব্দ কপালে শব্দ কাঁচের ধাক্কা খেয়ে মেঝের ওপর লুটিয়ে পড়ল ডাকাতদুটো।
‘ওহ্, হো-হো-হো! হা-হা-হা!’ পথচারীদের হাসি আর ধরে না।
‘চললাম! সুখে থাকো এখানে!’ বললে পেনসিল।
‘আসি তাহলে!..’ ডাকাতদের উদ্দেশে হাত নাড়লে সর্বকর্মা।

অধ্যায় ঊনত্রিশ

সত্যিকারের আশ্চর্য এক জাহাজ

চওড়া নীল নদীর প্রশান্ত উপকূলে ছুটে গেল আমাদের দুই বন্ধু।
পতাকা-নিশানে সাজানো এক মস্তো বাহারে নৌকো ভাসছিল ঠিক নদীর
মাঝখানটিতে, ঠিক তার ওপর দিয়েই গেছে রামধনু সাঁকোটা। বাতাসে ফুরফুর করছে
ঝলমলে পতাকাগুলো, ঝুমঝুমি বাঁধা তাতে, মৃদু ঠুনঠুন শব্দ হচ্ছে।
নৌকোয় বসেছিল কলকণ্ঠ এক পাল ছেলে, হাত নাড়াছিল তারা, নদীর এপার-
ওপার ভরে তুলছিল কলরবে।
‘আমায় ওইটে দিন, ওই যে লাল চিমনি!’
‘আমি নেব ওই শাদা স্টিমারটা। ওইটেই সবচেয়ে জোরে চলে!’
‘আমায় ওই দুই চিমনিওয়ালা কালোটা...’
নারিবকের মতো দেখতে গোঁপওয়ালা একজন বয়স্ক লোক ডান্ডায় বাঁধা সাধারণ



জাল দিয়ে ছেঁকে তুলছিল এক একটা কলের জাহাজ, জল ঝেড়ে ছেলেদের হাতে দিচ্ছিল যার যেটা পছন্দ। গোটা নদীটাই ছেয়ে গেছে কলের জাহাজে। নানান দিকে ছুটছে সেগুনো, ঢেউয়ে দুলছে, ভেঁ দিচ্ছে, ধোঁয়া ছাড়ছে চিমনি দিয়ে।

রামধনু সাঁকো আর নদীতীর থেকে আরো সব ছেলোঁপলে অধীর হয়ে তাকিয়ে ছিল নৌকোটার দিকে।

‘এবার আমাদের পালা! এবার আমরা বাছব!’ চেঁচামেচি করছিল তারা, ‘আমাদের নিতে কখন যে আসবে নৌকোটা?’

কিন্তু এদের মধ্যে প্রতীককে পাওয়া গেল না। হয়তো নৌকোয় আছে। কিন্তু নৌকোটা এত দূরে যে তীর থেকে ভালো দেখা যায় না।

‘প্রতীয়া-য়া-য়া!’ সমস্বরে চ্যাঁচাল পেনসিল আর সর্বকর্মা।

কোনো জবাব এল না। কেউ তাদের খেয়ালও করলে না। সবাই তাকিয়ে আছে নৌকোটার দিকে। রঙীন বিজ্ঞাপন ঝুলছে তাতে:

ভাসমান দোকান

কলের জাহাজ বিক্রয় হয়

‘শোন পেনসিল,’ প্রস্তাব দিলে সর্বকর্মা, ‘তুই একটা জাহাজ আঁক। প্রতীক যদি নৌকোয় থাকে, তাহলে জাহাজটা ওর চোখে পড়বে, অর্নি তীরে আসতে চাইবে।’

‘ঠিক বলেছিস,’ বললে পেনসিল, ‘তাই করা যাক। তবে আঁকব কোথায়? জাহাজ রাখতে হবে জলে, আর জলের ওপর তো আঁকা যায় না। একটা উপায় ঠাণ্ডা।’

‘ঠাওরেছি। প্রথমে একটা দাঁড়ি আঁক। পাড়ের ওপর আমি থাকব, দাঁড়ি বেঁধে তোকে নিচে জলের কাছে নামিয়ে দেব। তুই আঁকবি সোজা পাড়ের গায়ে। যুদ্ধ জাহাজ আঁকিস। কামান থাকা চাই। সব ছেলেই কেন জানি কামানের খুব ভক্ত...’

দাঁড়ি আঁকলে ক্ষুদ্রে পটুয়া, সর্বকর্মা তা বাঁধলে পেনসিলের কোমরে, পেনসিলও নদীতীরের প্যারাপেট ডিঙিয়ে নেমে গেল নিচে।

সর্বকর্মা রইল পাড়ে।

পেনসিল যে আঁকছিল সেটা কেউ দেখতে পায় নি। কিন্তু নদীর জলে যেই দেখা গেল এক আশ্চর্য সুন্দর পাল-তোলা জাহাজ, অর্নি তীরের নৌকোর সাঁকোর

ওপরকার সমস্ত ছেলেপিলে একবাক্যে বিস্ময়ের ধ্বনি দিয়ে উঠল, নৌকোটোও পাড়ি দিলে তীরের দিকে।

‘আরে দ্যাখ, দ্যাখ! জাহাজ!’

‘কার জাহাজ? কার?’

‘আমি জানি। নিশ্চয় এখানে সিনেমা তোলা হবে।’

‘কিসের সিনেমা?’

‘নারিকদের নিয়ে!’

‘সত্যি?’

‘নিশ্চয়!’

‘হ্যাঁ, একেই না বলে জাহাজ!’

জাহাজটা দেখার জন্যে তাড়া পড়ে গেল সবার মধ্যে।

ঠিক নদীর পারেই নতুন এক উঁচু বাড়ি তুলিছিল মজদুরেরা। তার ওপর থেকে সর্বাক্ষুই ভালো দেখা যায়।

‘দ্যাখো, দ্যাখো,’ বললে মজদুরেরা, ‘সত্যিকারের পাল-তোলা জাহাজ বানিয়েছে কোন এক ওস্তাদ। নিশ্চয় বাচ্চাদের জন্যে। বাহবা দিতে হয়।’

জাহাজের ‘পালগদুলো’ নামানো। লোহার শেকলে বাঁধা নোঙর জলে ফেলা। সত্যিকারের পেতলের কামানগদুলো ঝকঝক করছে রোদ্দুরে। আর জাহাজের গলদুইয়ের ওপর সোনার হরফে লেখা আছে:

‘প্রতীক’

বাহারে নৌকোটো এসে ভিড়ল জেটিতে। ব্যাঙের মতো চটপট লাফিয়ে নেমেই ছেলেগদুলো ছুটে গেল আজব জাহাজ দেখতে।

কিন্তু প্রতীককে তাদের মধ্যে পাওয়া গেল না।

নারিকের মতো দেখতে মোচওয়ালা লোকটা একলা পড়ে রইল তার নৌকোয়। অনেকক্ষণ ভেবেচিন্তে সে হতাশে হাত নেড়ে মানুষলের গায়ে টাঙিয়ে দিলে একটা ছোট্ট ফলক:

দোকান বন্ধ

‘হোঃ, জাহাজ দেখল সব আদেখলে! জাহাজ, সে দেখেছি আমরা। যে কালো পানি পাড়ি দিয়েছি তার কাছে এই নদী!’ তীরে উঠতে উঠতে বিড়বিড় করছিল সে।

‘আচ্ছা, প্রদীপ্তকে দেখেন নি আপনি?’ জিজ্ঞেস করলে পেনসিল।

‘তা অমদক তমদক কোন জাহাজে কাজ করে তোমাদের প্রদীপ্ত সেটা বলো?’
সিগারেটে টান দিয়ে জলদ গলায় জিজ্ঞেস করলে সে।

‘সে কি, চাকরি করেছে নাকি?’ ভ্যাভাচ্যাকা খেলে পেনসিল, ‘ও যে কিশোর টেকনিশিয়ান...’

‘আহ্, কিশোর টেকনিশিয়ান? তাহলে সবই পরিষ্কার যেন একেবারে কুয়াশা।
রোজ আমি হাজার দুয়েক করে কিশোর টেকনিশিয়ান দেখি, তাদের প্রতি তিনজনেই
নিশ্চয় একজন প্রদীপ্ত।’

‘এ্যা?’ কিছুই বদ্বতে না পেরে জিজ্ঞেস করলে পেনসিল।

‘যাক গে ভায়ারা, ঠাট্টা করছিলাম। তোমাদের প্রদীপ্তকে যদি ধরতে চাও, তাহলে
কাল যেও বাসন্তী সন্নিহিত। ঠিক দুপুরে শব্দ হবে কিশোর টেকনিশিয়ানদের প্যারেড।
কেন প্যারেড, সেটা নিজেরাই তোমরা কাল দেখবে। তোমাদের প্রদীপ্ত যদি কিশোর
টেকনিশিয়ান হয়, তাহলে নিশ্চয় সেখানে থাকবে।’

‘ধন্যবাদ,’ বললে দু’বন্ধু, যদিও খুব খুশির মেজাজে নয়, ‘কিন্তু বাসন্তী সন্নিহিত
কোথায় তা যে আমরা জানি না।’

‘দেখেই বোঝা যায় এখানকার লোক নও। বেশ, তাহলে তোমাদের সব বন্ধুকে
বলা যাবে। তোমাদের আপত্তি না থাকলে চলো আগে যাওয়া যাক জাহাজী ক্যান্টিনে,
কিছু খাওয়া যাক। খিদে পেয়েছে।’

নদীর তীরেই ছোটো একটা কাফেতে সে নিয়ে গেল তাদের।

আর নদীর তীর ধরে লোকে যাচ্ছিল অদেখা ওই জাহাজটাকে দেখতে।

ছেলেপিলেরা স্রেফ রেলিঙ ধরে ঝুলাছিল।

তীর থেকে কাঠের হালকা মই-পাটাতন পাতা যেত জাহাজটা পর্যন্ত। অমন
টলমলে পাটাতন বেয়ে যেতে পারে অবিশ্য কেবল অভিজ্ঞ নাবিকেরাই।

কিন্তু ছেলের দলে অভিজ্ঞ নাবিক যে কেউ ছিল না।

অধ্যায় তিরিশ

ফের দুই ছোট ঘোড়া

ছোট ঘোড়াদুটো আগের মতোই দাঁড়িয়ে ছিল চিড়িয়াখানার ফটকের কাছে।

পার্টিকলে লেজ নাড়াছিল তারা সখেদে, তাকাচ্ছিল কৌতূহলী পথচারীদের দিকে, কিন্তু কোনো কথাই বলছিল না। কৌতূহলী পথচারীরা কিন্তু ঘোড়া দেখে দিবা কথা বলছিল।

‘কার ঘোড়া?’ জিজ্ঞেস করছিল ট্র্যাফিক-পদলিস।

‘নিশ্চয় বুনো ঘোড়া,’ বললে কে একজন।

আর চিড়িয়াখানার ভেতর থেকে ছুটে এল চশমা-পরা লালচে-গাল এক লোক।

‘কই, কোথায় ঘোড়া? দেখান তো। পথ দিন কমরেড, আমি চিড়িয়াখানার ম্যানেজার।’

‘দেখছেন তো। উনি ম্যানেজার! আর জন্তুগুলো ছুটে আসছে। দিবা ঘুরে বেড়াচ্ছে রাস্তায়।’

‘জন্তু কোথায় মশায়? এ তো ঘোড়া। বাহ্, কী সুন্দর ঘোড়া! এ জাতের ঘোড়া সহজে মেলে না। খুব কম মেলে... আহা বেচারি খিদেয় মরছে।’

‘যাচ্ছেতাই ব্যাপার!’ বললে কে একজন, ‘ঘোড়াগুলো খিদেয় মরছে, আর উনি ম্যানেজার খেতাব নিয়ে বসে আছেন! উনি ম্যানেজার, ঘোড়াগুলো ওদিকে অনাহারী!’

‘খবরের কাগজে লেখা দরকার। অর্মানি ছেড়ে দেওয়া চলবে না।’ ঘোড়ার জন্যে টাটকা নরম রুটি এগিয়ে দিয়ে মন্তব্য করলে একজন পথচারী।

আর দ্বিতীয় আরেকজন পথচারী অন্য ঘোড়াটার গলায় ঝুলিয়ে দিলে রুটি ভরা পুরো একটা থলে।

‘ঘোড়াদুটোকে আমি নিচ্ছি,’ সোজা সাপটা জানিয়ে দিলে ম্যানেজার, ‘এ ঘোড়া কেউ দেখতে চাইলে চিড়িয়াখানায় আসবেন। বাচ্চা ছেলেরা ওর পিঠে চেপে বেড়াবে বিনা পয়সায়!’

কাঁচের বাস্কের মতো গুমোট শো-উইনডো থেকে ডাকাতদের চোখে পড়ল ঘোড়া চলে যাচ্ছে চিড়িয়াখানায়।

‘এ যে ডাকাত!’ চোঁচিয়ে উঠল জলদস্যু, ‘আমাদের ঘোড়া! আমাদের নিজস্ব!’

গাল পাড়তে শূরু করল সে, কিন্তু কারো কানে তা গেল না।

কেলে-ছোপ ছাড়া ডাকাতদের দিকে আর কেউ তখন তাকাচ্ছিল না। শো-উইনডোর কাছে ধৈর্য ধরে বসে ছিল সে, মাঝে মাঝে ঘেউ-ঘেউ করছিল পথচারীদের উদ্দেশে।

শো-উইনডোর দরজার কী একটা গোঁ-গোঁ করে উঠল, খট করে উঠল তালা, দরজা খুলে হাতে ভ্যাকুয়াম ক্লিনার নিয়ে ভেতরে ঢুকল জমাদারনবী।

‘মা গো! এখানে তোরা ঢুকলি কেমন করে? সব একেবারে ল’ডভ’ড করে রেখেছে। এক্ষুনি পদলিস ডাকাছ।’

‘ইচ্ছে করে নয়, হঠাৎ হয়ে গেছে!’ করুণ কণ্ঠে বললে ডাকাতরা, ‘আর কখনো করব না!’

‘আর তুই ছুঁড়ি, লজ্জা হওয়া উচিত! তেমন ছোটোটি তো আর নস,’ খুঁকির পোষাক-পরা গুপ্তচরকে বললে জমাদারনবী।

‘ভাঁ-না-না’ কেঁদে উঠল সিংধেল।

‘কাঁদিস না বাপু। ছেলোপিলেদের কান্না আমি একেবারে সহিতেই পারি না। নে পালা, আর যেন না হয়। মা হয়তো তোর পথ চেয়ে বসে আছে।’

দোকান থেকে লার্মিয়ে বেরল ডাকাতরা। জোরে ডেকে উঠল কেলে-ছোপ স্তম্ভিত জমাদারনবীকে কাঁচকলা দেখালে গুপ্তচর এবং সবাই পিটটান দিলে।

পেনসিল আর সর্বকর্মার গন্ধ শব্দকে শব্দকে কেলে-ছোপ ডাকাতদের নিয়ে এল প্রশান্ত উপকূলে।

অধ্যায় একত্রিশ

‘ভাইনে স্টিয়ারিং!’ ‘বাঁয়ে স্টিয়ারিং!’

জাহাজ! ‘প্রদীপক’ নাম লেখা জাহাজটা দেখে উল্লসিত হয়ে উঠল জলদস্যু, সত্যিকারের জাহাজ! কার জাহাজ? দখল করতে হবে! মারো লাফ! চলো হামলায়! আমার পেছদ পেছদ! হুঁররে!..’ বললে বটে, তবে কেন জানি নিজেই নড়বার কোনো লক্ষণ দেখালে না।

কত ভিড় চারিদিকে! কত ছেলোপিলে! জনকয়েক পাহারাওয়ালাও দেখা গেল।

শব্দ প্রভুভক্ত কেলে-ছোপ ছুটে যাবার জন্যে টান দিলে তার শেকলে। শেকলটা ছিল খুঁকির ছস্মবেশে সিংধেলের হাতে।



‘বুঝতে পেরেছি,’ বললে সিঁধেল, ‘এ জাহাজ একেছে ওই পাজি পেনসিলটা। এখন ওখানে কেউ নেই। কী করে ওঠা যায় ওখানে?’

‘দ্যাখ, দ্যাখ, ওই যাচ্ছে জাহাজের ক্যাপটেন!’ ডোরাকাটা গেঞ্জি-পরা জলদস্যুকে দেখে চের্ণচয়ে উঠল ছেলোপিলেরা।

‘হ্যাঁ-হ্যাঁ, আমিই ক্যাপটেন! আমিই ক্যাপটেন,’ খুঁশি হয়ে উঠল জলদস্যু, ‘নাও, এবার পথ ছাড়ো! ক্যাপটেন এসেছি!’

সিঁড়ি বেয়ে দস্যুরা ছুটে উঠল জাহাজে।

‘হুঁররে!’ হাঁকরে উঠল জলদস্যু, ‘জাহাজ! আমার জাহাজ! হুঁররে! হিররে কারাম্বে!’ দুর্বোধ্য কয়েকটা ডাক ছাড়লে সে।

সত্যিকারের জলদস্যুরা সবাই জাহাজে দুর্বোধ্য কিছু আওয়াজ করে, নইলে সে আবার কিসের জলদস্যু!

‘বাঁয়ে ঘোরাও! ডাইনে ঘোরাও!’ চের্ণচয়ে উঠল জলদস্যু, ‘কারাম্বে! হিররে! ক্যাস্টর-অয়েল!.. ডান স্টিয়ারিং, বাঁ স্টিয়ারিং!’

‘বাঁ স্টিয়ারিং-ও!’ সায় দিলে উল্লসিত ছেলেগুলো।

‘হুঁররে!’ ধুনি দিলে জলদস্যু।

‘হুঁররররে!’ সাড়া দিলে চারিপাশের ছেলেরা, ‘বাঁয়ে হাল! পুরাদমে সামনে!’

‘আরে হুকুম দিচ্ছে কে?’ টনক নড়ল জলদস্যুর। ছেলোপিলেদের দিকে তাকিয়ে দেখে সে হাত নেড়ে তাদের চলে যেতে বললে, ‘হটে যাও সবাই, চলে যাও, দেখবার কিছু নেই!’

‘সত্যিই তো,’ বললে পাহারাওয়ালারা, ‘কাজ করছে ওরা ব্যাঘাত ঘটাবেন না।’

বড়োরা চলে গেল যে যার কাজে। আর মা-বাপেরা ছুটে এসে নিয়ে গেল তাদের ছেলোপিলেদের।

‘খুঁকিকে উঠতে দিয়েছে অথচ আমাদের নিচ্ছে না,’ খুঁকির ছদ্মবেশে গুপ্তচরের দিকে আঙুল দেখিয়ে কলরব করলে ছেলেরা।

নদীতীরে যখন ফাঁকা হয়ে গেল, জলদস্যুরা তখন গলুয়ের ওপর তুলে দিলে তাদের হাড়-আঁকা বোস্বেটে পতাকা।

পতাকাটা সব দস্যুরই প্রিয়। কেলে-ছোপেরও ভালো লেগে গেল শাদা হাড়গুলো।

অধ্যায় বত্রিশ

পশ্চাদনুসরণ

জাহাজের কেবিনে জলদস্যুরা বসলে সামরিক বৈঠকে।

‘পেনসিল ব্যাটাকে না ধরা পর্যন্ত আমরা মহাসাগরে পাড়ি দিতে পারি না।’

‘লোহার সঙ সর্বকর্মীর ঘাড় না মূচড়ে আমি কোথাও যাচ্ছি না।’

‘ধরতে হবে!’

‘পাকড়াতে হবে! ইস্ফুপ খুলে নিতে হবে!’

এই সব আলাপ চলছিল দস্যুদের।

‘শোন সিংখেল,’ বললে জলদস্যু, ‘তুই নামকরা গদুপুচর। তুই ওদের পেছনে টিকিটিকি লেগে থাকবি। তুই কেলে-ছোপ শব্দকে বার করবি। আর আমি পাকড়াও করব। লুট করব বন্দী করে!’

কেলে-ছোপকে নিয়ে দস্যুরা নামল তীরে।

রাস্তা শব্দকে শব্দকে কেলে-ছোপ ছুটল আগে। তারপর ডাস্টবিনের কাছে থেমে এক জায়গায় ঘুরপাক খেতে লাগল।

‘বোঝা যাচ্ছে,’ বললে গদুপুচর, ‘ওরা এইখানে দাঁড়িয়ে ছিল।’

পকেট থেকে আতশী কাঁচ বার করে সে মন দিয়ে পরীক্ষা করতে লাগল রাস্তাটা।

‘কারো সঙ্গে ওরা এখানে কথাবার্তা বলেছিল,’ জানালে সিংখেল, ‘দশ নম্বর বদুট জুতোর দাগ দেখতে পাচ্ছি। ভেজা দাগ। পাশেই ছাই পড়ে আছে। তামাকের ছাই।’

ডাস্টবিনটার দিকে চাইলে গদুপুচর, উল্টে ফেললে সেটাকে। পাওয়া গেল একটি মাত্র পোড়া সিগারেটের টুকরো। গদুপুচর সেটাকে দেখতে লাগল আতশী কাঁচের ভেতর দিয়ে।

‘দশ নম্বর বদুট জুতোর মালিক খেয়েছে “জাহাজী” সিগারেট।’

‘অসম্ভব! সত্যিকারের নাবিক এখানে ছিল নাকি?’ জিজ্ঞেস করলে জলদস্যু।

‘এগো!’ বললে গদুপুচর।

কেলে-ছোপ অধৈর্যে টান দিলে শেকলে।

ছুটল তারা নদীতীরে খাটানো মস্তো এক শামিয়ানার দিকে।

শামিয়ানার ভেতরে শাদা শাদা টেবিল, মৃদু বাজনা বাজছে। শামিয়ানার ভেতর



থেকে ভেসে এসে সারা তীরে ছড়িয়ে পড়েছে ভাজা সসেজের মতো জ্বিভে জ্বল আসার একটা ভারি মিষ্টি গন্ধ।

শামিয়ানার ভেতরে কেউ নেই।

ঠোঁট চেটে এদিক ওদিক চেয়ে ভেতরে ঢুকল দস্যুরা। কেলে-ছোপ কোণের দিকে চলে গিয়ে পাক খেতে লাগল একটা শূন্য টেবিল ঘিরে।

‘ওইখানে খাওয়া-দাওয়া করেছে ওরা।’ সিদ্ধান্ত টানলে গুপ্তচর।

‘কিন্তু কী খেয়েছিল?’ খিদেয় ঠোঁট চাটতে লাগল জ্বলদস্যু, ‘কী ধরনের খাবার?’

টেবিলের নিচে ঢুকল গুপ্তচর। কিন্তু খাবারের উচ্ছ্রষ্ট কিছু খুঁজে পেল না।

জ্বলদস্যু কিন্তু ততক্ষণে পেনসিল আর সর্বকর্মার কথা ভুলে বসেছে। অন্য একটা টেবিলের দিকে সলোভে তাকিয়ে ছিল সে। তার ওপর ঝকমক করছে প্লেট, তাতে শাদা আর বাদামী রুটি, আছে মাংসের ভাজা কাটলেট-ভরা একটা তপ্ত পাত্র, আলু ভাজার সঙ্গে মদুরগীর মাংস, সেই সঙ্গে গরম, সুবাসিত সুপ। সেই সঙ্গে আছে চিনির রসে সেক্ষ ঠান্ডা চেরি, আর টকমিষ্টি সরবত।

পাশেই বাহারে ন্যাপকিন, তাতে এই কথাগুলো শেলাই করা:

‘নমস্কার!’

সংকোচ না করে বসুন, ভাবুন যেন নিজের বাড়ি।

নিজেই গরম সুপ ঢেলে নিন,

পছন্দমতো নিন দ্বিতীয় কোর্স আর অন্যান্য যা ভালো লাগে।

খাবারের দাম

ফেলে দিন নীল বাস্কেটের ফুটোয়।

কন্ট না হলে এঁটো বাসন-পত্র রেখে দিন

ওয়াশ বেসিনের কাছে আলমারিটায়।

আপনা থেকেই বাসন ধোয়া হয়ে যায় ওখানে।

কুশল হোক!’

খাবারের ওপর হৃদয় খেয়ে পড়ল দস্যুরা। গেলবার যা কিছু ছিল, মৃদুহৃদের মধ্যেই তা সব উদরস্থ হল তাদের, মেকের ওপর ছড়িয়ে ছিটিয়ে ফেললে বড়ো বড়ো হাড়, আধ-খাওয়া উচ্ছষ্ট। তাতেও হল না, এঁটোয় মাখামাখ হাত মৃছে নিল টেবিল ক্রুথে, আর দাম রেখে যাবার নীল বাস্তার দিকে কলা দেখালে গৃপ্তচর।

পাড়-মরি ছুটে পালাল তারা শার্ময়ানাটা থেকে।

গৃপ্তচর আর দস্যু কেবল পেছন ফিরে ফিরে দেখাছিল, আর কেল-ছোপ কেবল তাদের সামনে টেনে নিয়ে যাচ্ছিল পেনসিল আর সর্বকর্মার পদচিহ্ন ধরে।

‘ভেউ! ভেউ!’ — ‘আমার পেছ পেছ,’ বলতে চাইছিল কুরুরটা।

অধ্যায় তেত্রিশ

শিশুর দলে দস্যু

কেল-ছোপ ওদের নিয়ে এল পাতাল রেলের একটা স্টেশনে, দেখে মনে হয় যেন একটা কাঁচের পুরী।

‘ঠকিয়েছে আমাদের! পাজিদুটো মাটির তলে লুকিয়েছে,’ সিদ্ধান্ত টানলে সিঁধেল।

কিছু স্টেশনের ভেতরে যেতে পারলে না দস্যুরা, টিকিট ছিল না যে।

‘হতচ্ছাড়া সব!’ জলদস্যুর ইচ্ছে হয়েছিল প্রকাণ্ড পিস্তলটা বার করে কাউকে না কাউকে খুন করবে রাগের জ্বালায়।

কিছু রাস্তার লোকেরা সবাই জোরে জোরে কথা কইছিল, হাসাছিল, জলদস্যুকে দেখে কেউ ভয়ই পাচ্ছিল না। এতটুকুনও না। আর দস্যুকে যখন কেউ ভয় না পায়, তখন দস্যুই ভয় করতে থাকে সবাইকে।

স্টেশনে এল বৃকের ওপর লাল তারার চিহ্ন দেওয়া শাদা শাদা জামা পরা বাচ্চাদের একটা দল। দলটাকে নিয়ে আসছে বোঁচা-মতো উটকো নাক একটি তরুণী শিক্ষয়িত্রী, ‘দিদিমণি’। উচ্ছল একটা গান গাইছিল বাচ্চারা:

আমরা হাসি খুশি আঁতি!

এক — দুই!

আমরা অক্টোবরের ব্রতী!

এক — দুই!

ছেলেগুলোকে দেখে হাসি ফুটিছিল রাস্তার লোকেদের মূখে।

‘বেশ, বেশ, চালাও!’ বলছিল রাস্তার লোকে, ‘শক্ত ধাতের বাচ্চা সব!’

গল্পচর সিংধেল ওদিকে চোখ টিপলে জলদস্যুকে, দেখালে গাইয়ে বাচ্চাদের, অলক্ষ্যে দলের সঙ্গে মিশে গেল দুই ডাকাতি। মাফলার দিয়ে দাড়ি ঢেকে নিলে ক্যাপটেন টগবগ, গান ধরলে ডাকাতে গলায়:

আমড়া হাস্‌সি থুস্‌সি অতি!

র-রাম — দো!

আর নাকী গলায় ধূয়া ধরলে সিংধেল:

আঁমরা অঁক্টোবরের রত্নী...

দস্যুরা ভাবলে, ওদের বড়ি ঠিক এই অক্টোবর বিপ্লবের শিশু রত্নীবালকদের মতোই এখন দেখাচ্ছে, তাই দিদিমণি কিছুই টের পাবে না, একসঙ্গেই ওরা পাতাল ট্রেনে চেপে ঘুরবে।

দিদিমণি কিন্তু চাইতেই দেখতে পেল জলদস্যুকে।

‘এই ছেলে, কে তুই?’

‘আমি পেতিয়া,’ মিথ্যে করে বললে জলদস্যু।

‘কিন্তু তোর গলার স্ৱরটা অমন কেন?’

‘গলায় ব্যথা।’

‘ঠেসে আইসক্রীম গিলেছে,’ ফোড়ন কাটলে সিংধেল।

ফ্যাকাসে হয়ে গেল দিদিমণির মূখ।

‘গলা ব্যথা করছে? শুনছেন আপনারা? ছেলোটর গলায় ব্যথা। অসুখ হয়েছে!!’

‘কোথায় অসুস্থ ছেলেটা?’ শশবাস্ত হয়ে উঠল রাস্তার লোক, ‘কোথায়?’

‘একটা ছেলে অসুস্থ!’

‘ছেলেটা রোগে পড়েছে!’

‘একুনি অ্যাম্বুলেন্স ডাকা দরকার!’

‘হায়-হায়-হায়, কী সর্বনাশ! অসুখ হয়েছে ছেলেটার!’

থেমে গেল ট্রলিবাস, মোটরগাড়ি, বাস। যাত্রীরা ফ্যাকাসে মূখে উর্কি দিতে লাগল জানলা দিয়ে।

‘কী দুঃখের কথা! কী বিপদ! রোগে পড়েছে ছেলেটা!’

কিছুই করার রইল না দস্যুদের। সাইরেন বাজিয়ে ছুটে এল এক শাদা মোটরগাড়ি, হঠাৎ করে থুঁললে দরজা। ধবধবে শাদা স্মক গায়ে দুজন লোক জলদস্যুকে স্ট্রেচারে শুইয়ে নিয়ে গেল লাল ক্রস আঁকা শাদা গাড়িটায়।

হাত-পা ছুড়তে লাগল ক্যাপটেন টগবগ, চ্যাঁচাতে লাগল:

‘আমি ঠিক আছি, ভালো আছি! যাব না হাসপাতালে, আমি ড-ডাকাত! আমি ক্যাপটেন! সিংধেল, একটু সাহায্য কর! বাঁচা!’

লোকে দীর্ঘ নিশ্বাস ফেললে।

‘বেচারি ছেলেটা! অবস্থা ওর খুবই খারাপ! শুনছেন, কেমন ভুল বকছে?’

বন্ধ হয়ে গেল দরজা, বেজে উঠল সাইরেন। জলদস্যু চলে গেল হাসপাতালে।

আর সিংধেল? ভাবছ বন্ধি তার খুব কষ্ট হল? একেবারে উল্টো। আনন্দে হি-হি করে হাসতে লাগল সে:

‘ঠিক হয়েছে তোর, ব্যাটা দেড়েল! শূন্যে থাক গে বিছানায়! ক্যাস্টর-অয়েল খা। তোকে ছাড়াই আমি গুঁছিয়ে নিতে পারব। হি-হি-হি! সব হবে আমার! জাহাজ, পেনসিল — সব! হি-হি...’

লাল হুড পরা এই অদ্ভুত খিলখিলিয়ে হাসা মেয়েটির সঙ্গে বাচ্চারা গেল পাতাল স্টেশনের ভেতরে।

অধ্যায় চৌত্রিশ

ফের ট্র্যাফিক-আইন ভাঙা পায়রা

ঘেউ-ঘেউ করতে করতে কেল-ছোপ ছুটল শাদা গাড়িটার পেছ পেছ। গাড়ি কিন্তু ছুটছে বিদ্যুৎ-গতিতে, যেন রকেট। সবচেয়ে সোজা রাস্তা ধরছিল ড্রাইভার। অসদৃশ ছেলেটা কিন্তু হাত-পা ছুড়ে চেঁচিয়ে চলল ডাকাতের গলায়:

‘যাব না হাসপাতালে, যাব না! আমি ডাকাত!’

যে মাফলারটায় ও জড়ানো ছিল সেটা এলেমেলো হয়ে বেরিয়ে পড়ল প্যুটকিলে দাড়ি। দেখে ডাক্তার থ’।

‘দাড়ি!’ ফ্যাকাসে হয়ে উঠল ডাক্তার, ‘বাচ্চার দাড়ি বেরিয়ে গেছে। এ আবার কোন নতুন রোগ! জলদি হাসপাতাল!’

কিন্তু শাদা গাড়িটা যেন ইচ্ছে করেই নিশ্চল হয়ে গেল।

‘জলদি!’ তাড়া দিলে ডাক্তার, ‘জলদি!’

‘অসম্ভব!’ ফ্যাকাসে হয়ে ড্রাইভার দেখালে রাস্তার দিকে, ‘পায়রা! রাস্তা জোড়া পায়রা। যেতে দিচ্ছে না!’

‘ভাসিয়া!’ কঁকিয়ে উঠল ডাক্তার, ‘তাড়না-পাথসাট সঙ্গে নিস নি কেন?’

‘আমারই দোষ। ভুলে গিয়েছিলাম...’

‘দুঃখের কথা ভাসিয়া, কিন্তু শাস্তি তোকে পেতেই হবে।’

গাড়ি থেকে নেমে ডাক্তার পায়রা তাড়াতে লাগল:

‘হুস! হুস! হুস!’

জলদসদাও অমনি আধ-খোলা দরজার ফাঁক দিয়ে শাঁ করে বেরিয়ে গেল রকেটের মতো। দেড়েল শিশু কোন গলিতে সেঁধল সেটা নজর করারও ফুরসদ হয় নি ডাক্তারের। মোটরগাড়ির চারিপাশে নিশ্চিন্তে পায়রাগুলো আঙা জমিয়েছে, ডাক্তারের বিলাপ, ভাসিয়া, শাদা গাড়িটার দিকে হ্রস্বেপও করলে না কেউ।

অধ্যায় পঁয়ত্রিশ

আঁকা বারণ

কিন্তু কোথায় আমাদের ছোট্ট বন্ধুরা — হাসিখুঁশি পেনসিল আর ওস্তাদ সর্বকর্মা?

নারিকের মতো দেখতে গুঁপো মানুষটা, সেই যে-লোকটা কলের জাহাজ বিক্রি করছিল, পেনসিল আর সর্বকর্মাকে ভালো করে খাইয়ে দাইয়ে সে তাদের সঙ্গে আসে ভূগর্ভ রেলের স্টেশনে। বললে, ‘দেখেই বোঝা যাচ্ছে তোমরা ভায়া নতুন লোক। তাই আমাদের পাতাল রেলটা দেখে যাও।’

লম্বা এক চলন্ত আজব-সিঁড়িতে চেপে তারা নেমে এল মাটির তলাকার স্টেশনে, ঘুরে বেড়াতে লাগল সটান-লম্বা এক নীল ট্রেনে চেপে।

নারিকের মতো দেখতে গুঁপো লোকটি তার ছোট্ট বন্ধুদের করমর্দন করে বিদায় নিয়ে নেমে গেল তকতকে গলি স্টেশনে।

আর পেনসিল আর সর্বকর্মা ছুটে গেল মাটির তলাকার প্রাসাদ দেখতে। আনন্দে হাসতে লাগল তারা, লাফালাফি করলে হাততালি দিয়ে।

‘ওহ, কী সুন্দর!’ উচ্ছ্বাসিত হয়ে উঠল সর্বকর্মা।

‘আহ, কী সুন্দর!’ বললে পেনসিল, ‘এখানকার সর্বকিছুর আমার খুঁ-উব ভালো লাগছে! এখানে আমি এঁকে দেব জীবন্ত নারকেল গাছ, সত্যিকারের সোনালী মাছে ভরা ফোয়ারা, জীবন্ত সব ফুল। আঁকবই আঁকব!’

দেয়ালের গায়ে প্রথম রেখাটা পর্যন্ত এঁকেছিল সে, কিন্তু কড়া এক মাসি রেগে জানিয়ে দিলে:

‘ওহে ছোকরা, দেয়াল নোংরা করবে না। এঁকুনি মূছে ফ্যালো!’

‘আঁকা দরকার রাতে, যখন কেউ থাকবে না,’ বললে চালাক-চতুর সর্বকর্মা।

‘ঠিক বলিছিস। রাতেই আঁকব,’ চোখ টিপলে পেনসিল।

সেই জনোই সর্বকর্মা আর পেনসিল গাড়ি চেপে বেড়াল রাত পর্যন্ত। নামাছিল ওরা প্রত্যেক স্টেশনে, অন্য কোনো ট্রেন ধরছিল, চলে যাচ্ছিল কে জানে কোথায়, এতটুকু সন্দেহও করে নি যে তাদের পেছন নিয়েছে কেউ, খুঁজে বেড়াচ্ছে তাদের একগুঁয়ে গুপ্তচর সিঁধেল।

অধ্যায় ছত্রিশ

সবচেয়ে ভয়াবহ

বলো তো দেখি: দুর্নিয়ার কোথায় রাত সবচেয়ে ছোটো? যতই ভাবো, চট করে উত্তর দিতে পারবে না। সবচেয়ে ছোটো রাত হল মাটির তলাকার ট্রেনে।

ওপরে, পৃথিবীতে রাত নেমেছে। মাটির তলাকার রেলেরে কিন্তু তখনো সব দিনের মতোই আলোয় আলো। শুধু একটু চুপচাপ।

তারপর সন্ধ্যা দিয়ে শেষ ট্রেনটি ছোটল স্টেশন থেকে স্টেশনে। ফাঁকা ওয়াগনে মধুর তন্দ্রায় ঢুলছে কেউ কেউ। এমনকি অঘোরেই ঘুমচ্ছে ছোট্ট একটি মানুষ। মাথা পর্যন্ত সে রেন-কোট মর্দি দিয়েছে। বেরিয়ে আছে শুধু লম্বা ফ্যাকাসে নাকথানা, কেমন একটা সন্দেহজনক আওয়াজ বেরচ্ছে সেখান থেকে: ‘ফোঁস, ফোঁস! ধরব রোস!’

তবে ওটা হয়তো আমাদের কানের ভুল। ছোট্ট লোকটি স্নেহ ঘুমচ্ছিল। চেয়ে দ্যাখো-না এই মানুষটিকে। ঘুমচ্ছে বৈকি।



গাড়ির ওদিকে ভারি ভাড়া। দেখতে না দেখতে আরো কয়েকটা স্টেশন পেরিয়ে গেল তা। মাইকে ঘোষণা হল: 'গাড়ি আর যাবে না। মেট্রো বন্ধ হচ্ছে। ফের দেখা হবে। শ্রুত রাতি!'

পেনসিল আর সর্বকর্মা গাড়ি থেকে নেমে চুপি চুপি ঢুকে পড়ল কোন একটা বোম্বার নিচে, মুখে কথাটি নেই।

স্টেশনটা ছোটো শহরের সন্ধ্যার রাস্তার মতো আঁধার-আঁধার। জ্বলজ্বলে বাতিগুলো নিভে গেছে। যেগুলো জ্বলছে, সেগুলোর আলোর জোর নেই। তাই দুই বন্ধুর কারসাজি কারো চোখে পড়ে নি। কারো না, শুধু... তবে এখনো তো জানা নেই কে ওদের দেখেছিল।

ওভার-অল পরা জমাদারনীরা এল স্টেশনে। জল দেবার যন্ত্র চালালে তারা, অটোমেটিক বাঁটা, ধোয়া পাকলা করলে অনেকক্ষণ ধরে, মুছে তুললে স্টেশন। তারপর চলন্ত সিঁড়ি দিয়ে উঠে গেল ওপরে।

ওদের পর সিঁড়িটা হয়ে গেল ফাঁকা। ফিটার সেটাকে থামিয়ে স্টেশন তালা বন্ধ করে চলে গেল বাড়ি।

ভেতরে জ্বলছিল কেবল রাতের আলোগুলো।

‘এইবার!’ পেনসিলকে বোম্বার তল থেকে বার করে আনলে সর্বকর্মা।

‘উহ্, কী অন্ধকার! ছমছমে!’

‘ছমছমে!’ পুনরাবৃত্তি করলে কে যেন।

‘মাগো!’ শিউরে উঠল পেনসিল।

‘মাগো!’ বললে কে যেন।

‘ভয় নেই,’ বললে বুদ্ধিমান সর্বকর্মা, ‘এ আর কিছুই নয় — প্রতিধ্বনি। ভয় পাস নে।’

‘ভয় পা! ভয় পা!’ বললে প্রতিধ্বনি।

‘ভয় লাগছে রে,’ ফিসফিস করলে পেনসিল।

‘ওদিকে মন দিস না,’ বললে সর্বকর্মা, ‘নে, আঁকা শব্দ কর।’

ক্ষুদ্র পটুয়া রঙ পেনসিলের জন্যে হাত ঢোকাল পকেটে।

‘এবার বাছাধনেরা, পেয়েছি! অনেকক্ষণ থেকে ঘূর্ণিছ তোমাদের পেছনে।’

বুঝতে পারছ, এ হল গল্পচর সিঁধেল।

জমাদারনীরা যখন মেঝে ধুচ্ছিল, ও তখন বসেছিল পাশের বোম্বার নিচে।

‘হ্যান্ডস্ আপ!’ পিস্তল তুলে চেঁচিয়ে উঠল সিঁধেল।

‘চল, পেনসিল, ছুটি!’

পেনসিলের হাতে ঝাঁকুনি দিলে প্রত্যাশমন্ডিত সর্বকর্মা।

‘খামো, নইলে গুলি চালাব!’ হাকিলে সিংখেল।

‘গুড়ুম!’ গর্জে উঠল গুলি, ‘গুড়ুম!’

গুলি লাগল রাতের বাতিটায়, চুরমার হয়ে গেল তা। স্টেশন হয়ে উঠল প্রায় একেবারে অন্ধকার আর ভারি ভয়ঙ্কর।

‘আয় চটপট দৌড় দিই,’ বলে উঠল সর্বকর্মা।

রেল লাইনের ওপর লাফিয়ে পড়ে তারা ছুট লাগালে অন্ধকার টানেল দিয়ে, দিনের বেলা যার ভেতর দিয়ে গাড়ি চলাচল করছিল অমন ফুর্তিতে।

‘আরে চলল কোথায়? দাঁড়া, দাঁড়া! আমি যে রগড় করছিলাম। হা-হা-হা! ঠাট্টা! ক্যাপটেন তোদের সেলাম জানিয়েছে। দাঁড়া! এ-এ-এই! কোথায় তোরা?’ চেঁচাতে লাগল সিংখেল, দুই বন্ধুর ছুটে যাওয়ার শব্দ শুনতে পাচ্ছিল সে।

একটু সরে দেখতে যেতেই অন্ধকারে সে পা ফসকে পড়ে গেল প্র্যাটফর্ম থেকে নিচে।

‘হতছাড়া!’ ককিয়ে উঠল সিংখেল।

‘...ছাড়া!’ সজোরে ফিরে এল প্রতিধ্বনি।

তাড়াতাড়ি উঠে দাঁড়িয়ে পিস্তল আশ্ফালন করতে লাগল গুপ্তচর।

‘জলদি, পেনসিল, জলদি!’ তাড়া দিলে সর্বকর্মা।

টানেলের ভেতর বাতি মাত্র একটা দূটো। কোথায় যেন পেছনে ছুটছিল সিংখেল, চ্যাঁচাচ্ছিল:

‘ছাড়ছি না তোদের, পাজি কোথাকার!’

এই ভাবেই তারা মাটির তলেকার ছোট রাতটা গোটাই পাড়ি দিয়ে পৌঁছল পরের স্টেশনে।

ওপরে তখন খুব ভোরে স্টেশনে এসেছিল ফিটার। সর্বকর্মা আর পেনসিল যখন একের পর এক সিঁড়ি ডিঙিয়ে (রাতে সিঁড়ি চলে না) ওপরে উঠাছিল, ঠিক সেই সময়ই সে পকেট থেকে চাবি বার করে খুলছিল স্টেশনের পেলাই দরজাটা।

সিংখেল লাফিয়ে আসাছিল তাদের পেছন পেছন, চেষ্টা করছিল কোনো একজনের ঠ্যাঙ চেপে ধরতে।

‘আরে দাঁড়া!’ মিনতি করলে সিংখেল, ‘দাঁড়া, বলছি! স্টেশন তো বন্ধ! পালাবি

কোথায়? কোথাও যাবার উপায় নেই। ছুটিস না তো বাপু, বিচ্ছিন্ন চ্যাংড়া, দম বন্ধ হয়ে আসছে আমার। উহ্, একেবারে হাঁপিয়ে গিয়েছি, উহ্!’

হয়রান হয়ে গদগদচর সিঁড়ির শেষ পৈঠায় বসল একটু জিরিয়ে নেবার জন্যে।

ফ্যাকাসেঁ পেনসিল আর মনমরা সর্বকর্মা দাঁড়িয়ে রইল তার সামনেই। পালাবার জায়গা নেই কোথাও।

‘এইবার দফা শেষ,’ ভাবলে পেনসিল।

‘হি-হি-হি! হি-হি-হি!’ খুশি হয়ে উঠল সিঁধেল, ‘উহ্, কী হাঁপিয়ে গেছি। একটু বসা যাক। আলাপ করা যাক এটা সেটা। উহ্, তোদের জন্যে এত কষ্ট হচ্ছে, হি-হি-হি! আর এই তুই চন-চনে টিনের কোটো, তোর ইস্কুপ খুঁলে নিয়ে টুকরো টুকরো করব।’

স্কু-ড্রাইভার দেখাল সে, সর্বকর্মা যখন তাড়না-পাখসাট বানাচ্ছিল তখন মিস্ট্রর কাছ থেকে যেটা সে মেরে দিয়েছিল।

ইঠাং আলোয় বলমল করে উঠল স্টেশন। স্‌ইচ টিপেছিল ফিটার।

আর নিশ্চল যে সিঁড়িটায় বসেছিল সিঁধেল, আচমকা সেটা নামতে লাগল নিচে।

‘কী বিদ্‌ঘুটে ঠাট্টা রে বাপু!’ চটে উঠল সিঁধেল, ‘থামাও! বাঁচাও! পদলিস, পদলিস!’

আজব-সিঁড়ি কিস্তু ডাকাতকে নামিয়ে দিলে একেবারে নিচে, আমাদের দৃই হয়রান বন্ধদের কাছ থেকে অনেক দূরে।

অধ্যায় সাইত্রিশ

ঘুম ভাঙানো মোরগ

সুন্দর একটা নতুন দিন শুরু হয়েছিল শহরে। ক্লান্ত দৃই বন্ধ বেরিয়ে এল রাস্তায়।

‘ওহ্, কী ঘুমই না পাচ্ছে,’ হাই তুললে পেনসিল, ‘চল, সর্বকর্মা বাড়ি যাই।’

‘দাঁড়া,’ বললে সর্বকর্মা, ‘কোথায় এসে পড়েছি সেটা আগে দেখি।’

গোটা রাস্তাটাই নানা রকম নিশানে সাজানো। স্টেশনে টাঙানো মস্তো এক বিজ্ঞাপ্ত:

ছেলেমেয়েরা!

আজ আমাদের শহরে
কিশোর টেকনিশিয়ানদের মহোৎসব।

সমস্ত ছেলেমেয়েই
উৎসবে যোগ দিতে পারবে!
প্রথমে শূন্য হবে আঙিনায়, রাস্তায়, গলি ঘূঁজিতে

ভাঙা লোহা-লকড় সংগ্রহের
মহা অভিযান।

যে সবচেয়ে বেশি লোহা জোগাড় করতে পারবে,
সে হবে
বিজয়ী!

ঠিক ১২টায় বাসন্তী সন্ধ্যাতে শূন্য হবে

কিশোর টেকনিশিয়ানদের প্যারেড

আর প্যারেডের এক মিনিট পরেই
বিজয়ীদের পুরস্কার বিতরণ

খেলাধুলা! সিনেমা! মজাদার বিচিত্রানুষ্ঠান!

‘পেনসিল, আমরা এইখানেই থেকে যাই। প্রদীপককে খুঁজে বার করব প্যারেডে।’
‘বেশ, তবে এ-এ-ক-টু জিরিয়ে নেওয়া যাক, জেরবার হয়ে গেছি।’
‘ঠিক কথা,’ বললে লোহার মান্দুশটি, ‘একটু বসা যাক। আমার পা-ও তো লোহার
নয়।’

রাস্তার ওপর বসাটা ভালো দেখায় না, তাই গাছপালায় ছাওয়া ছোট্ট একটা
স্কেয়ারে গেল তারা, ঝোপের মধ্যে সৈঁধিয়ে শূন্যে পড়ল নরম তপ্ত ঘাসের ওপর।

ঘাস দুলছে ফুরফুরে হাওয়ায়, স্ফুস্ফুড়ি দিচ্ছে পেনসিল আর সর্বকর্মাণকে। গাছে
কিচির-মিচির করছে পাখি, যেন ঘুমপাড়ানি গান।

‘ঘুউ-উ-ম এসে যাচ্ছে,’ করুণ স্বরে বললে পেনসিল।

‘আ-আ-মা-রও...’

‘কিন্তু প্যারেডের সময় যদি ঘুম না ভাঙে?’

‘তা না ভাঙতে পারে।’

‘তাহলে কী হবে?’

‘একটা অ্যালার্ম ঘড়ি এঁকে দে। দম দিয়ে রাখব, কাঁটায় কাঁটায় ঠিক বারোটায়
আমাদের জাগিয়ে দেবে।’

‘অ্যালার্ম ঘড়ি আঁকতে তো আমি জানি না।’

‘তাহলে একটা মোরগ আঁক।’

‘মোরগ? হা-হা-হা...’ ঘুমে ঢুলঢুল চোখ না খুলেই মৃদু হাসলে পেনসিল।

‘ঘুমোস নে বাপু। মোরগ আঁক।’

‘ঠাট্টা করছিঁস। মোরগ আঁকতে যাব কেন?’

‘মোরগ বরাবর একই সময়ে ডাকে। আগের কালে মোরগের ডাক শুনেই লোকে
সময় ঠিক করত। নে আঁক। ঠিক বারোটায় ডেকে উঠবে, আমরাও জেগে যাব।’

আধ-মিনিট পরেই অঘোরে ঘুমতে লাগল দুই বন্ধু। পাশেই চরে বেড়াতে লাগল
রূপ-গরবী অ্যালার্ম ঘড়ি-মোরগ। পোকা-মাকড় খাচ্ছিল খুঁটে খুঁটে, রঙচঙে বলমলে
লেজ নাড়াচ্ছিল থেকে থেকে।

অধ্যায় আটত্রিশ

সিঁথেলের কবলে

মারখাওয়া কুকুরের মতো স্কেপে মেট্রো থেকে বেরিয়ে এল গুপ্তচর।

‘পাঁজ! ছুঁচো!’ আতশী কাঁচ বার করে গজগজ করলে ও, ‘কোথায় পালাল
বদমাসদুটো?’

রাস্তাটা নজর করতে লাগল সে, কিন্তু কোনো পদাচিহ্ন ধরা গেল না। সকাল
বেলাকার প্রথম পথচারীর অবাধ হয়ে দেখাছিল তাকে, তাই আতশী কাঁচটা সে
পকেটে লুকিয়ে রাখল।



রাস্তা দিয়ে যাচ্ছিল মোটর ভ্যান, তাতে লেখা:

‘লজেন্স, চকোলেট, আইসক্রীম’

লজেন্স, চকোলেট, আইসক্রীম এবং আরো বের্যালিশ হাজার নানা রকমের মদুখরোচক জিনিস নিয়ে যাওয়া হচ্ছিল উৎসবের জন্যে। ক্ষুধার্ত গদুগুচর ঈর্ষাভরে তাকিয়ে দেখলে গাড়িটাকে, নাক কোঁচকালে।

‘কোঁ-কোঁ,’ হঠাৎ শোনা গেল রাগান্বী একটা আওয়াজ। আওয়াজটা এসেছিল ছোট্ট স্কোয়ারটা থেকে।

পা টিপে টিপে সে দিকে এগিয়ে গেল কোঁতুহলী সিংধেল, ঝোপটা সরাসরেই আনন্দে প্রায় চেঁচিয়ে উঠছিল আর-কি, তবে সময় থাকতেই নিজের টুপিটাই গুঁজে দিয়েছিল মদুখে।

‘হি-হি-হি,’ টুপি উগড়ে ফিসফিস করলে সিংধেল, ‘এইখানে তাহলে! একেবারে তৈরি, যেন ডিশে দেওয়া খাবার। এবার আর আমার হাত ছাড়াতে হচ্ছে না। ঘুমোও বাছাধনরা, ঘুমোও! ছেলে ঘুমদুল, পাড়া জুড়ুলো! রাতটি নামদুক, অর্মানি জাগিয়ে দেব। হি-হি-হি! আর তোকে, লোহার সঙ, তোকে প্রথমটা ভালোরকম ভয় পাওয়াব আগে, তারপর ইস্ফুপ খুলে টুকরো টুকরো করব। আর তোকে হতভাগা পোটো, তোকে নিয়ে যাব আমার জাহাজে। আয় ঘুম, যায় ঘুম...’

‘কোঁকর-কোঁ,’ রেগে ডেকে উঠল মোরগ।

‘চুপ, নছার মদুরগী, জাগিয়ে দিবি যে!’

‘কোঁকর-কোঁ, কোঁকর-কোঁ!’

‘নিকুচি করেছে তোর মদুরগী,’ হিসিয়ে উঠল সিংধেল, ‘দাঁড়া দেখাচ্ছি! আয় তো এদিকে, আয়-না!’

আঙুল নেড়ে ডাকলে সে। কিন্তু গরবী মোরগ কাছে যাবার নামও করলে না। দস্যু তখন ভাব করলে যে মাটিতে কী সব দানা ছড়াচ্ছে।

‘দানা খা, দানা খা!’

‘কোঁ-কোঁ?’ জিজ্ঞেস করলে মোরগ।

‘আয় রে মোরগ, দানা খাবি,’ ভালো মানদুষের মতো মদুখ করে সোহাগ দেখিয়ে ডাকতে লাগল সে।

গরবী মোরগ কাছে এসে বললে:

‘কোঁ-কোঁ!’



অমনি সে শেয়ালের মতো ঝাঁপিয়ে পড়ল তার ওপর। ইতি হল অ্যালার্ম ঘড়ির। শূন্য পাতা জড়ো করলে ডাকাত, ডাল ভাঙলে, ধূনি জ্বালালে, মোরগের পালক ছাড়িয়ে সেকতে লাগল।

ধূনির ধোঁয়া কারো চোখে পড়ল না। লোকেরা সবাই তাকিয়ে ছিল অন্যদিকে।

ড্রাম বাজছিল শহরে, রূপোলী ব্যান্ড বাজছিল। রাস্তায় নেমেছে ছেলেমেয়েদের বাহিনী। তাদের সঙ্গেই পাশে পাশে চলেছে একটা সাজানো ট্রাক, তাতে লেখা:

‘লোহা-লকড়’

শূন্য হল মস্তো এক অভিযান।

ঘরে ঘরে জানলা খুলে গেল। ঝুল বারান্দা থেকে বৃষ্টির ডাকডাকি শূন্য করলে:

‘আমার ঘরে এসো গো ছেলেরা! কেটলিটা আমার পুরনো হয়ে গেছে, মেরামতের বাইরে।’

‘ভারি উনি কেটলি দেখাচ্ছেন,’ চ্যাঁচালে আরেকজন বৃষ্টি, ‘আমার হল গে সামোভার। ধরো গো ছেলেরা, আমি দড়ি বেঁধে নামিয়ে দিচ্ছি।’

‘আমাদের কাছে এসো! আমাদের কাছে!’ শোনা গেল চতুর্দিকে।

নিজেরাই লোকেরা নানা রকমের অদরকারী মালপত্র এনে দিতে লাগল। ফুটো প্যান, ভাঙা কেটলি, সাইকেলের পুরনো চাকা এবং আরো হরেক রকম জিনিস ছেলেরা বোঝাই করতে লাগল ট্রাকে।

কাঠি পড়ল ড্রামে, বাজনা উঠল ব্যান্ডে, পেনসিল আর সর্বকর্মী কিন্তু কিছুই শুনছিল না। অঘোরে ঘুমোচ্ছিল তারা।

ডাকাত ওদিকে মোরগের হাড় চিবাল, ঘোঁৎঘোঁৎ করলে খানা-পাওয়া থেঁকা কুকুরের মতো।

শহরের মিনারে ঘড়িতে বাজল বারোটা। মস্তো এক অকস্মিক শূন্য হল উচ্ছল বাজনা। বাসন্তী সুরাণ দিয়ে ছিমছাম সারি বেঁধে চলল কিশোর টেকনিশিয়ান, কিশোর ওস্তাদদের দল।

তাদের সঙ্গে যাচ্ছিল ছোট প্রতীক, ছবির থোকন।

যত এরোপ্লেন, রকেট, স্পুটনিক, জাহাজ, মোটরগাড়ির মডেল নিয়ে যাচ্ছিল তারা, হরেক রকমের হাজার হাজার মডেল। বোঁ-বোঁ করছে এরোপ্লেনের প্রপেলার, সশ্বেত দিয়ে মাথার ওপর ঘুরছে স্পুটনিক; হাত ছাড়িয়ে নীল আকাশে উড়ে যেতে চাইছে রকেট।

ঝুল বারান্দা থেকে ‘হৃদরে’ দিচ্ছিল লোকজন, ফুল ছুড়াছিল। সবাই দেখলে
ছোট প্রতীক একটা পোস্টার বইছে:

চলো গলিঘুঁজি
দাও চক্কর,
জড়ো করে আনো
লোহা-লক্কর।

সর্বকর্মী আর পেনসিল কিন্তু প্রতীককে দেখতে পেল না।
‘আয় ঘুম, যায় ঘুম...’ ফিসফিস করছিল গদুপুচর।
ওদিকে শহরের ওপর উড়ছিল রাজ্যের বেলদুন আর পায়রার ঝাঁক। বিজয় চকে
উঁচু গণ্ডের ওপর তোলা হল প্রতিযোগিতার বিজয়ীদের — তিনটি হাসিখুঁশি মেয়ে,
আর তিনটি হাসিখুঁশি ছেলে।
উপহার পেলে তারা বাইসাইকেল আর ক্যামেরা।
‘হৃদরে! হৃদরে!’ চেঁচিয়ে উঠল সবাই।
ঘুম ভেঙে ‘গেল সর্বকর্মী। এক চোখ মেলে গদুপুচরকে দেখেই সঙ্গে সঙ্গে সে
চোখ বন্ধ করলে।
‘মাগো, কী ভয়ঙ্কর স্বপ্ন!’
‘স্বপ্ন নয়,’ ঘুম ভেঙে বললে পেনসিল, ‘বন্দী হয়ে পড়েছি আমরা।’
‘আন্ত্রে, গোলমাল করবে না!’ পিস্তল উঁচিয়ে ধরল দসুয়া, ‘চুপচাপ বসে থাকো।
অন্ধকার নামলে আমার সঙ্গে যাবে।’
‘আমাদের প্রতীক গেল কোথায়?’ দীর্ঘশ্বাস ফেললে পেনসিল, ‘আমাদের ছাড়া যে
ও মারা পড়বে, ভারি যে ছোটো...’

অধ্যায় উনচাল্লিশ

জলদস্যুর উদয়

কেন জানি, বরাবরই উৎসবগুলো শেষ হয়ে যায় ভারি চট করে।
সঙ্গে নামল। রাস্তায় গান জুড়লে লোকজন, নাচলে, কিনলে আইসক্রীম, লজেন্স,
চকোলেট।

সবচেয়ে চুপচাপ ফাঁকা গলিগুলো দিয়ে যাচ্ছিল দুই মনমরা বন্ধু আর এক দিলখোস দস্যু।

‘না, আমি তোর ইস্কুপ খুলে নেব না,’ বিদ্রূপ করলে ডাকু, ‘বরং তোকে নদীতেই ফেলে দেব। তুই যে লোহা, গায়ে জল লাগাতে চাস না...’

লোহার মানুষ, গর্বিত সর্বকর্মা উত্তর দিলে না। যাদুকের পটুয়া পেনসিলকে কী করে বাঁচানো যায় তার উপায় ভাবাছিল সে। কিন্তু পিস্তল, প্রকাণ্ড ওই ভয়ঙ্কর পিস্তলটা! দুনিয়ার সবচেয়ে নিভাঁক, সবচেয়ে বলবান লোকও ভয় করে গিস্তলকে। ছোট্ট সর্বকর্মাও ভয় পাচ্ছিল।

‘পা চালা! পা চালা!’ হুকুম দিলে সিংধেল, ‘জাহাজটা এবার নজরে আসছে। খাশা জাহাজ!’

প্রশান্ত উপকূলে এল তারা, নদীর তীরে তিন মানুষের ‘প্রতীক’ জাহাজটা ছিল যেখানে। তাদের দিকে ছুটে এল, কে বলো তো?

ক্যাপটেন টগবগ!

‘আমাদের দফা শেষ!’ ফিসফিস করলে পেনসিল, ‘আর আশা নেই। বিদায় সর্বকর্মা!’

কিন্তু দস্যু সিংধেল অমন কেঁপে উঠল কেন?

‘বিশ্বাসঘাতক! জঘন্য বিশ্বাসঘাতক!’ ছুটেতে ছুটেতে গর্জন করলে ক্যাপটেন টগবগ, ‘বেইমান!’

‘কাছে আসবেন না বলছি। গুলি করব কিন্তু!’ জলদস্যুর দিকে পিস্তল বাগিয়ে চিঁচিঁ করে বললে সিংধেল। কিন্তু হাত ওর এমন কাঁপছিল যেন পিস্তল ধরে নেই, চুনকাম করার বদরুশ দিয়ে দেয়ালে চুন লেপছে। একবার এদিক, একবার ওদিক।

ঝড়ের মতো ঝাঁপিয়ে এল জলদস্যু। কেঁউ-কেঁউ করে উঠল সিংধেল, পরস্পর জড়াজড়ি করে রাস্তায় গড়াতে লাগল দুই দস্যু।

‘ওরে মেরে ফেললে রে! বাঁচাও!’ ককিয়ে উঠল সিংধেল, ‘ওরে মা-রে, ওরে বাবারে!’

‘জলার ভূত কোথাকার!’ দোস্তের নাকে ঘৃষি চালিয়ে গর্জে উঠল জলদস্যু।

‘আর কখনো করব না! ঠাট্টা করছিলাম!’ হাউ-মাউ করে উঠল সিংধেল, ‘ঠাট্টা!’

‘এই নে তোর ঠাট্টার প্রতিফল, কেঁচো কোথাকার!’ অব্যর্থ লক্ষ্যে দোস্তের কানে ঘৃষি মেরে বললে জলদস্যু।

‘আমি যে পেনসিলকে ধরেছি। আমিই তাকে পাকড়েছি। লোক আমি খুব ভালো। সবচেয়ে খাঁটি লোক আমি।’

দোস্তুর চাঁদ থেকে এক মূঠো চুল ছিঁড়ে নিতে যাচ্ছিল জলদস্যু, এ কথা শুনে সে মারপিট থামালে।

‘কথাটা আগে বললেই পারতিস! নে, দেখা কোথায় পেনসিল!’

‘দেখা!’ ভেঙাচি কাটলে গদুপ্তচর, ‘দেখাব কোথেকে! পালিয়ে গেল যে! উহ্, বস্কা লাগছে! আহ্!’

‘ধরতে হবে! হুকুম দিলে জলদস্যু, ‘এসো আমার পেছ পেছ! কেলে-ছোপ. কুত্তাজান বেটা, ছোট আগে!’

চোখের জল মূছে সিঁধেল চলল তাদের পেছন পেছন।

অধ্যায় চল্লিশ

অতি শোচনীয়

পেনসিল আর সর্বকর্মা লুকিয়েছিল রামধনু সেতুর উঁচু খিলানের তলে। কিন্তু কেলে-ছোপ ছুটল ঠিক তাদের দিকে।

‘বেড়াল! চট করে বেড়াল আঁক!’ ফিসফিস করলে সর্বকর্মা।

কাঁপা কাঁপা আঙুলে এক হিংস্র বেড়াল আঁকলে পেনসিল।

‘ম্যাও!’ কেলে-ছোপকে দেখে পিঠ বাঁকিয়ে বিছাছির ডাক ছাড়লে বেড়ালটা।

এ আত্মপর্থা সইতে না পেরে কেলে-ছোপ কণ্ঠভেদী গর্জন করে ছুটে গেল তার দিকে। বেড়ালটা ঢুকে পড়ল এক গালিতে। কুকুর আর দস্যু দুজনও বাঁক নিল সেখানে।

প্রশান্ত উপকূল দিয়ে ছুটতে লাগল দুই বন্ধু।

‘ঘেউ-ঘেউ!’ শোনা গেল অনেক পেছনে।

‘শীগগির, পেনসিল, শীগগির!’

ডাকুরা কিন্তু বোকা কুকুরটাকে গাল দিতে দিতে ফিরে আসছিল তীরের দিকে।

বাড়িগদুলোর দরজায় সজোরে করাঘাত করলে পলাতকরা, ডাকাডাক করলে সাহায্যের জন্যে, কিন্তু কেউ দরজা খুললে না। সবাই চলে গিয়েছিল বাসন্তী সরণিতে।



একটা গলিতে পাশ দিয়েই গেল একটা গাড়ি। সাধারণ গাড়ি নয়, জল দেবার গাড়ি। রাস্তা, ফুটপাথ আর গাছপালায় ঠাণ্ডা পরিষ্কার জল ঢেলে যাচ্ছিল সেটা।

হাত নেড়ে দ দুই বন্ধু ছুটে গেল গাড়িটার কাছে।

‘কাকু দাঁড়ান, নিয়ে চলুন আমাদের! আমাদের পেছনে ডাকাত লেগেছে!’

ড্রাইভার কিন্তু শুনলে না। ভাবলে, ‘আচ্ছা চীজ এই ছোঁড়াগুলো। রাতেও রেহাই দেয় না। গাড়িতে উঠতে চায়!’ এই ভেবে সে চলে গেল, যাবার সময় ‘আপাদমস্তক ভিজিয়ে দিলে পেনসিল আর সর্বকর্মাকে।

‘ঘেউ! ঘেউ! ঘেউ!’

প্রায় এসে পড়ছে ডাকাতরা।

‘দাঁড়া,’ সর্বকর্মাকে বললে পেনসিল, ‘তোয়ালে এঁকে দিই। তোর ভালো করে গা মোছা দরকার, নইলে জং ধরে যাবি।’

‘তার সময় নেই। জলদি! জলদি ছোট!’

কিন্তু হঠাৎ পেনসিলের খেয়াল হল সর্বকর্মী পেঁছিয়ে পড়ছে।

‘ইস, কী চেহারা হয়েছে তোর! নিশ্চয় অসুখ করেছে?’

‘জং ধরে যাচ্ছি আমি,’ সখেদে ভাবলে লোহার মানদুষ্টি, ‘ভালো দৌড়তে পারছি না।’ কিন্তু বললে অন্য কথা:

‘দৌড়াচ্ছি না আমি ইচ্ছে করেই। কী করতে হবে বন্ধু! আমি ওদের ঠেকাব।’

‘একেবারে তুই অসুস্থ!’

‘না, না, অসুস্থ নই। তুই চটপট পালা। ওরা তো আর আমায় নয়, ধরতে চাইছে তোকে। তোকেই ডাকাতদের দরকার। শীগগির পালা। আমি লড়ে যাব। দেখাব ওদের! কালিস্টে তুলে ছাড়ব। আমার ভয় নেই, গায়ে অনেক জোর আছে আমার! এই দ্যাখ, দেখেছিস!’

মৃদুশব্দে মতো হাত চালাতে লাগল সে লাফাতে লাগল একই জায়গায়। এমন লড়াইর মতো হাত চালাতে লাগল সে যে পেনসিল তার কথায় বিশ্বাস করলে।

‘বেশ, আমি ছুটলাম। গিয়ে পদলিস ডেকে আনব।’

বন্ধুকে চুমু খেয়ে ছুটে চলে গেল সে।

‘আরে এই যে! ধরেছি ব্যাটাকে।’ সর্বকর্মাকে দেখে হাঁক দিলে জলদস্যু। ‘পেনসিলটি কোথায়?’

‘পেনসিলকে আর পেতে হচ্ছে না।’

‘ঘৃষি মারব তোকে,’ ক্ষেপে উঠল জলদস্যু।

‘বটে, দেড়েল ঝাঁটা!’ বললে সর্বকর্মা, ‘নে আয়, তোর দাড়ি উপড়ে নেব।’

‘কী বল-লি?’ রাগে সবুজ হয়ে উঠল ক্যাপটেন টগবগ।

‘দে মার,’ উস্কানি দিলে সিংখেল, ‘এই সর্বকর্মা, ভালো চাস তো পেনসিলকে ফিরিয়ে দে, নইলে গুলি করব।’

লোহার ছোট মানুশটিকে কিন্তু কাঁপানো গেল না। বানবান করে উঠল সে, হেসে উঠল।

গদুপুচর সিংখেল তখন তার ভয়ঙ্কর পিস্তলটা উঁচিয়ে গুলি চালিয়ে দিলে।

ঠক করে সর্বকর্মার বকে ঠেকে পিছলে গেল গুলিটা।

‘গুলি আমার গায়ে বেঁধে না! হুররে!!!’ স্প্রিংয়ের ওপর লাফিয়ে উঠল সর্বকর্মা, লোহার মাথা দিয়ে গদুতো মারলে দস্যু সিংখেলকে।

রাস্তায় লুটিয়ে পড়ল সিংখেল।

‘ফতে!’ জলদস্যুকে ঘা মেরে চেঁচিয়ে উঠল সর্বকর্মা।

মল্লগায় গাক-গাক করে উঠল ক্যাপটেন টগবগ। কিন্তু আহত সর্বকর্মা, জং ধরা সর্বকর্মাও খাড়া থাকতে পারল না। পড়ে গেল সে। কেল-ছোপ এসে কামড়ে ধরলে তার পা।

ঘৃষি মারতে মারতে দেড়েল দস্যু কাঁপিয়ে পড়ল তার ওপর।

‘মার সর্বকর্মা, মার!’ মাটিতে পড়ে থেকেই উপদেশ দিলে সিংখেল, ‘জোর ওর ফুরিয়ে আসছে! মার!’

সর্বকর্মা লাফিয়ে উঠেই — গদাম! দাঁত ঠকঠকিয়ে দেড়েল ধপাস্ করে পড়ল গদুপুচরের ওপর।

‘উহু গোছি রে, বাঁচাও!’ মিনতি করে উঠল দমবন্ধ সিংখেল।

‘ফতে!’ সর্বকর্মা বললে বটে, তবে গলার স্বর প্রায় শোনাই গেল না। হাত-পা সে নাড়াতে পারাছিল আঁত কষ্টে।

ধূর্ত গদুপুচর সিংখেল এই সময় অলক্ষ্যে পকেট থেকে বার করলে খেলনার দোকানে মেরে দেওয়া চুম্বকটি, বাড়িয়ে ধরলে সেটি সর্বকর্মার দিকে। লোহার মানুশটিও অজ্ঞান হয়ে পড়ে গেল, আটকে গেল চুম্বকটার সঙ্গে।

‘হি-হি!’ গলা ঘড়ঘড়িয়ে বললে সিংখেল, ‘ফতে-এ-এ!’

‘ফ-তে-এ!’ গাঙিয়ে উঠল ক্যাপটেন টগবগ, ‘ওকে বেঁধে ফেলা দরকার!’

বেচারি সর্বকর্মা কে বেঁধে ফেললে ডাকাতরা।

‘এইবার তোর ইক্ষুপ খুলে টুকরো টুকরো করব, নচ্ছার লোহার চ্যাঙড়া!’

স্কু-ড্রাইভার বার করলে সিংখেল, সেই ষেটিকে মেরে দিয়েছিল মিস্ট্রির কাছ থেকে। প্রথমে তার এক দিকটা ধরলে সে, তারপর অন্য দিকটা, ওলটালে, শৃংকেও দেখলে কী যেন। কিন্তু এ যন্ত্র কী করে ব্যবহার করতে হয়, ডাকাতরা সেটা জানত না। আগে কখনো স্কু-ড্রাইভার নিয়ে ওদের কাজ করতে হয় নি। তাই কোনো লাভ হল না।

স্কু-ড্রাইভার ছুড়ে ফেললে সিংখেল। ঠং করে কোথায় গিয়ে সেটা পড়ল।

‘ওইখানে!’ বললে দেড়েল ডাকাত।

‘ওইখানে মানে?’ জিজ্ঞেস করলে সিংখেল।

‘ওই যে ওইখানে একটা গর্ত, গর্তের ওপর লোহার কাছে।’

সত্যিই রাস্তায় ছিল ছোটো একটা ফুটো, তার ওপর লোহার ঝাঁঝরি। প্রত্যেক শহরেই রাস্তায় এই ধরনের ঝাঁঝরি-ঢাকা ফুটো থাকে। বৃষ্টির জল গলে যায় তা দিয়ে তলাকার ড্রেনে।

চকচক করে উঠল গুপ্তচরের চোখ।

‘ঠিক, ওখানেই কবর দেব সর্বকর্মাকে। জল বইছে তল দিয়ে, হি-হি — জল ছুটে যাচ্ছে নদীতে। ডুবে মরবে বেটা, কখনো আর আমাদের মারতে আসবে না।’

‘জল কোথায় ছুটে যাচ্ছে জানি না,’ হেঁড়ে গলায় বললে ক্যাপটেন টগবগ। ‘তবে ঐ দ্যাখ, পেনসিল পোটো নিজেই ছুটে আসছে আমার কাছে।’

অন্ধকার নির্জন গলিটা দিয়ে প্রাণপণে ছুটে আসাছিল পেনসিল। গুলির শব্দ তার কানে গিয়েছিল। ছুটে এল সে বন্ধুর সাহায্যে।

‘ছেড়ে দিন সর্বকর্মাকে! দয়া করুন ওকে!’

‘ওটি হচ্ছে না!’ নিখর সর্বকর্মাকে ড্রেনের জালি-ঢাকনাটার দিকে টানতে লাগল সিংখেল।

মরিয়া হয়ে পেনসিল ঝাঁপিয়ে পড়ল সশস্ত্র দস্যুদের ওপর। কাঁদলে সে, চেঁচালে, হাত-পা ছুড়লে। কিন্তু ডাকাতরা বেঁধে ফেললে ওকে, বস্তায় পুরলে, তারপর সর্বকর্মাকে ফেলে দিলে ড্রেনের ভেতর।

শোনা যাচ্ছিল নিচে জলের আওয়াজ...

মারা পড়ল লোহার ছোট মান্দুখিটি। প্রাণ গেল সর্বকর্মার। পেনসিলকে ধরে নিয়ে গেল ডাকাতেরা। আর বলার ক্ষমতা আমার নেই। আর কোনো কথাই বলব না, শুধু একটি কথা ছাড়া —

শেষ।

অধ্যায় একচল্লিশ

ভেনিয়া কাশিকনের লোহা জোগাড়

কিছুই আর বলব না ভেবেছিলাম, কিন্তু গলিতে হঠাৎ দেখা দিলে ভেনিয়া কাশিকন। মন তার খারাপ। প্যারেডে যাবার নিমন্ত্রণ পায় নি সে। ভাঙা লোহা-লকড় সেও জোগাড় করেছিল। প্রথমে সে রাস্তা থেকে নিয়ে আসে আবজর্না ফেলার পাত্র। কিন্তু ওকে বলা হল:

‘এটা কোনো ভাঙা লোহা নয়। যে সব ছেলেমেয়ে রাস্তায় কাগজে মোড়া বা কার্ডবোর্ডের কাপে ভরা আইসক্রীম কেনে, এটা তাদের জন্যে খুবই দরকার...’

ভেনিয়া কিন্তু সবটা শুনলেও না। রাগে সে খুঁতু ফেললে পাত্রটায়, বসিয়ে দিলে সেটা চকের একেবারে মাঝখানটায়। তারপর বুঝতেই পারছে, অভিমান করে বাড়ি চলে গেল টোলিভিশন দেখতে।

টোলিভিশন খুলতেই দেখা গেল সেই উৎসবটারই সম্প্রচার, ভেনিয়া যার নিমন্ত্রণ পায় নি।

অনেকক্ষণ ধরে ভেনিয়া দেখলে কী ভাবে ফুর্তি করছে সব ছেলেপিলে। তারপর নিজের মনেই বললে: ‘ভারি আমার আহা-মরি ব্যাপার, লোহা জোগাড় করো! অমন বাজে কাজে আমি নেই।’

আর টোলিভিশনের স্ক্রীনে দেখা গেল ফুর্তি করছে ছেলেপিলেরা, নাচছে সেই চকটাতেই যেখানে ডাস্টবিনটা রেখেছিল ভেনিয়া। ছেলেরাও আইসক্রীম খেয়ে কাগজের কাপগুলো ফেলছিল তাতে।

টোলিভিশন বন্ধ করে দিলে ভেনিয়া। ভারি একঘেয়ে লাগছিল তার। বেরিয়ে এল রাস্তায়। আর প্রশান্ত উপকূল দিয়ে যখন সে যাচ্ছিল, মনে হল যেন বস্তা ঘাড়ে দুজন লোক ঘুরে গেল শেষ বাড়িটার মোড়ে।

শিস দিলে ভেনিয়া, তাকিয়ে দেখলে রাস্তাটা। আর কারো কিছু না হারালে তকতকে ধোয়া রাস্তায় ড্রেনের ঝাঁঝরি ছাড়া আর কীই বা দেখা যাবে?

ঝাঁঝরিটার কাছ দিয়ে যাচ্ছিল ভেনিয়া।

আরে, কী যেন ঝকঝক করছে।

ঝাঁঝরির ফাঁক দিয়ে হাত ঢুকিয়ে চুম্বক সমেত সর্বকর্মাকে টেনে তুলল সে।

এ যে অসম্ভব! সত্যিই সর্বকর্মী নাকি?

হ্যাঁ, সর্বকর্মীই বটে। লোহার মানুষটা নিচে পড়ে যায় নি। চুম্বক আটকে

গিয়েছিল লোহার কাঁঝরিতে, আর সর্বকর্মা ঝুলছিল চুম্বকের গায়ে। নিচে কলকলিয়ে ছুটছিল জল। তবে সর্বকর্মা তখন আর কিছুর দেখাছিলও না, শুনছিলও না।

‘লোহা! ভাঙা-লকড়!’ খুশি হয়ে উঠল ভেনিয়া কাশকিন, ‘নিজেরই আমি খুঁজে পেয়েছি। এর জন্যে আমার সাইকেল দেবে। তাছাড়া ক্যামেরা। সবাই হিংসেয় জ্বলে মরবে। যাই বিজয় চকে।’

লোহার মানুষটিকে দোলাতে দোলাতে ছুটল ভেনিয়া।

বিজয় চকে ভেনিয়া সগর্বে ঢুকল কিশোর টেকনিশিয়ানদের দপ্তরে, বাড়িয়ে দিলে তার আবিষ্কার।

‘বাহবা!’ তারিফ করা হল ভেনিয়াকে, ‘কী একটা জং ধরা যন্ত্রের পার্টস তুই নিয়ে এসেছিস ঠিক বোঝা যাচ্ছে না। তবে লোহাটা খাটি, শক্ত। ওটাকে ফের গালাই করার জন্যে কারখানায় পাঠিয়ে দেব। এ থেকে হয়তো খেলনা বানাবে, হয়তো বা সত্যিকারের মোটরগাড়ি। আইসক্রীম খাবি?’

‘কিন্তু ক্যামেরা কই?’

‘ক্যামেরা সব ফুরিয়ে গেছে।’

‘যাক গে, তাড়াতাড়ি তাহলে সাইকেলটাই দিয়ে দিন, ক্যামেরার জন্যে কাল আসব।’

‘সাইকেল সব দিয়ে দিয়েছি আমাদের বিজয়ীদের। তুই এনেছিস এক কিলোগ্রাম নম্বুই গ্রাম ওজনের ভাঙা লোহা। আর যে প্রথম হয়েছে, সে জোগাড় করেছে একুশ কিলোগ্রাম...’

খালি হাতেই বেরিয়ে এল ভেনিয়া, ঘুরে বেড়াতে লাগল রাস্তায়, হঠাৎ চোখে পড়ল আবজনা ফেলার পাত্রটা। সেইটে, যেটাকে সে ভাঙা লোহা বলে চালাতে চেয়েছিল।

‘ওহো! পেয়েছি!’

গুতো মারলে সে পাত্রটায়, ঝেড়ে এক লাথি কষলে।

ঝনঝনিয়ে গাড়িয়ে গেল পাত্রটা, ছাড়িয়ে পড়ল কাগজের কাপগুলো। তবে কেউ সেটা লক্ষ করলে না, সবাই ফুর্তি করছে।

পাত্রটার পেছনে ছুটে গেল ভেনিয়া, লাথি মারতে মারতে তাকে নিয়ে গেল প্রশান্ত উপকূলের দিকে।

‘সব তোর দোষেই!’ চটে বললে ভেনিয়া, ‘আমি তোকে পেরেক মেরে ফুটো করে দেব, তারপর দিয়ে দেব ভাঙা লোহা হিশেবে। কেউ তখন আর বলবে না তুই

দরকারী জিনিস!.. উ'হু, যাক গে ফুটো আর করব না। সাইকেল তো আর মিলবে না। তোকে ফেলে দেব নদীতে। হাসির ব্যাপার হবে।'

শান্ত গলি দিয়ে ঝনঝনিয়ে ভেনিয়া কাশকিন এগুতে লাগল প্রশান্ত উপকূলের নিশ্চুতি নদীর দিকে।

অধ্যায় বেয়াল্লিশ

ভেনিয়ার বোস্বের্টোগরি

জাহাজে ডাকাতরা বস্তা থেকে পেনসিলকে বার করে তার বাঁধন খুলে দিলে।

‘ভাইটি আমার, লক্ষ্মীটি আমার,’ পেনসিলকে তোয়াজ করতে লাগল সিংধেল, ‘মিনতি করে তোকে বলছি, প্রথমে আমাদের জন্যে আইসক্রীম একে দে।’

‘এক পিপে মদ!’ দাবি জানাল জলদস্যু। বইয়ে যাদের কথা লেখা হয়, সত্যিকারের তেমন সমস্ত জলদস্যুর মতোই সেও মদ খেতে ভালোবাসে। ‘মদ! গলা আমার শুকিয়ে উঠেছে!’

‘কিছুই আমি আঁকব না,’ মদ গলায় হলেও দৃঢ়ভাবেই বললে পেনসিল, ‘সর্বকর্মাকে খুন করেছ তোমরা। মরে গেলেও আমি আঁকব না।’

‘আঁকবি না?’ চোখ পাকাল জলদস্যু, ‘মার খাবি তাহলে। বলছি আঁক! চটপট!’

ক্ষুদে পটুয়া কোনো জবাব দিলে না। সখেদে সে জাহাজের জানলা দিয়ে তাকিয়ে রইল কালচে জলের দিকে — এই জলকেই ভয় পেত নির্ভাঁক সর্বকর্মা।

কত সাধ্য-সাধনা করলে ডাকাতরা, কত শাসালে, একটি কথাও বললে না পেনসিল।

‘বন্ধ করে রাখ ওকে, বেঁধে রাখ! বসে থাকুক উপোস দিয়ে।’

‘আর আমাদের কী হবে?’

‘ভাবনা কী!’ বললে দেড়েল ডাকাত, ‘ছ’গন্ডা পায়রা মারব। খাওয়া যাবে পায়রার রোস্ট। কাল আমার জাহাজ ছেড়ে যাবে এই যাচ্ছেতাই শহরটা থেকে। চলে যাবে খোলা মহাসাগরে, ব্যাটা পোটোকে আঁকতে বসা। এ জাহাজের ক্যাপটেন আমি। কাল হুকুম দেব, পাল তোলো!’

‘কিস্তু তুলবে কে?’ ভয়ে ভয়ে জিজ্ঞেস করলে সিংধেল।

‘কে আবার, মাল্লা-খালাসিরা!’

‘ম-মাল্লা! কিসের মাল্লা? আমাদের এখানে মাল্লা কোথায়?’



‘আমি যদি ক্যাপটেন হই,’ বললে জলদস্যু, ‘তাহলে বোঝাই যাচ্ছে মাল্লা হচ্ছিস তুই!’
‘আমি মাল্লা নই। পাল তুলতে আমি পারিই না। কমজোরী লোক আমি,’
ঘ্যানঘ্যান করলে গদুপুচর।

‘যত বাজে কথা! কিস্যু না! আমি তোকে শিখিয়ে দেব। অবিশ্যি তুই কমজোরী লোক, তা ঠিক। আমার জাহাজে সত্যিকারের টিম নেই। অন্তত আরো একজন ডাকাত পেলেও হত,’ বললে ক্যাপটেন টগবগ।

তীরে শোনা গেল দূর্বোধ্য একটা ঝনঝন। ডেকে ছুটে এল ডাকাতরা। ডাস্টবিনটাকে ভাসমান দোকানের জেটির দিকে লাথিয়ে আনছিল ভেনিয়া। ঝমঝম ঝনঝন করছিল ডাস্টবিন, লাফাচ্ছিল, পালিয়ে যেতে চাইছিল ভেনিয়ার কাছ থেকে, ফুটবল যেমন পালায় খেলোয়ারকে ফেলে। ভেনিয়া কিস্তু ছুটে গিয়ে লাথি ঝাড়াছিল তার পেটে।

‘হুঁররে!’ চেঁচাচ্ছিল ভেনিয়া, ‘আরো এক শট! গোল!’

বেশ ফুতিই লাগাচ্ছিল ভেনিয়ার। এত হৈচৈ, ঝনঝন, অথচ কেউ ধমকাচ্ছে না। নেই কেউ: সবাই গেছে উৎসবে।

‘কেরে দস্যুটা!’

খুলে গেল তিন তলার জানলা, দেখা গেল ঘুম-পাওয়া এক বৃদ্ধিকে।

‘কী লাগিয়েছিস এ সব! দেব কষে কান মলে, হতচ্ছাড়া দস্যু!’

‘দস্যু!’ খুঁশ হয়ে উঠল সিঁধেল, ‘শুনলেন ক্যাপটেন? লোকটা দস্যু। ঠিক যেটি চাইছিলাম। ও হবে খালাস। আমিও হুকুম দিতে চাই বইকি!’

দাঁড়ি ঝেড়ে বুক টান করে দাঁড়াল ক্যাপটেন টগবগ।

‘দস্যু মশায়! আমার জাহাজে একবারটি আসবেন কি? আমি হলাম ক্যাপটেন টগবগ। আসুন এখানে।’

‘কে? আমি যাব জাহাজে?’ নিজের কানকেও ভেনিয়ার বিশ্বাস হচ্ছিল না।

‘আপনি বইকি! ডেকে উঠে আসুন।’

সম্মোহিতের মতো ভেনিয়া এগিয়ে গেল প্যারাপেটের দিকে। সামনে তার দাঁড়িয়ে আছে আশ্চর্য এক পাল-তোলা জাহাজ, নদীর ঢেউয়ে দুলছে।

‘স্যালিউট!’ হুকুম দিলে ক্যাপটেন টগবগ, ‘তোপ স্যালিউট!’

ঘটনাটা হল একেবারে সিনেমার মতো। গর্জে উঠল কামান। বারুদের শাদা ধোঁয়া উঠল মাস্তুলের ওপর। ঝট করে বন্ধ হয়ে গেল তিন তলার জানলাটা।

‘হুঁররে!’ চেঁচিয়ে উঠল ডাকাত সিঁধেল।

‘বাঃ!’ হেসে উঠল ভেনিয়া কাশকিন।

জাহাজ থেকে তীরে নামানো হল সরু কাঠের সিঁড়ি। ঢেউয়ে জাহাজটা সরে এসেছিল একেবারে তীরের কাছে। ডেকে লাফিয়ে নামল ভেনিয়া। ক্যাপটেন প্রথমে পদ্রনো দোস্তের মতো কোলাকুলি করলে ভেনিয়ার সঙ্গে, সড়সড়ি দিলে তার পার্টিকলে দাঁড়ি দিয়ে। তারপর গল্পচর এসে পিঠ চাপড়ে দিলে তার।

‘সাবাস দোস্ত!’ চোখ মটকালে জলদস্যু, ‘কেমন চলছে। লুটলে কত?’

‘আমি?’ অবাক হয়ে গেল ভেনিয়া, ‘আমি তো কিছু লুট করি নি...’

‘শোনো কথা! হা-হা-হা! ও কথা আমরা বিশ্বাস করব ভেবেছি। তুই যে ডাকাত! নে বল তোর ডাকাতে ওরফে নামটা কী?’

‘কিসের ওরফে!’

‘আরে ওই যে... কী বলে তোকে ডাকে?’

‘ভেনিয়া বলে।’

‘আর আমি হলাম ক্যাপটেন টগবগ।’

‘আপনি নিশ্চয় খুব নামকরা ক্যাপটেন,’ বললে ভেনিয়া, ‘কোথায় যেন আপনাকে দেখেছি।’

‘নামকরা তো বটেই। যাবি আমার সঙ্গে সমুদ্র যাত্রায়? বাঁয়ে ঘোরাও, ডাইনে ঘোরাও?’

‘যাব,’ লাফিয়ে উঠল ভেনিয়া, ‘বাঁয়ে হাল! ডাইনে হাল!’

‘খাশা! তোকে আমার দঙ্গলে নেব, মানে দলে। একসঙ্গে ডাকাতি করে বেড়াব। চালাও গুলি, লাগাও আগুন, লুট করো।’

‘আমি লুট করতে পারি না,’ বললে ভেনিয়া।

‘হা-হা-হা! রগড়ে বটে!’ হেসে উঠল সিঁধেল, ‘সত্যিই কি তুই কখনো পরের জাহাজ লুটিস নি, ডোবাস নি?’

‘হা-হা-হা! আমরা তোকে শিখিয়ে দেব,’ বললে জলদস্যু, ‘এবার আমাদের সত্যিকারের দল হয়েছে। তুই হালি আমাদের কুড়ে-সাঙাত... থুড়ি... ধেড়ে-ডাকাত!’

‘আমি ডাকাত নই,’ কিছুই বদ্বতে না পেরে তো-তো করলে ভেনিয়া, ‘লুটপাট আমি করব না।’

ডাকাতে-ডাকাতে চেহারা, বাঁকা ভোজালি, পিস্তল — এ সব কেবল এতক্ষণেই চোখে পড়ল তার। ভয় করতে লাগল।

‘তাহলে তুই করবি-টা কী?’ মৃদু অঁধার করলে জলদস্যু।
‘জাহাজ চালাব। সমুদ্রে, ঢেউ ভেঙে যাব...’
‘জাহাজ চালাবি? শূন্যছিস সিংধেল, উনি নাকি জাহাজ চালাবেন! ডাইনে হাল, বাঁয়ে হাল! আরো তোর কী সখ শূনি?’ বিদ্রোহের আনন্দে জিজ্ঞেস করলে ক্যাপটেন।
‘বাড়ি যাব।’ ফুঁপিয়ে উঠল ভেনিয়া কাশকিন।
‘বিশ্বাসঘাতকতা!’ ধমকে উঠল জলদস্যু, ‘বেইমানি! পালাবার মতলব?! ঝুলিয়ে দাও ওকে মাস্থুলে, পাঁজি কোথাকার!’
দড়ি নিয়ে এল ক্যাপটেন, কিন্তু সিংধেল ওর কানে ফিসফিস করলে:
‘ফাঁস দেবেন না ক্যাপটেন, তাহলে আমাদের কোনো খালাসি থাকবে না।’
আতঙ্কে ডুকরে কেঁদে উঠল ভেনিয়া:
‘মাকে বলে দেব!’
‘হা-হা-হা!’ অট্ট হাসলে ডাকাতরা, ‘হো-হো-হো!’
‘মাগো! মা!’
ভেবেছিল লাফিয়ে পড়বে তীরে। কিন্তু ডাকাতরা পাকড়ে ধরল ওকে, বেঁধে ছেঁদে ঢুকিয়ে দিলে যেখানে পেনসিল বসেছিল, বন্ধ করে দিলে তালা।
উপকূল দিয়ে তখন ইঞ্জিনের গর্জন তুলে ছুটে যাচ্ছিল একটা ট্রাক; তাতে লেখা:

‘লোহা-লক্কড়’

ট্রাকটা যাচ্ছিল শহরের অন্য প্রান্তে, গালাই-কর চকে।

অধ্যায় তেতাল্লিশ

গালাই-কর আর সেক্স পেরেক

ভাত সেক্স করা দেখেছ কখনো? কিংবা আলু? চাল সেক্স হতে পারে। সেটা তেমন কঠিন কিছু নয়। কিন্তু লোহার পেরেক সেক্স করা যায় কি? এমন সেক্স যাতে পেরেকগুলো গলে যাবে? এক্ষুনি জানা যাবে ব্যাপারটা।

শহরের শেষ প্রান্তে গালাই-কর চকে সারা রাত কাজ চলেছে এক মস্তো কারখানায়। প্রকান্ড এক পাথরে চুল্লি আছে কারখানাটায়।



এমন গনগনে চোখ-খাঁখানো আগুন জ্বলে সেখানে যে সোজাসুজি তাকানো যায় না। লোহা সেক্ষ হয়েছ এ সব চুল্লিতে। সে লোহা আগুনের মতো গরম, গুড়ের মতো তরল। গলে গেছে তা আখায় চাপানো আইসক্রীমের মতো।

আগুনের কাছে এল গালাই-কর। লোকে তার এ নাম দিয়েছে কারণ যে কোনো শক্ত ইস্পাত সে গলাতে পারে। কালো কাঁচের ভেতর দিয়ে সে গলা লোহার দিকে চেয়ে বললে:

‘সব ঠিক আছে।’

এই সময় গালাই-করের টেলিফোন বেজে উঠল।

‘হ্যালো, আমি গালাই-কর,’ বললে সে টেলিফোনের রিসিভারে।

‘একবারটি গদামে আসুন,’ টেলিফোনে বলা হল তাকে, ‘দেখে যান কী ধরনের লোহা-লকড় পাঠিয়েছে ছেলেরা।’

‘ঠিক আছে। শীগগির আমার শিফট শেষ হচ্ছে। তখন যাব।’

সকাল হয়ে যখন কারখানার রাতের শিফট শেষ হল, গালাই-কর তখন তার কাজের পোষাক খুলে রেখে গেল গদামে।

‘চমৎকার সব লোহা-লকড় পাঠিয়েছে তো ছেলেরা,’ তারিফ করলে সে, ‘সাবাস! কিন্তু এটা আবার কী মজার যন্ত্র?’

‘কীসের যন্ত্র?’ জিজ্ঞেস করলে গদাম-দার, ‘ও, এইটে? আমি নিজেই ধরতে পারছি না। কী সব স্প্রিং, ইস্‌কুপ, ভারি অদ্ভুত। কিন্তু যখন আমাদের এখানে পাঠিয়েছে, তখন নিশ্চয় ওই জং ধরা জিনিসটা কারো কাজে লাগছে না। ওটাকে গলিয়ে কোনো একটা দরকারী জিনিস বানানো দরকার। কিন্তু দাঁড়ান, দাঁড়ান। দেখতে যেন মানুষের মতো। তাই না?’

‘সত্যিই তো। আমার মনে হয় এটা কোনো খেলনা। বিকল হয়ে গেছে। জিনিসটা আমায় দিন-না। আমার ছেলে তিমা এখন কিশোর টেকনিশিয়ান হয়েছে। খেলনা মেরামত করে।’

‘বেশ, নিন। তবে ওটা মেরামত করতে হলে আপনার ছেলেকে অনেক খাটতে হবে।’

‘তাতে ছেলের উপকারই হবে। আমার ছেলে ওস্তাদ হতে চায়। শুধু যেমন-তেমন নয়, সত্যিকারের ওস্তাদ। ধন্যবাদ আপনাকে। আসি।’

‘আসুন।’

পনের নম্বর ট্রলিবাসে চেপে গালাই-কর গেল তকতকে গলিতে। বগলে তার কাগজে মোড়া ছোট্ট একটা জং ধরা লোহার মান্দুস।

ছ’তলায় উঠে ২১ নম্বর ফ্ল্যাটের ঘণ্টা টিপলে সে। দরজা খুললে তিমা নামে ছোট্ট একটা ছেলে। আরে হ্যাঁ, সেই তিমা। তোমরা জানতে না বন্ধি, তিমার বাবা গালাই-কর?

‘বাবা?’ বললে তিমা।

‘হ্যাঁ রে বোটা। এই নে তোর জন্যে একটা উপহার — লোহার মান্দুস। ভালো করে দেখে শুনে ভেবে দ্যাখ কী করা যায় ওটাকে নিয়ে, মেরামত করা যায় কী ভাবে।’

‘কেরোসিন দিয়ে ধুয়ে পরিষ্কার করে ইস্ফুপগুলো আঁটতে হবে, রঙ করাও দরকার,’ বললে তিমা।

বাপের উপহারটা আরেকবার নজর করে হঠাৎ সে চেঁচিয়ে উঠল:

‘আমি যে একে চিনি! বাবা, এ হল সর্বকর্মা!’

‘কীসের সর্বকর্মা?... ও হ্যাঁ,’ মনে পড়ল বাবার, ‘আমি ওকে চিনতেই পারি নি। ইস্ফুপ টিস্ফুপ একেবারে খুলে গেছে। নিশ্চয় বিপদে পড়েছিল কোনো। চটপট মেরামত করা দরকার। বেচারি সর্বকর্মা!’

সর্বকর্মাকে তিমা ভিজিয়ে রাখলে কেরোসিনে, শিরীষ কাগজ দিয়ে এমনভাবে পরিষ্কার করলে যে লোহার মান্দুসটি ঝকঝক করে উঠল নতুনের মতো। স্ফু-ড্রাইভার নিয়ে তিমা সবকিছু ইস্ফুপকে এঁটে দিলে। তারপর পরিষ্কার ন্যাকড়ায় তাকে মদুছে নতুন রঙ চাপালে। নতুন পোষাকে ভারি সুন্দর দেখাল সর্বকর্মাকে। কিন্তু নড়াচড়া তার দেখা গেল না।

‘কী করা যায় তাহলে?’ কাঁধ কোঁচকালে গালাই-কর।

‘আমি ঠিক পারছি না,’ স্বীকার করলে তিমা, ‘শোনো বাবা, আমি কিশোর টেকনিশিয়ানদের প্রাসাদে গিয়ে নামকরা সেই পেনসিলপদ্র প্রদীপকে নিয়ে আসব। এত তার নাম, এমন সে ওস্তাদ, নিশ্চয় সারিয়ে দেবে।’

‘উংহ্, দাঁড়া,’ বললে বাবা, ‘সর্বকর্মাকেই ওখানে নিয়ে যাব আমরা। ওস্তাদ ওখানে আরো পাওয়া যাবে। পেনসিলপদ্রের ওপর আমার বড়ো একটা ভরসা নেই।’

অধ্যায় চুয়াল্লিশ

ছুটন্ত গালিচা, কথা-কওয়া দরজা

কিশোর টেকনিশিয়ানদের প্রাসাদটা ছিল মেকানো রাস্তায়। তিমা আর গালাই-কর এসে দাঁড়াল পেঞ্জাই দরজার কাছে, কোনো হাতল নেই তাতে। দরজা কিস্তু আপনা থেকেই খুলে গেল তাদের সামনে।

এ হল স্বয়ংক্রিয় দরজা। অমায়িকভাবে দরজা বললে: ‘স্বাগতম্।’

মেঝের ওপরকার ফুঁয়ো-ফুঁয়ো সুন্দর গালিচাটা মেঝের সিঁড়ির মতো ছুটতে লাগল তাদের পায়ের তলে, মানুষের গলায় বললে:

‘কোন বিভাগে যাবেন?’

গালিচাটাও স্বয়ংক্রিয়।

‘ঠিক জানি না,’ বললে গালাই-কর। ফুঁয়ো-ফুঁয়ো গালিচাও অমনি থেমে গেল।

প্রকাণ্ড হল-ঘরটায় বুলছে বিখ্যাত প্রত্নতত্ত্ব পেনসিলপদ্রের পোর্ট্রেট। বাঁ দিকে জন কয়েক ছেলে দূর্বোদ্ধ কী একটা যন্ত্র নিয়ে ঠুকছে, ঘোরাচ্ছে, ফুটো করছে।

‘আমরা বানাচ্ছি স্বয়ংক্রিয় পোষাক-বরদার। নিজেই সে অভ্যাগতদের ওভারকোট খুলে নিয়ে টাঙিয়ে রাখবে,’ গালাই-কর কাছে আসতেই ছেলেগুলো জানাল তাকে।

গালাই-কর বললে, ‘তোমাদের এখানে একটি লোহার মানুষ এনোঁছ আমরা। নষ্ট হয়ে গেছে, মেরামত করা দরকার। কে করতে পারবে বলো তো?’

‘প্রত্নতত্ত্ব পেনসিলপদ্র,’ বললে তিমা।

‘ঠিকই,’ সায় দিলে ছেলেগুলো, ‘পেনসিলপদ্র খুবই নামকরা ওস্তাদ। ওর চেয়ে ভালো আর কাউকে পাওয়া যাবে না।’

‘তাহলে পেনসিলপদ্রকে একটু ডেকে দাও-না ভাই,’ বললে তিমার বাবা গালাই-কর।

‘কী বলছেন আপনি!’ বললে ছেলেরা, ‘পেনসিলপদ্র এখন খুবই বাস্তব। অপেক্ষা করতে হবে আপনাকে। আইসক্রীম কারখানার লোকেরা তার কাছে এসেছে জরুরী কাজে। আইসক্রীম খেয়ে পরীক্ষা করে দেখছে সে। নতুন আইসক্রীম — নাম তার ‘প্রত্নতিক’।’

‘নতুন আইসক্রীম চেখে দেখা — খুবই জরুরী কাজ নিশ্চয়,’ বললে গালাই-কর, ‘তাহলেও অনুরোধ করছি, ডেকে দাও-না ভাই। লোহার মানুষটির বড়োই বিপদ।’

অসাড় সৰ্বকৰ্মাৰ দিকে চাইলে ছেলেরা, মাথা নাড়লে, তারপর কী একটা ঝকঝকে বোতাম টিপলে দেয়ালে। তীক্ষ্ণ একটা সংকেতধ্বনি শোনা গেল।

ছবি ফুটে উঠল টেলিভিশনে। দেখা গেল সেই ঘরটা, যেখানে বসে বসে আইসক্রীম খাচ্ছে প্রদীপ্তা পেনসিলপদ্র।

‘কে আমায় ডাকছে?’ অসন্তোষে জিজ্ঞেস করলে সে।

‘তোরা সাহায্য দরকার,’ বললে ছেলেরা, ‘জরুরী সাহায্য।’

‘দেখতে পাচ্ছ না? আমি ব্যস্ত।’

‘মাপ কর, কিন্তু এতই গুরুতর কাজ যে তোকে ছাড়া চলবে না।’

‘তাই যদি হয়,’ সগৰ্বে কিংকিঁচ করলে পেনসিলপদ্র, ‘তাহলে মিনিটখানেকের জন্যে যাচ্ছি।’

ধীরেসুস্থে ঘরে ঢুকল সে, নামকরা লোকেদের ষেভাবে ঢোকা উচিত।

‘কী ব্যাপার?’

‘লোহার মানদ্রুটিকে সারিয়ে দে ভাই।’

সৰ্বকৰ্মাৰ দিকে তাকিয়ে দেখেই সে লুটীয়ে পড়ল তার ওপর। চোঁচিয়ে উঠল:

‘সৰ্বকৰ্মা! লাফাচ্ছ না কেন? কে তোমার এই দশা করলে?’

‘মেরামত করা দরকার। তাহলে ও বলবে কে করেছে,’ বললে ছেলেরা।

‘আমি — মে-মেরামত করতে জানি না,’ ফুঁপিয়ে কেঁদে উঠল প্রদীপ্ত, ‘আমি কিছুই পারি না। জাহাজটা বানিয়েছি আমি নই, বানিয়েছে ও — সৰ্বকৰ্মা। বেচারি সৰ্বকৰ্মা!’ কান্নায় গাল ভাসিয়ে বললে ছেলেটা।

‘সময় নষ্ট করে লাভ নেই,’ শাস্তভাবে বললে গালাই-কর, ‘লোহার মানদ্রুটিকে মেরামত করতে কে পারবে?’

‘আমরা!’ জবাব দিলে ছেলেরা।

‘আমিও চেষ্টা করে দেখি,’ বললে তিমা।

‘বেশ, যন্ত্রপাতি নাও। আমার মনে হচ্ছে, ইস্কুপগুলো আরেকবার পরখ করা দরকার।’

সাধবানে প্রতিটি ইস্কুপে পাক দিয়ে দেখা হল, যাচাই করা হল প্রতিটি স্প্রিং।

হঠাৎ চোখ মেললে সৰ্বকৰ্মা।

‘প্রদীপ্ত? তিমা? তোরা এখানে এলি কোথেকে? ডাকাতরা কোথায়? পেনসিল কোথায়?’ লাফিয়ে উঠে চোঁচিয়ে উঠল সৰ্বকৰ্মা, ‘ডাকাতরা খুন করবে পেনসিলকে। ওদের যে পিস্তল আছে। জাহাজ দখল করে বসেছে ওরা।’

‘কোন ডাকাত? কিসের পিস্তল?’ জিজ্ঞেস করলে গালাই-কর।
‘জলদস্যু আর গদুপ্তচর সিঁধেল।’
‘বোঝা গেল,’ দীর্ঘশ্বাস ফেললে গালাই-কর, ‘যত রাজ্যের গদুপ্তচর আর জলদস্যুর
বই পড়ে বেচারি লোহার মানদুর্ঘাট মগজ ভর্তি করে ফেলেছে...’
‘শীগগির চলো প্রশান্ত উপকূলে। বাঁচাও পেনসিলকে!’ ডাকলে সর্বকর্মা।
‘আমার বাবা পেনসিলকে বাঁচাও!’ কেঁদে ফেললে ছোট্ট প্রদীপক।
‘বাঁচিয়ে দাও, বাবা,’ বললে তিমা।

অধ্যায় পঁয়তাল্লিশ

ঘটনার সমাপ্তি

জলদস্যুর কালো পতাকা গলুইয়ে উড়িয়ে ‘প্রদীপক’ জাহাজ দূর যাত্রায় তৈরি
হচ্ছে। হাত-পা বাঁধা বন্দীরা বসে আছে ঘিঞ্জি কোবনে। ডেকে দাঁড়িয়ে আছে
দুর্দর্শন এক ক্যাপটেন, পার্টাকলে তার দাড়ি, রোমশ বৃকের ওপর জাহাজী ফতুয়া,
কোমরে প্রকাণ্ড পিস্তল।

‘তোলো পাল!’ হুকুম দিলে ক্যাপটেন টগবগ।

এ হুকুম সে দিয়েছে ছাব্বিশ বার। খালি পায়ে মাছুলে মাছুলে উঠেছে রেগে-কাঁই
খালিস সিঁধেল। হাঁসফাঁস করেছে সে, ফোঁৎফোঁৎ করেছে, গালাগালি দিয়েছে। পাল
খাটাচ্ছে সে আড়াই ঘণ্টা ধরে, এখন এই শেষ পালটি বাকি।

তীর বরাবর গোটা রাস্তা ভরে উঠেছে উৎসুক ছেলোপিলেয়। খন্দেরের অপেক্ষায়
ভাসমান দোকানটা দাঁড়িয়ে আছে জেটিতে। কিন্তু কলের জাহাজের জন্যে খন্দেরদের
তখন আর গরজ নেই।

রওনা দিচ্ছে যে পাল-তোলা জাহাজ!

দোকানে বসেছিল নাবিকের মতো দেখতে গুঁপো লোকটা। পাল খাটানো দেখছিল
সে, আর কে জানে কী সব কথা বলছিল নিজের মনে:

একেবারে আনাড়ী! এই তোমার নাবিক? আরে ওভাবে নয়! ওভাবে নয়!
অমন লট-পটকরা কাঠির ওপর ন্যাতা আর টানিস না।’

তীরের কাছে নতুন বাড়ি তুলছিল যেসব শ্রমিক, তারা সিগারেট খাবার জন্যে ফ্রেন
খামিয়ে দিলে। জাহাজের জলযাত্রা দেখতে সবারই আগ্রহ।

এবার শেষ পালটিও বাতাসে ফুলে উঠল।



‘নোঙর তোলো!’ হুকুম দিলে ক্যাপটেন।
 কে’পে উঠে জাহাজ, ধীরে ধীরে সরে যেতে লাগল তীর থেকে।
 ‘থামো! আটকাও ওদের!’ শোনা গেল কার একটা গমগমে গলা।
 জেটির কাছে এসে দাঁড়াল এক ট্যান্ক। দরজা খুলে লাফিয়ে নামল তিমা, গালাই-
 কর, সর্বকর্মা আর প্রদ্রিতক।
 ‘আটকাও ওদের!’ বললে গালাই-কর, ‘ওরা ডাকাত!’
 ‘শুনছি, এরা তাহলে ডাকাত!’ কলরব করে উঠল ছেলোপিলেরা, ‘সত্যিকারের
 ডাকাত! কী মজা!’
 ‘থামো বলছি!’ আদেশ করলে গালাই-কর।
 ‘কোথায় পেনসিল? ফিরিয়ে দাও পেনসিলকে!’ চ্যাঁচালে তিমা আর সর্বকর্মা।
 ভয়ঙ্কর অবাক হয়ে ডাকাতরা তাকালে সর্বকর্মার দিকে।
 ‘সেটি হচ্ছে না!’ সাহস ফলিয়ে বললে সিংধেল, ‘মনের আনন্দে পড়ে থাকো!
 লবডস্কা! আমরা কেটে পড়ছি!’
 ‘মোটর-বোটে স্টার্ট দিন একটু, ওদের ধরতে হবে,’ নাবিকের মতো দেখতে
 গুপো লোকটাকে বললে গালাই-কর।
 ‘চেষ্টা করে দেখি। তবে মোটরে আমার গড়বড় আছে। চট করে সারাতে পারব
 বলে ভরসা হচ্ছে না!’
 ‘আসি গো!’ ডেকের ওপর ডাকাতে নাচ নাচতে নাচতে ঠাট্টা করলে ডাকাতরা,
 ‘লবডস্কা!’
 ‘কী করি তাহলে?’ বললে গালাই-কর, ‘সাঁতরে গিয়ে ওদের ধরতে পারব না!’
 চারিদিকে তাকিয়ে দেখল সে, ‘এই কমরেডরা!’ হাঁক দিলে সে ফ্রেনচালক মজদুরদের
 দিকে, ‘ফ্রেন দিয়ে তুলে নাও না ভাই জাহাজটাকে!’
 ক্রমেই সরে যাচ্ছিল জাহাজটা। কিন্তু ডাকাতদের ভয়ঙ্কর আঁতকে দিয়ে ফ্রেনের
 লম্বা হাতটা চলে গেল জলের ওপর তারপর ওপরকার দাঁড়ি দড়ায় হুক আটকে
 আলগোছে তুলে নিলে জাহাজটা।
 ‘বাঁচাও! বাঁচাও!’ চেঁচাতে লাগল তারা, ‘লুঠ করলে!’
 ডেকের ওপর লাফালাফি ছুটোছুটি লাগালে তারা। জাহাজটাও টলমল করে
 উঠল, ডাকাতরাও কেলো-ছোপের সঙ্গে উলটে পড়ল নদীর জলে।
 ‘ডুবে মলম! বাঁচাও!’ আওয়াজ ছাড়লে সিংধেল।
 ‘টগ্-বগ্-বগ্!’ হাবুডুবু খেতে খেতে বুদ্ধদ ছাড়লে ক্যাপটেন টগবগ।



অমন জলদস্যু, নামকরা বোম্বেটে, দেখা গেল সাঁতরাতে জানে না।

‘ডেক থেকে লোক পড়ে গেছে,’ বললে নাবিকের মতো দেখতে গুঁপো লোকটা।
ডুবন্তদের বাঁচাবার জন্যে মৃহূর্তে সে ঝাঁপিয়ে পড়ল নদীতে।

জাহাজটাকে নামানো হল তীরে। হাতে পায়ে ভর দিয়ে ডেকে উঠল সর্বকর্মা।
যে কেঁবিনে বন্দীরা ছিল তার তালা খুলে দিলে গালাই-কর।

কেঁবিনে ঢুকে পড়ল সর্বকর্মা। ঢুকল তো ঢুকলই, অনেকক্ষণ তাকে আর দেখা
গেল না।

কখন কেঁবিন থেকে বেরিয়ে এসেছে ভেনিয়া কাশকিন। ভিজ্জে জবজবে কাহিল দই
ডাকাতকে নিয়ে আসা হল তীরে, নাবিকের মতো দেখতে গুঁপো মানুষটা তাদের ঘাড়
ধরে ঝোলাচ্ছে যেন দই কুকুর-ছানা।

এসে গেল মোটর সাইকেলে পাহারাওয়ালা।

‘এরাই সেই ডাকাত?!’ জিজ্ঞেস করলে সে।

‘এরাই!’

‘বটে!’

‘হঠাৎ হয়ে গেছে!’ চেঁচাল ডাকাতেরা, ‘আর ক’খখনো করব না!’

হেসে উঠল সবাই।

‘কিস্তু কী করবে না?’ জিজ্ঞেস করলে পাহাড়াওয়ালা।

‘ডাকাতি করব না!’

‘বেশ, তাহলে কী করবে?’

‘কিছুই না!’ কসম খেলে ডাকাতরা।

‘সোঁটি হচ্ছে না। “কিছুই না” আমাদের এখানে চলে না। কাজ করতে হবে, হে
ডাকাতেরা। কাজ!’

‘কাজ করতে যে আমরা জানি না!’

‘এমন লোক জীবনে এই প্রথম দেখছি! কাজ না করে বসে থাকতে একঘেয়ে
লাগে না?’ অবাক হল পাহাড়াওয়ালা, ‘কিস্তু কিছুই কি করতে পারো না তোমরা?’

‘আমি হুকুম করতে পারি! বাঁয়ে হাল! ডাইনে হাল!’ বড়াই করলে জলদস্যু।

‘আমি পারি তক্কে তক্কে থাকতে, পেছা ধরতে, নজর রাখতে,’ বললে সিংখেল।

‘কোনোটাই চলবে না। পেছা ধরা, নজর রাখার কোনো দরকার নেই আমাদের!’

‘ছি-ছি-ছি!’ বললে সবাই, ‘স্রেফ অবিশ্বাস্য ব্যাপার। দ্যাখো-না এই লোকদুটোকে।
কিছুই নাকি ওরা পারে না!’

‘এ লোকটা তক্কে তক্কে থাকতে পারে বলছে, না?’ গদুগুচরকে দেখিয়ে বললে একজন লোক, ‘ঠিক এইটেই আমার দরকার। আমি হলাম শহরের উদ্যান-পাল। বাগান, বুলভার, পার্ক-গলোয় ও আমার কাজ করবে। গাছ-খেকো কীট, শৃঙ্গোপোকা — এই সব অনিষ্টকর জীবের পেছন্দ নিয়ে সে তাদের ধরবে।’

‘ঘেউ-ঘেউ!’ চ্যাঁচালো ভেজা কুকুর ক্লে-ছোপ। ও বলতে চাইছিল: ‘আমিও পোকা মাকড় খুঁজে বার করতে পারি।’

‘গাছ-খেকো পোকা খোঁজাটা খুবই উপকারী কাজ।’ বাহবা দিলে নাবিকের মতো দেখতে গদুপো লোকটা। সেই সঙ্গে যোগ দিলে, ‘আর এই ভেজা-জবজবে অকস্মা ক্যাপটেনটিকে আমি নেব আমাদের দোকানে। আমার একজন সহকারী দরকার। ছাঁকনি দিয়ে কলের জাহাজ ছেঁকে তুলবে জল থেকে। পাল-তোলা জাহাজটায় খুলব আমাদের দোকানের একটা শাখা।’

‘হুঁররে!’ চোঁচিয়ে উঠল সমস্ত ছেলোঁপলে, ‘হুঁররে!’

ক্যাপটেন টগবগ ভাসমান দোকানের কর্মচারী হয়ে গেল বলে হুঁররে দেয় নি তারা।

জাহাজের কেবিন থেকে তখন অবশেষে বেরিয়ে আসছিল দুই বন্ধু। আনন্দে হাসছিল সর্বকর্মা।

ফুঁতিবাজ পটুয়া হেসে হাত নাড়াচ্ছিল সমস্ত ছেলেদের উদ্দেশে। আর ছেলেরা, তিমা আর প্রদীপক ইতিমধ্যেই সব ঘটনাটা বলে দিয়েছিল তাদের, ধনি দিলে:

‘নিভাঁক সর্বকর্মা জিন্দাবাদ!’

‘দুনিয়ার সবচেয়ে বড়ো ষাদুকর পটুয়া পেনসিল জিন্দাবাদ!’

হুঁররে! হুঁররে! হুঁররে!

তিমাকে কোলে তুলে নিলে গালাই-কর, সব ষাতে সে দেখতে পায়!

‘হুঁররে!’ বললে তিমা, ‘ফতে! হুঁররে!’

অধ্যায় ছেচল্লিশ

গল্পের শেষ

দিন কয়েক পরে শহরের সবচেয়ে সুন্দর চক বলমলে চকে দেখা গেল প্রকাণ্ড এক পোস্টার, যে কেউ তা পড়তে পারে:



ছেলোপিলেরা !

যাদুকরী ছবি

আঁকা শিখতে চাও কেউ ?

তাহলে পেনসিল আর সর্বকর্মার

নতুন ইশকুলে ভর্তি হও !

ইশকুলটা খুলেছে রোমান্টিক চকের

স্বপ্নিল রাস্তায় ২১ নম্বর বাড়িতে।

এখানে সব রকমের যাদুকরী

ছবি আঁকা শেখানো হবে।

ছবিতে যে বাড়িটা আঁকবে

সেটা মাথা তুলবে সবচেয়ে সুন্দর সুন্দর সবুজ রাস্তায়।

হাসিখুশি দিলদরাজ সব

লোক বাস করবে সে সব বাড়িতে।

তোমাদের আঁকা মোটরগাড়িতে চেপে ঘুরে বেড়াবে তারা,

পরবে তারা তোমাদের আঁকা পোষাক,

যাবে তোমাদের আঁকা থিয়েটারে।

শহর, গাড়ি, কারখানা, ইশকুল, রাস্তা, এরোপ্লেন —

লাখ লাখ হরেক রকম উপকারী জিনিস

তোমরাই ভেবে বার করবে, আঁকবে।

তোমরাই আগে রকেট এঁকে নেবে,

সে রকেট তোমাদের নিয়ে যাবে চাঁদে।

যে চাও, যাদুকরী ছবি আঁকা শিখে নাও,

নতুন ইশকুলে ভর্তি হও !

তোমাদের আমন্ত্রণ জানাচ্ছে:

যাদুকর পটুয়া, আঁকার মাস্টার

পেনসিল।

এবং প্রধান বৈজ্ঞানিক, উপদেষ্টা-ইঞ্জিনিয়ার ওস্তাদ

সর্বকর্মা।

আর ছেলেরা যতক্ষণ সে ইশকুলে ভর্তি হচ্ছে, তার মধ্যে মস্তো এক সফরে বেরবে পেনসিল আর সর্বকর্মা। ঠিক করেছে তারা সব কিছ্ দেখবে নিজের চোখে, সব কিছ্ জানবে, যাচাই করবে, নতুন ইশকুলে তাতে ছেলেদের শেখাতে পারবে ঠিক-ঠাক, ভালোভাবে।

ছবির খোকন প্রদাতিক ভর্তি হয়েছে নতুন ইশকুলের প্রস্থতি ক্লাসে।

এইখানেই আমাদের ছোট্ট যাদুকর পটুয়া আর নিভাঁক লোহার মান্দুর্ষটির গম্পের শেষ। একেবারে সাধারণ লোহার মান্দুর্ষ হলেও কিন্তু অনেক কিছ্ই সে করতে পারত, সত্যিকারের যাদুকরের চেয়ে সে কম যায় না। তবে গোপনে তোমাদের একটা কথা বলে রাখি। যাদুকররা বলে: যে নিজে নিজেই সব কিছ্ করে সে নিশ্চয় হয়ে উঠবে যাদুকর!

আসি তাহলে আমাদের ছোট্ট পাঠকেরা, ছোট্ট শ্রোতারা, ছোট্ট বন্ধুরা!

আসি!





প্রকাশকের নিবেদন

আদরের থোকা খুকু!

‘পেনসিল আর সর্বকর্মার অ্যাডভেঞ্চার’ নামে মজাদার আজব কাহিনীর বইটি বাঙলা ভাষায় ‘প্রগতি প্রকাশন’ থেকে প্রকাশিত ‘রামধনু’ সিরিজের অন্তর্গত।

এ সিরিজে আগেই বেরিয়েছে:

‘বৃষ্টি আর নক্ষত্র’ — সোভিয়েত দেশের নানা জাতির লেখকদের গল্প সংকলন।
ছবিগদ্য মস্কার একটি ইশকুল-ছাত্রীর আঁকা।

‘স্ফুলিঙ্গ থেকে অগ্নিশিখা’ — ভ্লাদিমির ইলিচ লেনিনের কাহিনী। অসংখ্য ফটোগ্রাফ।

‘ষাদু তীর’ — লেখিকা ল্যুবোভ ভরোঙ্কভা; ‘ষাদু তীর’ কাহিনীটি ছাড়াও এতে আছে দ্বিতীয় বিশ্ব যুদ্ধের সময়কার একটি ছোট মেয়ের ভাগ্য নিয়ে বড়ো গল্প ‘শহরের মেয়ে’।

‘ভয়ঙ্কর রোমহর্ষক ঘটনা’ — আনাতোলি আলেক্সিনের লেখা; প্রচুর অ্যাডভেঞ্চার সমেত মজার একটি মন-কাড়া বই।

‘পৃথিবী দেখছি’ — বিশ্বের প্রথম ব্যোমনাবিক, সোভিয়েত ইউনিয়নের বীর, ইউরি গাগারিন তাঁর মহাকাশ যাত্রার কাহিনী শুনিয়েছেন। বলেছেন, কেমন তাঁর জীবন, কেমন শিক্ষাদীক্ষা, গাঁয়ের একটি সাধারণ ছেলে কেমন করে হয়ে উঠল মহাকাশজয়ী। অনেক প্রামাণ্য ফোটোগ্রাফ আছে বইটিতে।

বইগদ্য তোমাদের আর তোমাদের গুরুজনদের কেমন লাগল, কী তোমাদের ইচ্ছে, তা জানতে পেলো প্রকাশালয় খুঁশি হবে।

আমাদের ঠিকানা:

প্রগতি প্রকাশন

২১, জুবোভস্কি বুলভার

মস্কা, সোভিয়েত ইউনিয়ন

Progress Publishers
21, Zubovsky Boulevard
Moscow, Soviet Union